

諸暨縣志卷十三

水利志

考工記曰善溝者水漱之善坊者水淫之此言水性奔流變徙靡常利之所興害卽伏之蓋深慮善創者興利於前不可無善因者繼述於後守其成法而無少怠誤并不僅守其成法而因地因時與爲變通不使害之或萌而得常保其利也暨之於水厥利有二東南西三鄉地勢高仰無陂池大澤以蓄水溪澗直瀉澗可立待利用漑於是乎築堰北鄉地處窪下眾流之所歸不有防衛卽成澤國利用障於是乎築堰然外水不入內水亦不出汪洋浸滅利用洩於是乎建閘此因地之利也先是闔邑之水北流東折入麻溪經錢清達三江以入海水性趨下瀉之尙易自築麻溪開磧堰導浦陽江水入浙江而邑始通海

案開磧堰

始於元至元間蕭山縣尹崔嘉謫於明天順間知府彭誼然
麻溪東行之道仍如故也至成化間知府戴琥始築麻溪而塞
之并開積堰而廣且深之時主其謀者蕭山致仕尚書魏驥也
受制巨室不能為暨民乞命故水利碑記有諸暨將成巨浸惟
使斗門圩堰有備餘每當夏秋淫霖山洪斗發上游之水建瓴
當付之天已之語也

直下錢唐江又合徽衢金嚴杭五府之水海潮挾之以入積堰

逆流倒行而與浣江作難其互相阻格則渟瀦不行兩相搏激

則橫溢四出潰堤堰淹田禾壞廬舍北鄉湖田盡受其害嘉靖

初邑宰兩厓朱公督築圩堰見經野錄略今人謂青陽劉以衛

諸湖水害稍息數十年後上下怠視湖堰漸圯而邑宰林公復

賣官泌湖於十三家以築城邑遂無容水之區雖明詔復浣江

故道而蕭人持之堅不可奪萬厯間青陽劉公不得已而為自

治之計鑿渠導流芟穢塞竇修閘培堰次第舉行江流始暢此

因時之利也夫因地者有不易之制因時者無可泥之法至地

隨水變而亦有不與變通者理勢然也劉公明定條程
熟籌善後凡所以爲暨民謀利者著有經野規略以垂久遠蓋
深有望於後之人守其成法而又不僅守其成法因時制宜之
思周緻縝密懇切諄詳尤溢於語言之表者也自是而降鮮有
謀及者矣水性慄悍沙石夾下江路淤塞容水無地三百年來
爲漱爲淫之患日甚一日而規略之所責成者溺職不修規略
之所嚴禁者干犯無忌就令拘守成法日事培堦萬丈奔流以
兩隄夾障之其能與水爭地而無潰決之患哉況乎培之緩不
若淤之速培之難不若淤之易江日積而日高堦愈崇而愈危
十歲九荒岌焉終日謀水利者乃爲濬江之議而經費無出安
沙無地築室道謀屢議屢輟且羣山徧墾爲前此之所未有沙
隨水下朝濬夕淤亦有濬不勝濬之勢失時不謀至於今日但

見水之害無所謂利也昔戴太守有言曰諸暨將成巨浸唯有付之於天而已觀諸今日斯言驗矣樓志載水利多採經野規略雖古今異宜其所紀載亦非盡屬當今之急務而但得痛恤民瘼者師其實事求是之心因時制宜與水變通亦未始不可以人力補救也

水道

浦陽江源出浦江縣西境之深裏山曰東溪東南流又一源出縣南之五路嶺曰南溪東北流至縣城南合而東稍北五十里有一水南自西北之戚村橋北流來會又東北流經白馬橋又東北經諸暨縣南境曰上西江謹案入境之後又有義鳥水自天造橋入境北流至安華步與浦江水合此脫略詳見山志又東北至了口案當作有上東江東南自東陽界合孝義開化二溪東北流又合超越下瀨二溪經街港案當作來會謹案上

說卽洪浦江受超越下瀨諸溪與上西江合於了江口又北流曰里許至朱王江口然後會孝義開化二溪此微誤詳見山水志

浣江又北經縣城南又東北五里分爲二派一東北流曰下東江

合東南來落馬橋水又北有泌湖水謹案三字衍想由駱志而誤辨見下雙橋溪水

自東來會又北稍西有楓橋北水東自山陰界來會又西北至三

江口一西北流曰下西江有五洩溪自五洩山合二溪案卽石瀆冠山溪

來會案卽祝橋港又北有新港水自西來經直步南而東來會謹案此卽駱志

所謂大馬諸溪由晚浦入者是也北至三江口復合曰大江其分凡七十里復合

也又西北流臨浦鎮西其東爲山陰界北爲蕭山界古道東至錢

清者已塞今自臨浦又西北流入浙江此水源流三百餘里越城

人舊稱西小江水道提綱一案所謂古道者水自新開頭東折而

三江所而入海者也自塞麻溪開磧堰東折之水注於麻溪北至烏石山東北穿內地過錢清鎮至

改而北流逕入浙江於是諸湖始受潮沙之患矣諸暨水勢大都自南而北極東南爲孝義溪發東白山流子溪發

阜角嶺花亭溪發俞家嶺孝義溪西南流十里合流子溪又十里
合花亭溪又十五里合開化溪開化溪兩源皆由東陽來合龍泉
板橋二溪始入孝義溪龍泉溪發白巖山板橋溪發大唐嶺孝義
開化二溪合流出街亭五里許合洪浦江洪浦江接超越溪發小
白峰又一水名下瀨溪發金潤山合爲洪浦江過洋湖合街亭港
是爲上東江極西南爲豐江來自浦江縣入縣界東北流十里許
合黃沙溪又三里許合義烏溪又里許合上瀨溪爲安華步義烏
溪來自義烏入縣界亦十里許與豐江合黃沙溪合南源西源二
水二水皆發日入柱山發柱南者爲南源發柱西者爲西源皆浦
江縣界上瀨溪發善阮嶺亦名善溪義烏縣界由安華東北流六
十餘里山間小水無慮六七支皆入其中是爲上西江過黃白山
橋五里許與東江合俗呼了江口始稱浣江亦曰浣浦曰浣渚曰

瓢溪有浣紗石流十里許始至縣治由城東過太平橋五里許至
茅渚步復分爲二曰下東江下西江下東江過五浦宣家步缸竈
步草湖港白塔斗門無慮七十餘里至三江口下西江元天歷中
州同知阿思蘭董牙所浚由竹橋新亭晚浦長瀾浦至三江口亦
七十餘里與東江復合其兩江所入漣礪港合胡村水由長官橋
沙港口入東江長官橋俗呼落馬橋所謂家公萬柳堤處也烏石
溪發趙馬嶺由雙橋稱雙橋溪入高公湖古李溪一作古栗一作苦李合白茅溪
入高公湖案此下當云同出高湖斗門入於東江櫟橋溪接龍溪左溪龍溪發樓家
山左溪亦發阜角嶺由石礪橋亭至橋下由洞溪入泌浦湖楓溪
接黃檀白水二溪白水發走馬岡黃檀發上谷嶺下谷嶺五岫山
黃來嶺駐日嶺諸山大小五六源合流經青山頭至楓橋鎮鐵石
堰復分爲二北流十里許仍合入泌湖干溪發芝菰山石碑山合

古博嶺小水西流又合桐坑所發小水出黃沙橋由小泉溪入泌

湖諸入泌湖水皆會復分為二港一水入湖一水轉下宣步入高

公湖由斗門入東江案此大誤泌湖與高湖南相距數十里中

雖有變遷山則互古不易泌湖之水焉能踰山越嶺而入高湖考

今水道楓溪至了又溪分而為二一水西北流繞駱家橋之前湖

後湖至徐潘塘西折入泌浦港北流出上木橋經金九公又西折

出下木橋至塞港口一水東北流出前湖橋又北流經烏程步又

北流至下宣步出下宣橋又北流出上石頭橋又西流出邵家步橋折

橋至塞江口二水合而西流出上石頭橋又西流出邵家步橋折

而北流經雞籠石又北流西折至顧家入於其他桑溪發鄭墅塢

東江初不由高湖入東江也詳見山水志

由五浦入案桑溪無考鄭墅即今之泰南鄭家其水發白茅塢合

山水橫闊諸水源自山由白塔斗門入此則下東江之大概也五

洩溪發富陽山東流三十餘里合石瀆溪石瀆溪發諸山案石瀆

蓄山入五洩溪過馬湖謹案馬湖之上尚有靈泉溪發雞冠由竹

此誤橋入西江青山溪發南泉嶺蔣塢由馬湖入龍窩溪發白門山由

新亭入大馬溪發大馬諸嶺由晚浦入此即水道提綱紫草溪發

杭烏山白馬諸嶺由朱公湖入此則下西江之大概也二江既合

名大江北流十餘里雜受涓池金浦諸水金浦水源自山陰來至兔石頭出

縣界由尖山臨浦入錢塘江舊由麻溪入錢清今不復通矣又考

溪即五雲溪出富陽五雲山概浦發雞冠山及分水嶺合流又合福昌

溪無考蓋古今易名也由義安陶湖出蕭山峽浦入大江此即鳳桐港又有

小福昌溪發福昌寺山下由蕭山縣五日溪出臨浦隆慶駱志案小福昌溪

亦無考想即青山溪北流經次塢至苦竹園出蕭山境者是也詳見山水志

謹案闔邑水道唯此二條最為簡明樓志雜引萬曆府志駱問

禮續羊棗集毛奇齡三江刊誤三書論浦陽江為禹貢三江之

一之或是或非紛紛辨詰無與於暨累牘長編適見叢雜今概

從芟削而錄此二條於首并旁注其誤處與山水志參觀俾謀

水利者有所考證而得尋其脈絡也附馮至浣江挖沙議謹案邑之水利以濬江為最要濬江無善策此條尚簡明易行故首錄之

江沙大害也水盈則高田俱沒水涸則下澤皆枯水為虐而沙實助之蓋沙壅而水無所歸田是以沒沙滿而水無所息澤是以枯今欲祛水之害當自挖沙始苦挖沙之無費費出於田計畝可也苦貯沙之無地買城北之田以為地起自官船步迤西而接於長山之麓以為城北之屏挖沙以利水而貯沙即以利城山高水深闔邑人文之盛殷富之源均有不可測者舟行利涉其小焉者也轉大害以為大利邑中大事此一要也

堰

鴨子堰

在義烏溪亦作甲子

楊柳堰

在善感橋下黃瑩村

仕堂堰

在二十七都黃家山下黃巖廷村

王村堰

在洪浦江

呂浦堰

在孝義溪

巖頭堰

孫村堰

二堰俱在開化溪

街亭堰

在街亭港

牯牛堰

石碓堰

洞村堰以上三堰俱在櫟溪

鐵石堰

永昌上堰

永昌下堰

丁家堰

宣村堰

黃剛堰

以上六堰俱在楓溪

魚籠堰

石壁堰

黃沙堰

以上三堰俱在干溪

石蟹堰

王堰

石井堰

跨湖堰

祝橋堰

以上五堰俱在五洩溪

考溪堰

在考溪即五雲溪

便堰

在櫟浦溪

張家堰

在雙溪

蔣家堰

在六十八都真如庵前

霞溪堰

在五十都

右諸堰皆遵樓志載入考各溪之堰不止此數東南西三鄉溪澗直瀉滴水不留苟無灌溉田皆龜坼每當夏秋旱乾壅土塌水節節皆是及上游水發即衝激而去多非一勞永逸之制戴太守瓌水利碑曰防水之出人力可以為即謂此也然堰基之上灌注之多少各鄉村俱有成規苟非其地而築之非其田而灌之即起爭端未可以疏遠之人輕聽一言懸擬而臆斷也今凡前志之所有者悉登之前志之所無者概不收入非疏略焉有深慮也但得各村各阪慎守舊章毋自紊亂即永保其利矣

堰 謹案說文土部堰本訓阨唯廣韻上聲三十八梗於堰字下注云提封吳人語也吾邑湖田捍水之隄俱呼曰堰蓋方言也

謹案前志載有七十二湖而不足其數且有今昔易名而莫指其處者有今有其名而志不載者唯經野規略所紀之堰有條不紊今遵而志之蓋改湖為田築堰衛之舉堰即可概湖也

上西江東岸

萬定堰

在豐江下

七家堰

在善感橋下王家門前

上塘郎堰

下塘郎堰

廟後堰

在正二都十七都

官塘堰

前山堰

包家堰

廟前堰

丁家堰

神塘畝堰

麻園堰

大園堰

黃家井堰

金村堰

窯口沙塘堰

杜家堰

中湖水堰

下湖水堰

吳郎莊堰

墳埧堰

霍家堰

橋頭湖堰

上西江西岸

柘湖堰

前湖堰

白塘湖堰

宣家湖堰

上莊湖堰

下莊湖堰

安家湖堰

茲橋湖堰

茲亦作之

五湖堰

芒蘿下首堰

道士湖堰

雙港河直下一帶卽洪浦港

王家江堰

在正二十七都一作小港門前

祖宅門前堰

關全湖堰

上洋湖堰

下洋湖堰

趙郎湖堰

毛村湖堰

蔣村湖堰

劉光復碑亭趙郎毛村等湖堰記古之人成功而不有今之人無實而冒居古之人惻怛惠利之心勝而民信之今之人委曲彌縫之念周而民亦予之然而功害勞逸目前百世之計尸其事者知之有難以告語人者若因人成事蚊附雷和徒誇飾目者

前而耀來世內以欺已外以欺人如獨知何余數年孳孳湖埂
急當務耳幸而就緒民亦勞止縣上碑亭趙郎毛村等湖頗稱
沃野巨族數姓錯處其間皆自今樂有恒產毛生睿卿郭生辰
星等來請欲乞文以誌不朽余日華實厚薄余竊聞老氏之旨
矣上以名炫下不若示之守法下以名歸上不若從其
教化當道禁示彰彰爾往鑄之俾父老子弟恪遵弗替

街亭鎮以下一帶

婁家埂

在正三十四都

陳村埂

在三十都

翁家荷花埂

張村埂

孫家橫埂

大樟樹埂

大路埂

丁橋埂

在七十都

廟前碑亭半盼埂

上網廟陶家埂

山後河東岸

水磨堰埂

黃蘭畝埂

石井畝埂

卸湖埂

西景湖埂

留仁荒湖埂

徐家湖埂

山後河西岸

牌畝芝麻埂

金家湖埂

沙埠湖埂

黃家湖埂

新湖埂

楊家湖埂

馬埠湖埂

月塘湖埂

朱俞二湖埂

台家湖埂

太平橋下東江東岸

營口塘埂

黃家墩湖埂

高湖埂

劉光復埂間記載下開類

湯家湖埂

嶼頭湖埂

章家趙家湖埂

落星湖埂

壽文

四十新湖埂

上竹月湖埂

中竹月湖埂

下竹月湖埂

木陳湖埂

吳墅湖埂

婁家湖埂

新大圩埂

山後湖埂

今呼山裏湖

孤山湖埂

下東埂

四湖 其築石米橫 塹

草湖塹

新湖塹

金竹塘湖塹

馬塘湖塹

白塔湖塹

劉光復塹間記載下閘類

歷山湖塹

蔣湖忽觀湖塹

橫山湖塹

吳湖塹

上金湖塹

下金湖塹

新塘裏塹

新湖塹

吳家櫃塹

下湖塹

太平橋下東江西岸

即大侶等湖東岸之塹

大侶湖廟背塹

劉光復大侶湖廟背塹記縣下大侶湖約田二萬畝并東西橫塘朱家等湖以十數總計良田千頃

居民萬竈通邑視其收否為豐歉自茅渚步廟背塹至三江口直達七十里環而匝百有五十里瘡孔固多可虞獨廟背塹當兩分要衝寶婺萬山之由太平橋下奔突其塹勢甚湍猛曩時塹地數畝上有江神廟復廿七年初至隙地雖委河伯廟前猶可與行下視單削四顧田廬怔怔警念不自己適獲插箔江中者拆其椿竹釘護此塹比年大水得無恙次年椿竹竟成鳥有廟址又半落頽波遠邇大懼議墊石為固呈之當道屬復事專復以入觀不欲錢穀經胥役手令酌遠近分派丈尺責成各

湖圩長湖民俱躍然赴工無一頑梗通力合作之風殊不異成
周太和閒斯民也洵三代直道而行之民歟獨不佞資民財因
民力乘案牘倥偬之餘勉示鼓舞振作之意自知短拙綿弱其
得髣髴古人萬一否耶幸今就工檢贖金六十餘兩買埂下田
二十畝歲可收穀二十四石苟主計累積有方而無或漁蠹其
中尚可為補舊之一資乎時董事圩長者民石濟四十七等皆
書名於左

太侶湖花園埂

劉光復花園埂自萬曆十一年洪自茅渚東下里許即

沙沒者二百餘畝洗而為湖其民咸謂功不可幾余臨埂
埂又衝壞時歲歉民飢倒餓者居民咸謂功不可幾余臨埂
召圩長問以湖中事情則不遠結但稱苦而已問伊湖中產
若干則言鳥有余笑曰焉得無利於此而甘為人禦患者弊坐
是矣按籍得本埂田多者袁中書百七等五人引抵埂所謂之
日此埂甯可如是否埂不築築不堅固湖甯無咎爾否爾即欲
偷旦夕安湖民能歲受饑荒爾等能歲賠糧差否五人各唯唯
願身任其職蚤夜力督二旬而功半陡雨埂不沒者三寸湖民
謂有天幸益奮踰月而底績王寅孟秋月杪淫雨連朝余親帥
役人往救沙埭埂夜半忽報花園埂破馳往而水入濤濤有聲
矣至則袁良百九十七郭慶二同二三工人拽小舟傍埂號呼
余擇善泗者沒水尋孔竇令輿人及從役魚貫捧土入潭內沈
以塞之幸得無虞自是歲歲加築三倍曩時五人又慮埂所孤
遠構屋召人以備非常勒碑乞言以垂久遠余日勞者爾民力

費者爾民財指揮而料理者爾民之心計爾輩勤苦爾獨知之
吾之衷腸爾等悉之誠思預圖保防如飢餐寒襲在吾民時加
之意非可以言說盡者爾有不忘艱難之心自得痛養疾遲肯
縈倘不其然縱列碑如林鐫字若星祇為石灾烏乎用之五人
相顧悚而稽首日君侯之言幽
風亟時之遺教也敢不拜賜

源匯埂

和尚灘埂

張家新湖埂

戚家湖埂

戚家湖下埂 今築石子橫埂
壽家匯湖埂 分作上下兩湖

東橫塘湖埂

朱家湖埂

東黃家湖埂

東京塘湖埂

泥湖埂

東大兆湖埂

霰漁湖埂

西施湖埂

魯家湖埂

太平橋下西江東岸 卽大侶等湖西岸之埂

沙埭埂

劉光復沙埭埂記大侶湖沙埭埂下廟背埂里許去縣五
里而遙己亥孟夏為洪流衝破比年築就壬寅仲夏復被

衝埂倒百七十丈淤田三百餘畝埂下居民號呼無措闔湖皇
皇虞失秋余約日召圩長畢集丈分倒缺半屬本湖半屬通湖
余自募夫築數丈示之式又早宴馳督役工未六七而驟雨連
朝水大至余乘舸抵埂所圩長撫膺泣下湖中有負釜而奔避

者余謂蹙額待潰非策不若盡力救禦其濟否則天也圩長許諾糾集數人就埂下搬沙運築余載酒致餼親立賞格與隸捕快咸荷鋤列炬人人用命凡兩晝夜倖保無虞湖民乘時奮功高堅遂甲於他埂圩長蔣加七十三蔣加六十蔣都三十二等呈之當道欲表前勞檄下余繳覆以輟乃七十三等仍勒碑欲刻其呈詞余曰明止之而私立之非體也爾湖一望千頃萬民待命聞邑中有大侶參白塔娘之諺所關非藐小爾欲識前勞是足其勞也足勞者必憚勞爾亦思己亥之卒破也豈不謂此埂曩來無虞而漫不加意乎日然王寅之再破又豈不謂埂適如是可矣而竟虧功一簣乎日然當余策馬催築爾咸謂秋潦弗甚而何憂駭不及圖既冒雨鼓勇與河伯力爭爾等指為徒勞而卒藉以濟事豈天功可貪而人力可盡諉乎日然用是知不備不虞災之招也無恃不災恃吾有以待其災預圖為上策也圩長羣應聲曰然然願以代呈詞可乎余曰可

余村埂

大侶湖周村埂

楮木湖埂

西橫塘湖埂

西朱家湖埂

西上黃家湖埂

西下黃家湖埂

西京塘湖埂

何家湖埂

西大兆湖埂

黃潭湖埂

太平橋下西江西岸

北莊阪塹

張家阪塹

邵家湖塹

麗用竇小湖塹

劉光復祝橋湖開河記暨城北出里許有張家阪東賀湖田各盈千合沈家湖三者連為唇齒轉向

西南一望湖以數十計大者千餘畝小者數百約三萬有奇沈家湖田不三頃獨尾諸湖之下而當其衝富陽干溪百澗之水由五洩奔騰百里而來至此遏不得驟瀉則泛溢上流一被衝沒諸湖全無粒入本湖田少塹多屢衝患重內二湖又謂此塹不固怨尤之居民旁皇特甚咸指對江匯地為崇願竭力開洗導流西行余給銀四兩零買地俾民時壬寅各湖興築未暇及癸卯冬以余入覲輟議甲辰之秋湖民相率請畢前功各湖以次受成皆如期力作余時親臨指督運土河東迴瀾西下越月而既事乙巳春連雨彌旬水遂委順無害湖民鼓舞酈生用賓尤不勝躍然謀乞文勒碑誌不朽余聞謂之日何以文為酈生日洪恩未可忘也余笑謂日恩欲歸已怨將誰歸追維余初泣暨旱荒之後降以水潦民號呼顛連幾不聊生余亦大懼無秋乘時急塞倒缺乃民則不勝怨幸早築禦水西成大獲則不勝德已而余悉詢利弊大舉湖工民亦喜怨相半及功就可恃無虞又始羣然歸德湖外灘樹種種為梗言者扼腕余從眾清理芟削有地若樹者率多告艱至涕泣以爭毅然芟去而水患頓息連年有秋又人人動色相慶彼其怨者何心德者何心倏怨而倏德者又何心烏知怨之非德而德之非怨耶余念在養民其所開鑿若血脈之當通所加培若腹心之當衛所芟鋤而棄置如癰疽之不得不潰亦唯獨知而計之獨持而行之烏知誰

之爲怨而誰之爲德耶卽如百姓之叫號猶稚子庭而割髮痛者其實情旣而歡適猶嬰孩枵腹得食樂者其必至其屢拂屢信竟無後尤亦猶童孺之被父師督迫雖稍見愠怒而知無他賜亦自起自滅而真情自露烏知怨之何來而德之何從耶孟子曰欲爲君盡君道欲爲臣盡臣道不避勞不避怨奉職之道也不任德不任怨無我之道也不見可德不見可怨三代直道而行之遺風也吾與民亦各盡其道而已矣倘不知大道而上焉者屑屑收恩遠怨之是亟則下亦陰窺上之隱明以恩怨示予奪將嘗試忻脅之不置壞直道而阻好義公心皆此知有恩怨之心敢之耳何如渾然兩忘之爲得乎雖然亦有不可忘者孟子曰禹之治水水之道也又曰順水之性也夫水得其道則順失其道則逆順則安流逆則泛溢必至之勢也今江干淨而水得其性守而弗替以圖利害之大凡又在暨人自爲計非余所能了此也鄙生唯唯日書此可以詔來世何用文爲請歸而鑄之

東大湖埂

道仕湖埂

新亭湖埂

黃官人湖埂

廟前湖埂

陳家湖埂

上蒼湖埂

下蒼湖埂

象湖埂

黃湖埂

郭家湖埂

和尚湖埂

秀才湖埂

潭湖埂

車湖埂

張麻湖埂

朱公外湖上浦埂

朱公湖埂

劉光復埂闢記載下闢類

貫莊湖埂

橋裏湖埂

連塘湖埂

江西湖埂

浦球湖埂

湄池湖埂

南湖埂

下畝湖埂

楓山湖埂

神堂湖埂

右諸埂俱遵經野規略編次其各湖章程原書俱在檢而閱之即得其詳然昔之所有而廢於今昔之所無而行於今者亦復不少所當因時制宜未可刻舟求劍也

附經野規略示禁

一禁蓄樣已砍竹木蔽塞江路

一禁江灘挑埂圍牆阻礙江流

一禁夾籬栽茨侵截埂頂行路及東西沿江官路

一禁埂中起瓦窠造厠屋致易衝塌

一禁埂上栽種蔬豆桑柏果木陰圖據爲己業

一禁報陞埂外隙地江灘潛行挑築蔭樣

一禁承佃已買過水田地及追還各義冢官地

一禁砌築魚埠致激浪衝射圩埂

一禁鋤削埂腳致單薄誤事

一禁侵占湖內漚基及埂外過水溝缺

一禁夏秋兩季木客堆籬捆三江口及江中致壅水泛溢

一禁侵占各湖蓄水官湖

一禁埂腳下開掘池塘

一禁埂下牽夏腳網罟蜆

一禁匯湖通營放水大湖

一禁置立私營如緊關當置者俱要堅築內外用石砌緊承當管守不得誤事

一禁各湖營開乘水布袋裝箔捕魚致淹沒田苗

一禁造屋逼狹侵開墾路江路

一禁東西兩江槩縣山溪并各湖港瀝毒流藥魚

一禁各河港及湖瀝插箔截流捕魚

案闔邑湖田通水之竇俗皆作窪亦呼缸窪洞此字字書所無實虛造也而經野規略用之考其制陶壁為之狀如甑無底長尺餘大上下以小口納大口壘而接之可使之長橫置墾下穴其中以通水劉公以其質脆易碎每為墾患令改我運石今則制易而名不易愚謂不若假作營字考小戴記禮運冬則居營窟正義曰營壘而為窟又段玉裁說文營字注曰引伸之為經營又曰凡有規度皆謂之營壘而接之使成穴亦猶壘土為窟且有經營規度之義焉故凡經野規略窪字俱改作營字

內墾

新塘埂在紫巖鄉南自葢里山麓北至蔡家山麓為白塔湖與瀝
山湖分界處明天啟二年蔣重良捐田六十三畝諸生蔣九元
捐田二十一畝為基又取土焉知縣唐顯悅為詳憲增築故曰

新塘

乾隆府志

石子橫埂在泰北鄉壽家匯湖中自漁艚山東麓起至東江江瀕
止為大侶湖與連七湖分界處乾隆六年大侶連七湖公同合

築新
纂

下四湖橫埂在花山西安二鄉之間自西江霞衢村下起至東江
陳家步止咸豐四年諸生姚世潢等鳩費督築以障上湖之水
四湖者謂大兆湖西施湖霰漁湖魯家湖也駱志謂四湖受漁
艚諸山水此埂築而漁艚諸水不至矣此今昔之異也

新纂乾隆九

年諸生姚志潢條呈湖埂事宜竊唯水滂固屬天災捍禦亦
由人力徒望雨暘時若僥倖於豐年一遇海潮逆流山水驟

發以一線隄埝抵萬頃波濤勢必束手待斃勸報則憂勞司
 牧蠲賑亦耗費帑銀此暨邑塘工之宜亟也欲固塘工必籌
 良法謹擬數條以備採擇。一相度地勢暨邑除山田外共
 有上額湖田二十餘萬畝他湖依山傍麓隄防猶易唯大侶
 湖起至大兆湖止總名連七湖介東西二江之間袤延百餘
 里四面環水為害最烈故自雍正五年乾隆五年疊次報災
 隄工之險要首推連七湖是必於水之湍激處紆迴以避其
 鋒土之堅鬆處棄取以固其址內釘椿以防其坍外堵石以
 衛其衝而後連七湖可保餘湖亦可次第舉行矣。一內外
 兼理各湖沿江外埝固屬緊要而連七又有橫埝數條明萬
 厯閒邑令劉公所築大保湖地居上游勢若建瓴無橫埝以
 為砥柱則地勢遞降上湖之水悉注卑窪而下湖盡為澤國
 矣故外埝宜高厚而內埝尤不可卑薄必因其舊而增修之
 使向之連而為一者今則分而為七庶幾一湖被淹而六湖
 猶可保全也。一援例官築暨邑湖田雖非濱海然自潮水
 上行山洪下注七十二湖即成巨浸其築隄之費例不動帑
 是受海之患適均而築隄之工獨苦可否照山會等縣之例
 亦歸公修經費雖繁較之兩年蠲賑實屬稍減且從來賑濟
 之法莫善於以工代賑視力之優細酌值之盈虧則飢黎莫
 不踴躍矣。一設官董率各湖俱有圩長然非官長彈壓呼
 應不靈蓋此輩有勤惰有公私或彼此徇情或後先觀望徒
 應故事卒少成功懇另委幹員減從勘閱遇有單薄即飭培
 修則民知畏法無敢怠弛矣。一點立埝書各湖埝務規例
 不同有合力共築者有各人分築者田之出入靡常埝之授

受屢易牽拉影射弊竇叢生唯立一壞書執掌冊籍田有賣
買卽行過割收除庶源流清澈弊無自主。一清理水道水
之流行遷徙無定沙淤成阜湍激爲淵有積千百人之畚
不敷一二日之崩頽者近來沿江等處多所侵占務將竹木
叢生一切壅塞之處請該管官巡察督毀如有抗違卽治以
侵占之罪使水復其故道則塘工可保水患可弭矣。一挑
淺築隄溪漲驟發飛流百道塗泥雖漂而不停沙礫必重而
多滯日久堆積則沙積而水力愈強水強而隄土愈弱矣必
於冬月水涸之候令附近居民擇高厚處填築土壩以涸其
下流卽將沙淤搬運隄上逐段開堰深一尺水道可固數尺
隄工既省運土之勞更免掘田
之費誠除害興利之善策也
謹案前數條半爲大侶連七湖論故附於此至內外兼理一
條志橫議之於百年之前世橫成之於百年之後名適相符
亦一
異也

開

了山上開

了山下開

關全湖開

洋湖開

南門開

南湖斗門開

馬湖開

茅渚步開

廟觜埂開

五浦間鄧謚大侶湖利民圩開記暨處萬山之會臨江匯之濱一

趨巨壑則又頃刻千里湖者可立待是暨之水患無以洩之勢

無以注之故築圩為湖者七十先民之為水備者遠矣至大

侶一湖關係最要其成功最難茅渚合流之水分溢左右兩江

橫波巨浸勢甚猖狂如戚家橫塘等七湖皆屬下派倘防洩非

宜民之魚鼈也者幾希矣萬歷乙未尹侯請之當道率民分埭

効力闕者補之卑者益之脆薄易潰者堅築而厚培之獅子潭

增置一埭以絕浸淫漫漶之患五浦新增一開以殺嚙足剝膚

之虞相士審勢程度權宜不踰時而告成功焉斯役也丞田君

同井簿華君一孝尉周君天賦皆以時巡閱於湖有力若耆民

孫密六十六張立七十八等則領其事而始終其舉者并記之

侯名從淑字道傳別字又方丙戌進士三巴人。劉光復五浦

間記縣下五里許有大侶湖又東行餘二十里有五浦間即湖

之畜洩處也湖中田約二百頃上稍昂脊羣潦歸宿其下兩未

終朝而半湖作沼者勢必致也兼之楮木戚家張家新湖三處

各數十頃皆從此洩瀝之踰旬猶不覩田畔奈之何苗不萎而

穀不升舊間卑小且將圯先令尹公從淑議復勸兩所以利民

時內闢甫完而公擢水部去外開遂輟余抵暨時舊闢坵甚內

埭多單缺不足禦水眾論欲卜基進舊開數十武卸內石并為

一大闢導流易涸闔湖稱便曩之督工耆民章惠百九十四孫

宏六十六折然募工搬拆數日而石悉外移眾推趙澄八十四

忠誠無他腸使主役忘晝夜寢食者三冬遂畢其事高七尺二

寸開六尺二寸皆倍舊長十尺極稱完固又移內小闢於戚家

湖高閘各三尺餘水所得洩視昔加倍閘既竣而尹公之志始遂也趙澄八十四又捨已田五畝以贍閘戶嚮義甚篤并湖民之効力者各書名以誌其勞

高湖閘

劉光復高湖堰閘記韓子曰事成而有利權其利而害多則已之事成而有害權其害而功多則為之此固與民共

功之大較乎若人咨人度不一堅決是道旁而詢築室之謀也縣下東江二十里許有一湖環繞四都六圖山田數百頃湖田一萬二千餘畝湖中之窪而易沒者又復踰半沿山沿汜溪澗無慮百十即新店灣古樑橋趙馬嶺三大川雨注時沸騰若江河然不終朝而數十里茫茫巨浸矣諺云高湖沈水底傷內水之無歸也徧江上下計有九百四十餘丈塌塌狼狽舊時頃倒輒起排門夫築之戶田有寡率互推避後圩長亦苟且塞責微倖於天以是屢年無秋歲壬寅夏五月大雨清水潭壅衝洗沈淵湖民大恐失望余臨湖召集圩長日為之奈何方兆百三十三等日舊挨戶分築余曰築堰衛田論人戶非是宜令照田民從之而月而塞淵成山又通堰俱壘土倍舊穹然阜峙鼓掌而誇勝槩不俟鞭策之頻加也先是開石崩陷湖民呈之官議修造而未定及堰成田高者以外水可禦欲息肩田低者謂內水不出伊等仍遭汨沒同功異患當不其然況修與勸較費無大懸舊兩洞各闊六尺今改加二尺為各八尺甚便利余不忍力均而偏若也則聽低田者議余又日孰任此方兆百二十四方兆百三十三進日照里立十三總圩長各領三小圩長使照田採石集工費某二人夙夜董其成無敢懈余察其能足辦是

也則舉而委責之自秋徂冬河乾不能運石無可督促春水稍
長懼功之不就卒然馮夷為虐而貽通湖殃也頻頻至止涪勵
督率祈即成無患比架橫橋數層仲夏初驟雨連朝外水大至
亦不能為患內水暴漲五日而洩瀉減半鄉時高田稱上上低
田增早穀二千餘畝晚稻闔湖全收民見其利而

朱公湖關

劉光復朱公湖關記縣下西江三十餘里有朱公湖
額田一萬三千零環市兩舍之地三都七圖之民居廬

耕鑿其中圩埂舊分上中下三浦修築湖民之有識者謂上中
二浦沿江一帶計埂一于三百九十餘丈歲衝突無常蟻穴為
殃而萬家傍徨稍內連山補隙不獨當其衝託堪輿家言以爭
暴溢可保無虞近江居民則不欲獨當其衝託堪輿家言以爭
屢議屢格卒不能就壬寅夏圩長史學九傅長四十三姚福八
十七等公舉耨內便諳諳懇切余與訂期臨湖酌之及到湖
熟視而外埂五倍於內其勞逸不敵也外田九百畝不失舊物
內田踰萬可成膏壤其大小不敵也外湖穿而易注即有非常
水患不至衝淤過甚內埂依山為固隔斷江濤永免陸沈其利
害不敵也義從民便無俟再計科錢買址畝不二分計田授工
畝不三寸民咸訴新聽命獨沿江人夥而課當事者皆蹴踏旁
觀莫敢櫻其鋒余召一二長老謂曰若輩意何為曰不利於廬
墓余曰無論方術稱最吉又何嘗乎吾求利百姓懷私梗合法
右而左固地氣皆稱最吉又何嘗乎吾求利百姓懷私梗合法
有常刑毋自悔聽者感悟羣趨叩頭願受成於是布約束示方
略二旬而往按功崇塘圩山連串若貫珠然向之言不便者皆

稱大便矣更詢湖中諸利弊眾日內水難瀉低田歲苦無收余
視其開闢口形高而閘門又為石逼募工直鑿下為石闌而去其
木開創劈兩旁壁立門得洞開上為加橫石高闊倍舊更給下浦
工費修砌舊營完固湖中瀝江多為豪民侵築成池壅塞為害
俱勘追還官截樁攤壩下浦若干以備開費為經久計沿江與
橋裏貫莊通湖共築仍買田若干以備開費為經久計沿江與
民亦各隆其壩凡捕魚侵牟諸弊俱申飭嚴禁民遵義不犯遂
無復沮洳之患比年有秋次下畝獲數鍾收入倍於腴田
遠近咸懷樂土悔其功之不早就也向使摸稜狐疑遷延異同
之論又不然而一切擊斷弗中窾會要領何以解不必然之惑
而馴擾之若耶語云民可與樂成不可與慮始吾於茲役信焉

白塔湖斗門

劉光復白塔湖包入十里糧田四百餘頃兩鄉六都之

民不畜干萬皆待命於茲舊設圩長歲一更皆苟且以延時日
埤極廢弛倒缺與江流齊春夏之交霖雨時集各湖尙無恙而
白塔人家悉沈竈產龍矣水所從洩唯斗門一開潮水灌閉終
朝縮不盈寸高上三無兩登低下十不九插號困苦此湖稱
最己亥仲夏余親履勘猶登舟穿湖遊抵大嶼缺令舟人度之
莫測其底不勝愕然曰此一地方殆哉拘舊圩長督責勉勵明
功罪狀始大懼獲戾矻矻赴工數日亦報可又數日水驟至接
壤馬塘埤倒而白塔得無虞民則大喜連年有秋民雖稍事
錘然圖了一年故事不為經久計墁之創者齧者略不關心
謂如此聽命於天終苟道也又相其地形三面阻山獨一面臨

者至水司

江約田三萬餘畝僅一千三百三十六丈計田分築畝不半
 尺一勞可垂永遠於是召湖民而詢之田多者為總圩長次者
 為小圩長而如岡如阜民益驩忻忘勞矣次年壬寅夏大雨月
 視天為虐各湖徧沒而白塔獨無恙得收早穀數十萬斛民益
 大喜過望各湖始悔不如白塔人之早計也俱奮勵培築湖中
 長老必欲善後無慮議廣蓄洩導下流議徙上流皆鑿鑿有
 據於是剏上新之開剏江中之石開西施之河鑿蔣村之匯凡
 打拄頭白水潭大嶼小嶼夜城荷花蕩斗門日諸患處倍加功
 力灑山湖圩長亦洗江灘復建石以固埂高厚與白塔埒兩湖
 屹然皆自謂有金湯之固夫白塔湖民至渙散難齊也始策之
 不前招之固避然三五申而卒以趨事赴役雲合響應晨昏唯
 命建功異壤鼓動邦邑卒得此湖之力焉則此湖之民習余
 用此湖之民如廉將軍驅趙兵余何日忘之而終不聞
 爾民有經久之謀吾為爾有恃蟻穴在河之戒所宜兢兢者又
 聽之天爾民無以今日自恃蟻穴在河之戒所宜兢兢者又聞
 魯文伯之母曰沃士之民不恃蟻穴在河之戒所宜兢兢者又聞
 僅免魚鼈耳可遂忘勞而節用崇儒以訓嗣毋逞豪悍毋習侈
 吾為爾計久遠唯力耕而節用崇儒以訓嗣毋逞豪悍毋習侈
 靡雍雍禮義之鄉是則吾所望於爾者爾民有知當必幡然吾
 言矣為爾謹誌之總圩長六人書名碑左用誌不忘。案記內
 量編冊管閣悉供命効力之人書名碑左用誌不忘。案記內
 大嶼小嶼舊作峻以
 字書無峻字故易之

謹案闔邑湖田洩水之閘不止此數此惟通樓志編之其所未入者今亦不載也又案樓志載有黃公閘此閘在蕭山境誤入蓋蕭人建此閘得以時啟閉不使里亭湖水泛濫入境而里亭湖低窪之田悉在暨境遂遭淹沒蕭人之利暨人之害也今刪去

白塔湖步春橋新閘

步春橋本係舊閘後圯前明邑侯青陽劉

公敷之移建於山下卽所謂上新之閘也後以湖內山水泉多一閘不足以宣洩湖民謀增建之道光七年蔣克傳首任其事斗費於田不足則捐己貲五百千又不足金起昇復捐己貲七百千踵其役閘成而湖流始暢同治四年壞決閘壞敷之而湖水又不暢洩光緒八年闔湖全荒於是金毓秀蔣鴻藻走告藩轅領得英餅千番復得杭紳仗助二千番歸謀諸衆湖民亦分任其事集費補其不足以備工代賑修復之經營一年始獲告成而湖流又得稍暢

倪望重白塔湖重修新閘記周官稻人之職掌稼下地以豬蓄水以防止水以溝蕩

水以遂均水以列舍水以澹瀉水言水利者詳矣暨邑多湖田
 田以白塔湖為廣明知縣劉貞一先生勸建石閘即今所謂斗
 門者道光間湖民集資距舊閘數百武增新閘以廣疏洩同治
 乙丑霖雨為災滔天水漲堤防衝突新閘亦壞且淤湖內之民
 兼顧不遑獨擁土築堤而完同之其後僉謀修閘不果就光緒
 壬午自夏徂秋水災洊至白塔湖尤甚呼籲上聞大憲奉
 天子命蠲租賦發帑金其時杭垣橋紳先生守春秋救災恤鄰
 之義又慨然捐資無德色當專者歸而謀諸眾皆曰吾輩受厚
 惠而徒為一朝一夕謀分給之猶恐未備不如修閘之為功大
 為利長所謂備工代賑一舉而兩全也經費不足湖民有力者
 助之助之不足計畝出錢五十以集之經始於癸未之春迄十
 有一月告成閘長八丈廣三丈高廣之半其費錢四千五百緡
 是役也不令而勸不疾而速成始成終於余何力之有焉余以
 是年二月來宰暨秋湖田又灾白塔湖雖灾不害此又天之憫
 人之力而不奪其功者也賑捐各款書之於左

永豐閘 在七十一都嘉慶二十三年造江東阪水由此入於東

江 謹案此即駱志所謂德勤港合胡村水
 由長官橋入於東江者今皆出此閘也

普安閘 在紫巖鄉六十一都金湖港中咸豐八年店口諸生陳

光瑩獨力勸建以時蓄洩又捐田十畝為修整之費
 壽僑新建 普安閘記

吾邑四山環衛水自麻溪穿山蕭之內地徑錢清鎮達三江所以入海其勢尚順無甚災焉自塞麻溪鑿破堰導浚江之水入浙江而潮汐亦得而逆上始一變而為澤矣蓋浚江之源上納義浦二水至豐江而合北流五十里經邑城至茅渚步分東西二江各流七十里復合於三江口中間四境溪澗百道畢從其性湍悍剽疾每當夏秋霖雨勢益張而錢塘之潮復挾富春江水席捲南驚抵金浦橋兩相搏激遂折而東流入金湖港一呼吸間而金湖等入阪為田七千四百有奇悉付淪胥居民瞠目束手無所施其計自道光乙酉至今迄無樂歲戶益仳離於是陳君咸若昌言於眾曰功不任經費無以成始事不在勞怨無以成終我祖敘堂公欲建閘以捍外江之水久矣小子敢不仰承先志乎爰鳩工庀材卜地於新橋之次閘長十丈有六尺高二丈闊如之由陟及巔壘石若干肩銜洞四每洞闊一丈有二尺洞旁立石鑿槽施板以為啟閉洞旁建屋數椽置閘夫頓宿以咸豐八年興工九年四月告成凡費錢四千一百一十千有奇是役也一舉而兩善兼焉方霍潦時得此以障江潮善已若歲亢旱禾苗待澤人力疲於桔槔而潮水陡起陡落求一勻之潤而不可得閘建而水涸則啟閘以迎潮潮入則閉閘以蓄水非唯不受潮之害而且長蓄其利矣其為功不亦偉哉

泌湖

案嘉泰會稽志作泌湖亦作泌浦湖萬厯府志作泌浦湖

泌湖在縣北五十里

浙江通志案當作縣東北泌湖緣楓橋江而下在江東為東泌湖亦曰東白江西為西

泌湖亦曰西白築墾圩田名稱不一縱橫交錯表延數十里 舊以蓄水不田故不陞課無居

民故無圖里後沿湖居民漸占為田日復一日致有大獲利者

官司惡其不法每案奪之黠猾者乃以他糧飛灑其中為影射

計官司清釐不能得反以額田為湖於是十三處之說興焉十

三處者田十三處也案此語欠明確十三處者十三姓之田也時富民占湖為田者十六家凡十三姓故

日十三處見城垣志 民以為田而官以為湖大率未必皆田未

必皆湖也上下相持告訐盈廷紛紛者三十餘年嘉靖甲寅十三

年知縣徐櫬勘之曰除十三處尚足蓄水與其奪民之田以為

湖孰與以湖為田乎民賴以安未幾有議聽民佃湖為田以其

值造城而十三處復在佃賣之中民又譁然曰田則佃矣吾糧

焉往縣因為丈量概縣田土日爾縱有糧患無往乎民不得已

聽之而價值又或不能盡當檢小因之投獻豪右案豪右指當時大學士餘

姚呂本也見壇廟志呂本梁公生祠碑記
續亭先生未便指斥其名故諱言之耳
始多事矣後又逢豪

右意每畝賦米一升而不役得田皆視為世業築塘圩蛛網其

中悉成膏腴時或淫潦水無所洩近湖良田反憂魚鼈其甚則

泌亦不能自保而又議編他都民為圖里不知何說
隆慶駱志黃鐘泌

湖議諸暨之湖七十有二諸湖丈量陞課供辦糧差惟此湖自

宋元以來及我國家相沿為湖而不以為田者此必有說某嘗

相度其地審視水勢諷諭羣議則此湖斷然為湖而不可以為

田也何則縣東之水發會稽山陰諸界無慮千餘條皆注此湖

而浣江發源義浦分派東西兩江而又會流於三江口三江水

道狹小旱乾之時兩江之水由三江紆徐順流入於錢塘若有

霖雨崇朝則兩江之水暴漲壅淤於三江而其水反從東南逆

注於此湖則此湖誠為眾水聚蓄囊貯之所若據以為田則必

有壅塞懷襄之患而暨之為縣大受其害矣歷代以來中更老

成定慮者不知凡幾卒棄膏腴以為官湖而不以為田者非其

見事之晚利害較然有所不可也
光緒閒王姓樓姓倡議合築西泌湖埂規私

利而闔邑之水患益亟
新纂

古隄塘

湖塘在縣東二里唐天寶中縣令郭密之築周二十里溉田二十

餘頃浙江今廢案此樓志之所引者也樓志又於名宦志郭密

則湖塘即放生湖惟二十二里當有一說又於古蹟龜山亭下

亦引萬曆府志云在縣東二里放生湖中說與通志亦合則湖

塘之即放生湖可無疑矣而山川志引乾隆慶駱志云放生湖在

陶朱鄉縣西南五里則未免歧出惟乾隆府志山川志所引嘉

泰會稽志其說即駱志之所本而加一古字曰古放生湖又引

舊經云唐大歷中使程賓往諸道放生遂以此湖放生禁採捕

并浦陽江等凡五所俱置後改置於縣東二里為今放生池乃

知天寶時在縣西南大歷後移至縣東耳在縣西南者已無可

考在縣東者據呂祖謙入越錄出縣東門五里放生橋則

其湖當在今五里亭與落馬橋相近惜遺阻湮而利無矣

家公隄在長官橋邊宋淳祐中縣令家坤翁築萬曆府志○案此

亦無矣惟長官橋即落馬橋橋在此隄亦在此想

所以障嵩山溪者當在今江東阪中互詳山水志

附新江案新江本非縣境以有

宋乾道八年諸暨水泛溢詔開紀家匯浚新江以殺水勢案浚

即開紀家匯實只一事據下文蕭山令張暉以地形水勢列疏

蕭令所爭若分作兩事者何也

上之謂諸暨地高而蕭山地低山陰則沿江皆山故疏小江可導諸暨之水欲浚新江其底石堅不可鑿若開紀家匯則水徑衝蕭山桃源苕蘿許賢新義來蘇崇化昭明等七鄉田廬俱成巨浸時安撫丞相蔣公案名芾時為浙東提刑主諸暨之請暉力爭有頭可斷匯不可開之言議遂寢萬厯府志○案此條欲開紀家匯而不得者也

諸暨浣江地勢犬牙水至此盤渦不瀉上流潰溢知縣劉光復欲直其江以地屬蕭山率民夫數百人一夕開通謂之新江水

患大減浙江通志○案此條開蔣村匯非開紀家匯也與上條實屬兩地

通志所載似新江為劉光復所開在明萬厯時然乾道八年之詔則從前之有江而不浚可知蓋此江利於暨而不利於蕭宜

蕭人之力阻也乾隆府志○案此合上兩條為一地大誤

案劉公所開之新江在蔣村匯今其地兩岸俱名新江口距免石頭三里而近乾隆府志載此江於蕭山水利志中誤已

并云從前有江而不浚又云此江利於暨而不利於蕭此皆
 想像臆度之詞初不知江之在何處也考浣江出兔石頭即
 為山陰蕭山二縣地自兔石頭至臨浦此二十里間兩縣分
 境以一一江為界江東屬山陰江西屬蕭山紀家匯山陰地也
 在臨浦之上江流舊道繞過此匯漸東折而入麻溪萬歷府
 志謂錢清之上上游斯言近之匯者回也水去而復回也蓋水
 本北流至此忽斜趨而東復自東環繞而西曲折回漩水勢
 迂緩迨江流日逼而東則東岸愈剝西岸愈漲匯灘愈廣而
 水行亦復愈迂且失其故道今日紀家匯在江之西岸則
 水道之變徙可知不然山陰之地何獨此一村而孤截江西
 耶開新江者欲開其匯地而直之耳繞行五里許徑行不及
 一里直其流則水行較速上游鮮壅滯之患於暨不無小利
 於蕭實無大害蕭令張暉所爭者實非盡然其所謂山陰沿
 江皆山者指麻溪至錢清而言所謂小江者即西小江俱非
 紀家匯也至謂江底堅不可鑿尤屬誣妄泥淤沙積之匯地
 有何石骨乎劉公所開之蔣村匯向在紀家匯五里之上而
 所以得開者紀家匯在江西蕭山轄也蔣村匯在江東
 山陰轄也蕭與暨爭而山不為暨難也劉公先買山陰鮑田
 方鄭各姓之田為江基然後從事開浚初非豪取勢奪其一
 夕開通者蓋深以蕭人之前事為鑒有浚初非豪取勢奪其一
 也等匯耳蔣村匯既開蕭山桃源鄉田之在下者竝不即
 成巨浸則開紀家匯於蕭有何害哉此可見張令之言為不
 然也且劉公所開者不止此匯也其在縣境內者下東江
 則有顧家匯下西江則有源潭匯黃沙匯皆以水道迂曲開

而直之俾之徑行亦未聞下游之湖受其害也今日者紀家
匯不必言矣浣江淤塞不能容水謀水利者輒為浚江之議
其實浚江一舉可坐言未易起行惟上游匯灘愈多水道迂
滯愈甚若各匯開而直之俾水流稍速於水利不無小補於
事亦尚易為功劉公之已事可師也爰附此江於卷末證
其地辨明其事并訂正乾隆府志之訛關心民瘼者庶幾一
覽焉

諸暨縣志卷十三終

言皇乃禾元



三卷十三

諸暨縣志卷十四

學校志

先聖先師之奠記於禮經至唐貞觀四年始詔天下州縣立孔子廟邑之學宮前志託始於唐得無是歟至於書院之設猶宋石鼓嶽麓之遺社學義學之立亦猶古家塾黨庠之意焉規制之詳土田之錫比而志之亦以見有司之先後經營者舊之踵事增益其所以維持聖教培育人材者無微不至也

學宮

學宮唐初在縣西天寶中縣令郭密之遷於長山之下唐末學廢唯孔子廟存晉天福五年縣令趙提職官表移於縣東一里宋

景祐四年縣令

舊志作尉今改從山水志以歸一律

劉述重建慶厯四年縣令寇

仲溫

祠志作仲舍

因增拓之

嘉泰會稽志

淳熙六年縣令李文鑄以有水

患乃遷於縣西百步即今提刑王厚之又以緡錢易民居廣之

跨湖築隄作橋達於官道萬曆府志城中地位唯學得其正石山蹲

其後湖水環其前隆慶路志元成宗元貞間知州馮翼建有師善堂

先賢祠朱文公祠又建居仁由義達道進德育英養蒙六齋東

廡有文成祠舊志久漸臺廢至正十五年達嚕噶齊伯不花勸捐

修葺據誠意伯文集補劉基為記學校以教民明人倫見於書傳肇自

師聖人人倫之至也自太皞迄於孔子聖人迭出莫不以先代聖人為

被於民物垂於後世孔子至唐太宗遂詔州縣學悉立孔子廟至今

釋奠先師皆於孔子至唐太宗遂詔州縣學悉立孔子廟至今

因之無有間議先孔子者得志行乎當時後世不獲見聞其言

行之詳也而欲學焉何從而入哉孔子獨無位於時而以淑其

弟子故論學至孔子而始備微孔子師不知所以教弟子不知

所以學往古之言行無所折衷而人不知軌範故至孔子而後

大中之論定亘古今彌天地不可易也是故宰我子貢有若孔

子之弟子也其論孔子或曰賢於堯舜或曰自生民以來未之

有也而後世不以之為黨子思孔子之孫也其論孔子則曰譬

如天地之無不覆燾無不持載而後世不以之為私國家仍先

代舊制凡天下郡縣莫不有學學皆有孔子廟立官設教以作

成賢能至今且百載承平既久天下忘危於是盜賊竊發而有
事於師旅為郡縣者往往以戎事供給告疲且怠故學校多不
舉奉議大夫伯不花侯來監紹興之諸暨州即注意治學事而
州學不修久墮瓦剝落梁木蠹腐且墜且壓侯大以為憂亟謀
新之會同知張君守正判官許君汝霖呂君誠俱以進士受命
來佐是州侯大喜曰吾事成矣乃與其知州元侯思中同知張
君友仁及山長包君瑛咸會於治事之堂集吏民勸儒戶之有
田而羨於財者俾以力高下供役眾皆願聽命乃擇木伐石命
之曰必鞏必完自殿堂以及廊廡齋居靈星之門先賢之祠罔
不畢葺於是廟益邃以清學益隆以嚴弦誦藹然士氣為之一
新經始於至正十五年五月告完於是年七月乃以其事請記
於劉基昔者冉有問於夫子曰既庶矣又何加焉曰富之既富
矣又何加焉曰教之國家自混一以來以仁澤施於民涵濡養
育蕃衍滋息可謂庶且富矣今乃至相率而為盜庸非典教者
失其職耶夫民之所以敢犯法者以其不知人倫也聖人之教
行則人倫明矣人倫既明則為民者莫不知愛其親而不敢為
不義以自累為士者莫不知敬其君而不敢自私以僨國事盜
賊何由而生亦何由而滋蔓哉諸君子可謂能知治道之本矣
可無述乎於元末燬於兵明洪武初知縣田賦重建尋圯永樂
是乎為之記

中縣丞朱庸教諭羅伯初以民間房舍舊材修蓋尋又圯

舊志成

化四年知縣曹銓重修大學士澹安商輅為記

碑載金石志尋又圯

宏治十六年知縣潘珍重建提學副使上虞潘府為記

碑載金石志

嘉靖元年壬午樓守道捐五千金購地拓址重葺之

據會稽范子美文集

補互詳人物志本傳

二十二年知縣徐履祥重修餘姚錢德洪為記

碑載金石志

二十八年戟門圯知縣王陳策重修無錫俞憲為記

碑載金石志

隆慶初知縣梁子琦復修之亦錢德洪為之記

碑載金石志

萬厯閒

廟堂廊廡盡圯

浙江通志

十一年知縣謝與思重修

據明倫堂碑記補

自為

文記之

記係徐渭代作碑載金石志

二十二年知縣尹從淑再建邑人駱問

禮為記

碑載金石志

後又圯四十四年樓守道子監生成櫝重建

浙江

通志捐資數千緡獨任其工

章互詳人物志樓守道傳

謹案樓志謂基址亦

係成櫝價買民產出捐文契尚存其家蓋即樓守道之所購者

國朝康熙十三年山寇竊發殿宇燬壞二十五年教諭嚴會榮訓

導張暉同生員蔡廣生勸募重建先師殿啟聖祠及兩廡先賢

祠戟門櫺星門名宦鄉賢土地等祠并明倫堂尊經閣庫房膳

堂費千餘金三年落成志郡守李鐸為記縣治之西學宮設焉

十有三年逆藩蠢動闖寇釋騷沿流及暨邑之士女流離奔竄

御書萬世師表扁額頒行直省郡縣學宮皆燦然改觀予本

遼左世籍先大夫總制四省敷歷中外政治覃敷每盱衡兩浙

風土人文輒神往於會稽秦望間今已已秋首奉命典領

郡事下車之始適教諭嚴曾榮以學宮工成難幾為請已而有

生員蔡廣生者慷慨仗義不惜已資捐金千餘率作勤事而學

宮適於是冬告竣子臨暨登其堂雍然彬彬雅也瞻其殿巍然峩

竦也歷其櫺戟陛庶砥平而飛革也廟貌之壯猗與休哉神衿

集聚咸嘖嘖蔡生之功邑宰教諭實紀其績申鳴學憲蓉湖周

公額其廬曰功存贊序爰廬其始末雍正七年殿宇朽壞知縣

而為之記時在康熙辛未仲冬之吉雍正七年殿宇朽壞知縣

張長庠重修蔡廣生之孫希賢復與董其事張長庠為記於越

甲天下干巖競秀萬壑爭流在暨則漁鱗橫江白陽插漢五洩

爭奇於雁蕩九乘竝麗乎天台其間名人輩出慷慨好義者代

牆垣焜燿予聞諸暨學宮自康熙十三年兵燹之後頽廢不堪
蔡生嫡祖生員蔡廣生於康熙二十五年重建大成殿及兩廡
戟門泮池鄉賢名宦等處費千餘金而規模煥然一新迄今四
十餘年裔孫重新之可謂繩其祖武者矣予因喜而為之記

乾隆二十四年廟廡各祠俱傾衙齋亦圯知縣張端木舉邑紳

十二人董捐重建大成殿及東西兩廡先賢祠祭器樂器齋宿

等房戟門及名宦鄉賢忠孝忠聖等祠又官廳省牲所泮池築

石橋周以石欄外建櫺星門沿湖亦環以石欄建崇聖祠於明

倫堂左外闢射圃建土地祠於黌牆之右造教諭署於明倫堂

東訓導署於明倫堂西凡內外殿宇堂室門楹悉加丹牘通計

費五千二百餘金自是而學宮之制煥然改觀矣樓志張端木為

記諸暨疆域計二百里而縣治適居疆域之中學宮又居縣城

之中陰陽家俱言學宮據形勢之勝長山繚繞其右浣水蜿

蜒其左山峻水駛其士子多闢達而尚義慷慨而矜名固其天
性然也丙子冬余自婺邑調在諸暨始至奠謁文廟殿廡傾
頽蓬蒿蔽徑怒然憂之未幾學博陳公球至棲息無所告余日
是曷可弗修予日固宜亟修然修之難其資尤難其襄事之人

遲回久之乃與陳公謀於紳士中擇十有二人再四延請羣集
署舍籌畫興復諸君子咸願董理其役予爲請於中丞御史臺
得報可邑士大夫聞風者捐施雲集爰鳩工庀材筮日興作修
大成殿易柱以石移崇聖祠於殿後重葺明倫堂建兩學署於
左右鄉賢名宦等祠悉撤而新之棟宇棖桷之壯刻斲丹牘之
麗瀟舊加倍蕙焉勗始於己卯八月既而陳公以憂去張公松
王公榮絃同時秉鐸相與督率閱二年餘而落成紳士十二人
者章廷標趙崇禮郭紹郭文煒程位袁翼張長祚鄺欣袁南齡
鄺毓琦袁浚趙全智記其事者邑令張端木也同治元年粵寇之亂燬壞過半兼之頻
年水災牆垣亦傾光緒八年附貢生孫篤祐創議修建鳩工於
光緒十一年落成於十四年自大成殿及兩廡先賢祠左右祭
器樂器齋宿等房戟門及左右名宦鄉賢忠孝等祠增高基址
悉甃以石又建土地祠忠聖祠及省牲所於黌牆之右建石表
二座於黌牆之外又追出黌牆外西甬道之被占者共費錢一
萬三千九百餘千彤彩煥發榜聯一新高敞鞏固較勝前制知
縣胡永焯記其事襄事諸人鐫名於後

新建

大成殿五楹南階階下為墀前為甬道又前為戟門三間外為泮池駕以石橋池外為編屋門門外左右建石表二座外為學湖亦名芹湖湖外為屏牆殿中奉

至聖先師孔子之位正中南嚮

旁列四配

復聖顏子

唐貞觀二年配饗

宗聖曾子

唐開元八年從祀 竝西嚮

述聖子思子

宋大觀二年從祀 竝西嚮

亞聖孟子

宋元豐七年配饗 竝東嚮

少次列十二哲

先賢閔子損

先賢冉子耕

先賢冉子雍

先賢宰子予

先賢端木子賜

先賢冉子求

俱唐開元八年從祀竝西嚮

先賢仲子由

先賢言子偃

先賢卜子商

俱唐開元八年從祀

先賢顓孫子師

唐開元三年從祀庶廂

先賢有子若

唐開元三年從祀庶廂

先賢朱子熹

宋淳祐元年從祀庶廂

國竝東嚮

東廡五楹祀

先賢公孫子僑

國朝咸豐七年從祀

林子放

唐開元二十七年改鄉祀

國朝雍正

二年復

原子憲

南公子适

商子瞿

漆雕子開

司馬子耕

梁子鱣

冉子孺

伯子虔

冉子季

漆雕子徒父

漆雕

子哆

公西子赤

任子不齊

公良子孺

公肩子定

鄔

子單

罕父子黑

榮子旂

一作期

左人子郢

鄭子國

原子

亢 廉子潔

叔仲子會

公西子輿如

郟子異

陳子亢

琴子張

步叔子乘

秦子非

顏子噲

俱唐開元十七年從祀

顏子何

唐從祀明罷國朝雍正二年復

縣子亶

牧子皮

樂正子克

萬子章 俱

國朝雍正二年從祀

周子敦頤

程子顥

俱宋清祐元年從祀

邵子雍

宋咸淳三年從祀

先儒公羊子高

伏子勝

俱唐貞觀二十一年從祀

毛子亨

國朝同治

孔子

安國

唐貞觀二十一年從祀

后子蒼

明嘉靖九年從祀

許子慎

國朝光緒

鄭子

康成

范子甯

俱唐貞觀二十一年從祀

明改

國朝雍正二年復

陸子贄

國朝道光六年從祀

范子仲淹國朝康熙五十四年從祀歐陽子修明嘉靖九年從祀司馬子光宋咸

年從祀謝子良佐國朝道光二年從祀呂子大臨國朝光緒羅子從

彥明萬曆四十二年從祀李子綱國朝咸豐元年從祀張子栻宋景定二年從祀陸子九

淵明嘉靖九年從祀陳子淳國朝雍正二年從祀真子德秀明正統二年從祀何子基

國朝雍正二年從祀文子天祥國朝道光二年從祀趙子復金子履祥

陳子澔俱國朝雍正二年從祀方子孝孺國朝同治薛子瑄明隆慶五年從祀

胡子居仁明萬曆十二年從祀羅子欽順國朝雍正二年從祀呂子柎國朝同

祀劉子宗周國朝道光孫子奇逢國朝道光張子履祥國

朝同治九年從祀陸子隴其國朝雍正二年從祀張子伯行國朝光緒竝西

西廡五楹祀

先賢蘧子瑗唐開元二十七年從祀明嘉靖九年澹臺子滅明宓

子不齊 公治子長 公哲子哀 高子柴 樊子須 商子

澤 巫馬子施 顏子辛 曹子卹 公孫子龍 秦子商

顏子高 壤駟子赤 石作子蜀 公夏子首 后子處 奚

容子葳 顏子祖 句井子疆 秦子祖 縣子成 公祖子

句茲 燕子伋 樂子欬 狄子黑 孔子忠 公西子葳

顏子之儀一作僕 施子之常 申子棖俱唐開元二 左邱子明貞

觀二十一年從祀 秦子冉唐從祀明罷 國公明子儀 三年國朝咸豐 公

都子 公孫子丑俱正二年從祀 張子載 程子頤俱宋清祐

先儒穀梁子赤 高堂子生俱唐貞觀二 董子仲舒元至順元 劉

子德三年從祀 毛子萇 杜子子春俱唐貞觀二 諸葛子亮

國朝雍正 王子通明嘉靖九 韓子愈宋元豐七 胡子瑗明嘉

二年從祀 韓子琦國朝咸豐 楊子時明宏治八 尹子焯國朝雍

祀

祀游子醉 胡子安國 俱明正統二年從祀 李子侗 明萬曆四十年從祀 呂子祖

謙 宋景定二年從祀 袁子燮 七年國朝同治 黃子幹 二年國朝雍正 輔子廣

五年國朝光緒 蔡子沈 年明正統二 魏子了翁 王子柏 俱雍正二年國朝

從祀 陸子秀夫 九年國朝咸豐 許子衡 元皇慶二 吳子澄 年明正統八

靖九年罷 國朝復 許子謙 二年國朝雍正 曹子端 十年國朝咸豐 陳子

朝乾隆二年 獻章 明萬曆十 蔡子清 二年國朝雍正 王子守仁 明萬曆十 呂子

坤 六年國朝道光 黃子道周 三年國朝道光 陸子世儀 十三年國朝同治

湯子斌 三年國朝道光 竝東嚮

祭器房三楹居東廡之北西嚮舊藏祭器登 一箇 釧 二箇 錫 雲雷

罇 一箇 錫 壺罇 五箇 并杓 酒罇 一箇 磁 盃 一百二十箇 籩 八箇 錫 豆 八箇 錫

簋 一箇 錫 十六箇 簋 一箇 錫 十六箇 爵 三十四隻 銅 牲俎 三架 牲盤 二十箇 祝文版 二座 帛

籩 一箇 錫 十六箇 簋 一箇 錫 十六箇 爵 三十四隻 銅 牲俎 三架 牲盤 二十箇 祝文版 二座 帛

未備

樂器房三楹居西廡之北東嚮舊藏樂器琴四張瑟四張簫四枝

鬚四枝并鳳簫二挂笙四掛并篪二挂并壎二并匣一祝木座并歌

一座并竹一編鐘一十六挂掛鬚木槌編磬一十六塊并木搏拊二并穿心

大楹鼓一面并鼓架二面節二枝并朱舞扞并金龍首雉尾絳

綾金龍麾一首朱粵寇之亂盡毀今未備

齋宿房左右各三楹在兩廡之南東西相嚮

名宦祠三楹在戟門左南嚮祀

越上大夫少伯范公蠡

漢諸暨縣令伯仁張公敦

吳左丞相諸暨縣長敬風陸公凱

唐諸暨縣令郭公密之

宋尙書司封員外郎諸暨縣令元珍丁公寶臣

宋諸暨縣令錢公厚之

宋起居郎兼直學士院諸暨縣令子復熊公克

宋諸暨縣令汝光劉公炳

宋諸暨縣令晦之劉公伯曉

宋諸暨縣令家公坤翁

元都水營田司諸暨州知州君輔馮公翼

元湖廣宣慰使諸暨州知州有卿于公九思

元諸暨州知州吉甫單公慶

元浙江儒學提舉諸暨州判官自牧柯公謙

元中奉大夫侍講學士知制誥諸暨州判官

諡

文獻晉卿黃公潛

元甯國路教授諸暨州學正觀光俞公長孺

明諸全州知州棟德樂公鳳

明諸暨縣知縣立夫田公賦

明諸暨縣知縣張公眞

明諸暨縣知縣熊公禮

明諸暨縣知縣通夫吳公亨

明諸暨縣知縣許公璽

明諸暨縣知縣大器張公鉞

明諸暨縣知縣時泰單公宇

明贈右都御史兵部左侍郎諸暨縣知縣玉卿潘公珍

明禮部左侍郎諸暨縣知縣子禮朱公廷立

明諸暨縣知縣乾所時公偕行

明諸暨縣知縣又方尹公從淑

明贈翰林院左春坊左中允諸暨縣知縣毅軒陳公允堅

明贈太常寺卿掌河南南道監察御史諸暨縣知縣貞一劉公光復

明諸暨縣主簿魏公忠

明諸暨縣主簿史公子疇

明諸暨縣儒學教諭袁公時億

明諸暨縣儒學訓導恆齋李公永

明監察御史諸暨縣儒學教諭宗堯甯公慶

皇清諸暨縣知縣毛公上習

皇清諸暨縣知縣卞公之釗

已上三十七人俱據樓志

鄉賢祠三楹在戟門右南嚮祀

宋贈天水郡顯親左尉賈公恩

唐旌孝子堯叟張公萬和

宋八行上舍生適道張公堅

宋贈金紫光祿大夫太師文安縣開國男徽猷閣待制權戶部侍

郎廷輝姚公舜明

宋贈衛尉少卿仲驤黃公振

宋贈朝請大夫開府儀同三司巨濟黃公汝楫

宋崇安縣令必先黃公開

宋中順大夫衡州知州剛夫王公瑛

宋祕書郎直顯謨閣順伯王公厚之

宋旌孝子中理楊公文修

宋贈吳越路相司法參軍子欽楊公欽

宋封中山王靖江軍節度使楊公賢

宋旌義士吉甫朱公光

宋贈迪功郎仕龍何公雲

宋中順大夫德安府知府方中張公定

宋諸暨縣學正惟乾酈公元亨

元淮東道宣慰副使止善王公良

元旌表孝子丁公祥一

元江西路儒學提舉廉夫楊公維楨

元松江路儒學教授師善胡公存道

元處士元章王公寃

元碧崖先生一飛吳公雄

元進書科舉人仲雲俞公漢

元瑞安州學正以道陳公志甯

元旌義士以高陳公嵩之

元旌義士筠西吳公宗元

元旌義士子兼方公鎰

元贈山陰縣子紹興路總管兼治中方公鐵

明翰林院典籍監察御史元輔黃公鄰

明贈刑部員外郎晉叔王公允升

明荊州府同知前本縣儒學訓導敏夫郭公日孜

明政和縣典史伯載郭公斯厚

明布衣溪園先生則民駱公象賢

明大理寺少卿升章呂公升

明翰林院修撰江西提學僉事孟堅王公鉉

明旌孝子以行趙公紳

明沛縣知縣履吉馮公謙

明崖州知州轉道州知州廷振徐公琦

明工部主事繼宗孫公述可

明南雄府同知廷獻陳公翰英

明澧州知州敬之鄭公欽

明南京刑部尚書謚榮靖德宏翁公溥

明湖廣按察司副使子本駱公問禮

明廣東布政使司左布政使還冲陳公性學

明旌孝子叔達陳公于朝已上四十五人俱據樓志

明積分貢生翰林院待詔魯王時授監察御史章侯陳公洪綬據府

志及全謝山文集

明左軍都督協鎮浙江開遠伯南柱吳公凱乾隆五十七年奉旨入祠

皇清贈按察司僉事永州府通判叔典酈公允昌

皇清贈副將湖廣掌印都司 卹子雲騎尉元儒宣公德仁

皇清贈刑部尚書河南道監察御史巡鹽長蘆仲紳余公縉

皇清旌表孝子庠生宗寶趙公璧

皇清贈山東兗沂河道副貢生魯嶧楊公學泗

皇清旌表孝子趙公氏璧

皇清旌表孝子樓公墨林

皇清旌表孝子樓公永叔

皇清旌表義士州同知銜聖臣郭公元宰

吧上九人
俱據樓志

皇清衢州府江山縣儒學訓導東軒蔡公英

嘉慶二十二年
題准入祠

忠孝祠三楹在鄉賢祠右南嚮祀

宋贈天水郡顯親縣左尉孝子賈公恩

唐旌孝子堯叟張公萬和

元旌孝子丁公祥一

明旌孝子以行趙公紳

明旌孝子叔達陳公于朝

明庠生中黃傳公日炯

已上六人俱據樓志

明中府左都督挂淮海將軍印永豐伯 國朝賜諡烈愍搏九張

公鵬翼

乾隆四十一年奉旨入祀

明都指揮僉事耀羽張公鵬飛

同上

明都指揮僉事君石張公季熊

同上

明巡撫河南監察御史大理寺少卿 國朝賜諡忠節元倩陳公

潛夫

同上

明廣東新會縣丞署知縣周公于德

據廣東省志

皇清旌表孝子陳公巧官

光緒二十三年題准入祠

皇清贈按察司僉事永州府通判叔與鄺公允昌

皇清贈副將湖廣掌印都司 卹子雲騎尉元儒宣公德仁

皇清旌表孝子庠生宗寶趙公璧

皇清旌表孝子陳公昇

皇清旌表孝子趙公氏璧

皇清旌表孝子樓公墨林

皇清旌表孝子樓公永叔

皇清旌表孝子張公瑞軌 已上八人 俱據樓志

皇清贈知縣職銜 卹子雲騎尉太學生芝厓壽公同春 嘉慶三年題准

入祠

皇清雲南提標右營都司 卹子雲騎尉麟頌陳公大定 嘉慶八年奉

敕入祠

皇清貴州清鎮縣知縣贈道銜

卹子雲騎尉竹坡陳公毓書豐

辛酉奉

敕入祠

忠聖祠三楹在黌牆外西甬道之西東嚮祀

元松江路儒學教授師善胡公存道

明諸暨縣儒學教諭耿公文高

官廳三楹在名宦祠東南嚮

省牲所三楹在忠孝祠南北嚮

土地祠三楹又門三楹在省牲所南南嚮

崇聖祠明嘉靖九年奉詔建初名啟聖祠專祀叔梁公舊在西廡

後萬曆二十二年知縣尹從淑移建於明倫堂東

國朝雍正元年詔合祀五代更名崇聖祠乾隆二十四年知縣

張端木復改建於教諭署東同治元年粵寇之亂燬光緒十一

年孫篤祐卽舊址重建正殿三楹前軒三楹竝南嚮祀

肇聖王木金父位正中南嚮
年 國朝雍正元

裕聖王祈父位居左南嚮
年 國朝雍正元

詒聖王防叔位居右南嚮
年 國朝雍正元

昌聖王伯夏位次左南嚮
年 國朝雍正元

啟聖王叔梁紇位次右南嚮
年 國朝雍正元

配饗

先賢孔氏孟皮位東嚮西
七年 國朝咸豐

先賢顏氏無繇位東嚮西
年 明嘉靖九

先賢孔氏伯魚位東嚮西
年 明嘉靖九

先賢曾氏點位西嚮東
年 明嘉靖九

先賢孟孫氏激位西嚮東
年 明嘉靖九

從祀

先儒周子輔成位東嚮西明萬曆二十三年從祀

先儒程子珦位東嚮西明嘉靖九年從祀

先儒蔡子元定位東嚮西明嘉靖九年從祀

先儒張子迪位西嚮東國朝雍正元年從祀

先儒朱子松位西嚮東明嘉靖九年從祀

明倫堂三楹在大成殿後南嚮明崇禎五年知縣張夬重建餘姚

姜逢元為記碑載金石志

國朝康熙二十五年知縣吳龍震教諭嚴曾榮訓導張暉同生員

蔡廣生重建乾隆二十八年知縣黃汝亮修葺庫房一楹在明

倫堂左膳堂一楹在明倫堂右

尊經閣三間二層在明倫堂後明成化五年知縣曹銓建永新劉

定之為記 碑載金後地

國朝乾隆五年知縣沈朱霞同職監陳紹聖等捐募重建沈朱霞

為記 夫六經者聖人所以見天地之心立天地之極以垂法於

俾究心於經術陶氣質而砥廉隅欲其窮理盡性因之以成天

攝篆暨士首謁文廟見陶峯益翠於古湖光潏映於前肅容而

入欽瞻而樹者樞星門也軒昂而臨者大成殿也至若崇聖宮

明倫堂兩廡兩祠俱各完繕香泉與麗心竊喜之不逾旬會

送賢序瞻顧斯閣闕焉未備閣在明倫堂後為司訓署歲久傾

圯不堪敬儲馭焉念之因商諸紳士且進高貲者勸之有職監

陳紹聖幹進慕義慨然任新遂申上署捐薄俸并糾生監勸穎

燧陳種義郭開勳金其灝等為董事同赴村落勸懇懇悉心

勸勉捐百金翼之刻日鳩工凡木石材料水運陸馳不耗不浮

構堂五開重簷疏樞棟增二尋高三十餘尺於是地者堅傾者

葺樸者文黝聖而丹牖之尊經之閣淵淵乎其邃如矣始已未

之季冬閱庚申夏落成夫聖教至今日誼敷海內已極雲霞蒸

蔚之至更被 聖天子之德化類能尊經崇聖闡性命之闡

奧發經義之精蘊則增光俎豆振采庭廡誠體尊經之實庶不

負重輝經閣之意也

謹藏書籍

宋元明書目今無
存舊志亦不載

國朝頒

上諭一道

白紙

上諭二道

密旨上諭騰黃一道

學政全書二部

每部二一本

欽定訓飭州縣條規一本

以上俱舊頒

聖諭廣訓二部

上諭二部

共六十七本

御製朋黨論

以上雍正

年頒

上諭訓飭士子文二道

清漢上諭十本

御製平定準噶爾碑摩文一道 乾隆二十四年頒

御製平定回部碑摩文一道 乾隆三十年頒

御製平定金川碑摩文一道

御製平定金川碑滿漢摩文各一道

御製平定青海碑摩文二道

臨雍御論二篇

御製詩文初集二集一部 共五十四本

御製樂善堂全集一部 十八本

御製詩三集一部

御製盛京賦一本

御製三省平定紀略一本

聖諭廣訓衍一部 三本

十三經注疏一部

共十二函一百二十本

御纂周易折中一部

每部十二本

御纂尚書傳說彙纂一部

每部十六本

御纂詩經傳說彙纂一部

每部二十四本

御纂春秋傳說彙纂一部

每部二十四本

乾隆五年頒

御纂禮記義疏一部

四十八本

御纂儀禮義疏一部

四十本

御纂周官義疏一部

三十二本

周易述義一部

四本

詩義折中一部

八本

春秋真解一部

八本 乾隆三十年頒

駁呂留良四書講義一部

十本

佩文堂詩韻一部

二十一史一部

共三十二函二百九十二本

宏簡錄一部

八十本

明史一部

一百十二本

西魏書一部

六本

御纂通鑑綱目二部

御撰資治通鑑綱目三編一部

四本

大清律集解一部

十二本

大清律會典儀注一部

大清律例一部

二十本

學政全書二部

每部十二本

吏部處分則例一部

二十一本

勝朝殉節諸臣錄一部

大清通禮一部 八本

御纂中樞政考八音則例二部 共二十一本

吏部則例一部 十二本

禮部則例一部 十二本

治浙成規一部 八本 以上二書 道光四年頒

禮樂祭器圖考一本

文廟樂譜一部

學宮聖典訓士摺帖二本

學宮儀物撮要一本

經略儀注一本

科場條例一部 二十本

者至學交示

減平章程冊一本

嚴禁鴉片章程一本

兩浙防護錄一本

性理精義二部 每部五本

朱子全書八部 七部三十二本 一部二十四本

欽定四書文一部

以上各書同治元年寇燬無存

十三經古注一部 四十八本 同治六年頒

鮑刻六經一部 四十本

御纂周易折中一部 十本

御纂尚書傳說彙纂一部 十二本

御纂詩經傳說彙纂一部 十六本

御纂春秋傳說彙纂一部

以上五書俱同治七年頒

御纂禮記義疏一部

御纂儀禮義疏一部

御纂周官義疏一部

御批通鑑輯覽一部

三魚堂文集并陸清獻遺集全部

共七本 以上五書同治九年頒

射圃舊在尊經閣後中有毓秀亭後廢亭亦圯明嘉靖二十一年

知縣徐履祥復之榜其門曰觀德

國朝乾隆二十四年知縣張端木徙於崇聖祠西光緒十一年孫

篤祐重葺之

教諭署舊在尊經閣左後圯乾隆二十四年知縣張端木重建於

明倫堂東凡一十九楹

樓志

訓導署舊有二一在育英齋後一在登俊齋後

謹案前明有左右訓導故署有二

國朝康熙四年缺裁後圯乾隆二十四年知縣張端木徙建於明

倫堂西凡一十五楹

樓志

御製亭在尊經閣前右明隆慶間知縣夏念東建後圯萬厯間教

諭龍奮河以聖諭不宜偏立邑人蔡子智改建於尊經閣前中

隆慶駱志今廢

育英齋三楹在明倫堂東廂

隆慶駱志

今圯

登俊齋三楹在明倫堂東廂

隆慶駱志

今圯

敬一亭明嘉靖二十一年知縣徐履祥建中暨世宗御製敬一箴

碑

天下學校奉行一律見陳繼儒見聞錄

亭前有沼周以曲闌

見錢德洪重修學宮碑記

今廢

已久莫詳其處

昌黎伯祠在文廟右

學湖

學湖即城內五湖之一湖水舊與他湖通明嘉靖二十一年知縣

徐履祥於西南隅築隄以界之周以石欄圓曲如半壁亦稱芹

湖履祥自撰記

記文佚其略見乾隆四十六年邑人余炳重疏學湖記中

後圯隆慶間知縣

夏念東復築之教諭陳源記

諸暨學宮西南皆水也今令夏侯涖學周視垣宇內外顧而歎曰非

制也天子之學曰辟廡以水旋邱如璧也諸侯之學曰泮宮以水半於辟廡也今學宮之水偏帶西南不應古制合築隄以界焉乃屬曾尉尉訪前令徐公舊葺隄於是使人測其底度其膚面高深廣袤凡若干丈土石工價計百金公乃捐俸為之倡勸民之有力而好義者助之凡三月而舊有漁租供兩學輿從之工成內水若拱抱宛然泮宮如制矣

國朝順治三年教諭方燕詳憲裁革禁網罟種荷芟自為文紀其

事後漸淤塞居民占焉乾隆中知縣常金蘭拓署旁建望稼樓

驅居民於湖東許其填造於是淤塞愈甚四十六年知縣袁秉

直吳鉞先後捐廉給價飭徙重加疏理始復舊規邑人余炳為

文記之芹湖蓋泮水也故名芹湖前明嘉靖間邑侯徐公始築

之復城北故濠百丈導芹湖入浣江規制具備後人遂呼之曰

徐公隄後以地當縣會環泮民居稠密日久侵積填占東西列

屋為廬者十有四茅葺瓦差錯靡蕪周環石闌無一賸者泮

壁之形殘齧失舊矣近歲邑侯常公復以署旁建閣拓基徙民

居於湖東聽其填造為屋者九辛丑秋七月署邑侯袁公泣暨

右文重士八月季考一時雲集與試者四百餘人邑之士憫學

湖之將廢也徐作林等五十餘人請於侯侯以近歲徙者咎不

在民遂捐俸給價立令拆移冬邑侯吳公至炳與作林等又以

東西十四間請允而未果王寅夏學憲韓城王公臨郡復以其

事請王公飭郡尊木公檄縣拆移以屋數易主無從究其始占

者各給屋價移費平屋十五貫樓屋屋二十貫移費家六貫

合二百九十餘貫癸卯五月遂悉徙其居於是出土濬溝建岸

豎闌工作具舉岸以粗石砌足累條石三層層厚八寸聯以釘

石石長三尺面用蓋石厚四寸博三尺豎石闌石博厚長大稱

之泮壁之形圓整如舊南岸為執笏街乾隆己卯修文廟建平

屋五屏焉今仍其舊以少偏於東建小屋左三右五崇其後環

整與湖隄準如照壁木石工匠之費均出自邑之好行其德者

經始於辛丑十月落成於乙巳十月侯蔣公申詳勒石董其

事者徐君作林胡君序趙君槩鄭君如蘭樓君濬金君鏞陳君

念冲蔣君煥章魏君家駒錢君鶴鳴章君人寅壽君五備趙君

思道鄺君應樞孫君克坊樓君大章蔡君英姚君元昇袁生日
森周君源瀛曹君文潤洪君超陳君紀石君謙陳生宗鑄炳姪
大猷男拱辰監工勸輸分任其職炳年衰地隔不克日襄厥事
而深羨同學之士好禮崇義能興起於學也觀學中各記六經
閣後有所為射圃者成化間邑侯曹公重建學宮關生徒號舍
兩廡後各構層樓凡數十間今皆無復存者因備述之以誌吾
學之舊而竝幸芹湖之得復其故始事於袁旣事於吳終事後
於蔣則是三賢侯之大造於學者媿美徐曹昔賢勿讓矣後
又湮塞嘉慶十九年知縣劉肇紳捐廉爲倡勸募疏濬自爲文
記之光緒十九年重加疏濬事詳城垣志

學額

明時生員之數府學四十人州縣以次減十諸暨學二十人師生月廩食
米人六斗有司給以魚肉未幾卽命增廣不拘額數宣德中定
增廣之額府學四十人州縣以次減十諸暨學二十人增廣旣多於是
設食廩者謂之廩膳生員增廣者謂之增廣生員及其旣久人
才愈多又於額外增取附於諸生之末謂之附學生員凡初入

學者只謂之附學而廩膳增廣以歲科兩試等第高者補充之
非廩生久次者不得充歲貢

明史選舉志

國朝悉仍明制順治初歲科竝行取額四十名康熙初以科兼歲
裁額十五名三年一試七年裁額止取四名十二年歲科復分
取額十五名十七年常額考取外開援納例文武童生皆得捐
資入學二十二年停止仍額取十五名二十八年

聖駕南巡廣額大縣考取二十名諸暨為大縣定為例恭逢

慶典則

殊恩加額由部議頒行

章志

雍正四年奉

旨定額諸暨縣學考取二十五名歲科兩試凡五十名廩增額數
仍明制不改樓志咸豐七年軍興捐餉部議分別輸數獎予加額
諸暨加一名九年又加一名共二十七名同治五年又以捐輸

案加額二名七年閏四月以集團助勦克復縣城奉准加額四名九月以捐輸案又加額三名通共加十一名武生舊額十五名自咸豐興軍以來亦共加九名

學田

舊學田九十三畝五分一釐四毫又山一百畝

樓志

額徵租銀一十

三兩二錢七分四釐內除年給孟貞女宣烈婦宋氏王烈婦蔡氏祭祀銀每名一兩六錢共銀四兩八錢外實解藩庫解送學

憲賑給貧生銀八兩四錢七分四釐

縣案

修理學宮田 坐附二都調陽騰字等號田一十八畝零康熙中

生員蔡廣生捐資契買充牆垣補葺之費

糧存西隅二圖八甲蔡仁戶。樓志

賓興費田 一坐三十一都三十二都浮圖獸畫丙舍傍啟甲帳

對楹筵字等號共田一百八十九畝八分八釐康熙間生員趙

光仁捐逢子午卯酉年正科鄉試凡文武生監應試者按名分

給子月松等請縣詳憲規制載碑碑在 文廟雍正元年立又

捐徵租倉房一所在三十二都洋湖陳莊地方亦載碑內

一坐七十二都矜帶脩字等號其田一百畝康熙間候選州同

知郭君捐

是項田畝粵寇亂後捐裔據為私產不復歸公故隱其名而不書

一坐十一都蓋敢毀傷墓過改字等號其田一百畝一分九釐

六毫嘉慶閒監生應榮捐規制與趙捐同詳載碑內碑建一丈

廟嘉慶十八年立知縣劉肇紳為記又捐徵租倉房一所在十

一都應店街亦載碑內

糧存十一都應樂義

童試卷資田 一坐六十九都泰南莊其田一百二十畝有奇乾

隆閒鍾添玉捐輸入官交庫收存通詳立案給禮書承辦縣試

正覆場試卷邑人馮至為詠卷價苦詩以紀其事

鍾添玉少年亦自甘奴服

性真特不俗濟水截河仍漾滌誓不取人來濯足願改故步追
芳躅文場慨助二千金任請龍文瀉萬斛蘿繫松身百尺上蠅
附驥尾千里逐此志可嘉矜此事可節錄猶云不許前愆蓋抑
何繩人太刻酷周處折節改舊行未聞見拒於二陸洗心向善
卽善機昔者林宗進賈淑不才有忠告告
請吾黨容以腹君子成人美乘人新沐浴

一坐正二十四都蔡家畝田一百畝道光二十九年何重九佩
九兄弟合捐交肄雅堂董事承辦府試正覆場試卷

一坐附二都玉字二十七都比倪孔字二十九都隨志性虧守
字正三十都自廉字等號共田四十三畝九分七釐四毫道光
閒壽惟仁捐輸入官交庫收存通詳立案給禮書承辦院試正

覆場試卷規制詳碑碑在明倫堂道光二十五年立知府楊鉅

源爲記

甲辰春余奉 恩命來守越州閱一月校闈郡童子試

文風甚盛諸暨一邑應試者幾千人數尤盛於他邑余
心喜其人文之盛而美其讀書進取者之多也夫人知讀書則
教化興教化興則風俗茂風俗茂則善良益多意其邑必有賢
人君子潛移而默導之父詔兄勉故其子弟讀書之衆多至於
如此冬十一月學使按臨歲試邑廩生樓堤等應試畢以耆民

壽惟仁捐田充納院試卷資前經通詳立案復乞勒石垂久請
 余文為記余嘉惟仁樂善之公與樓堤等用心之密也檢閱道
 光十七年卷蔣大令報祭祀莊耆民壽惟仁親送子弟赴考見
 寒士納卷維艱因捐田四十五畝零計值一千四百貫充公徵
 租捐備院考卷資核數足敷支用議規明晰洵足以嘉惠士林
 昭垂久遠益信邑之人文較盛有由然矣夫人心善否之殊視
 乎公私而已惟仁因送子弟之試念他善之子弟納卷之無資遂
 割田以備院考之卷是其立心之公好善之誠深有合於古賢
 人君子之行宜何如其嘉尚邑之應童試者復何如其忻幸而
 教化之興風俗之茂善良之多則固國家之慶有司之幸也
 余願邑人士讀聖賢書被善良之澤砥行立名以報朝廷以
 光閭里方不虛受人之惠而司其事者無浮冒無隱蝕遵率舊
 章歷久不廢體惟仁樂善之心而
 矢以實心是即善士矣余厚望焉

試院在縣治西舊時縣試即在治內編列坐號不足則益以兩廊

吏舍廡宇渙散關防不嚴乾隆間曾買西三隅後街蟹眼橋裏

姚舍山腳坐寡字民地一處擬改建焉旋以基址狹隘不果道

光開試童愈多愈不能容乃擇治西公地之向賃民居者願還

工料撤而改建於庫西構正廳七楹南向左右廂房各二楹門

廊三楹立門於正中門以外爲橫道左右各啟一門左通縣署
右通丞署道南啟一門與正廳門對構屋三楹亦南向前爲甬
道甬道南構閣二層下層三楹上層立奎宿像甬道東構屋十

三楹西向是爲東文場十三楹之中楹爲正廳供官用不設坐

號

案今亦編
設坐號

中楹前甬道之西啟一圓門門內爲露井露井兩

旁南北相向各構屋九楹是爲中文場中文場南向之北北向
之南楹如其數而各以中文場之後牆爲照牆露井圓門俱如
前式是爲南文場北文場每楹設三几几以石爲跗每几可編
十六號鳩工於十二年七月告成於十五年八月其用銀二萬

餘兩城鄉捐集鑄名於碑碑嵌廳壁左副都御史天門蔣祥墀

爲記

余弟宰暨陽吏治之餘尤留心文教暨邑人材最盛每逢
歲科縣試官廨淺窄不足以資關防拔眞士於是議建試

院卜地於毓秀書院之左凡所規畫闕敞堅固閣三載而後成

遣人走京師囑余爲之記余唯天下事莫爲之前雖美弗彰莫

為之後雖盛弗傳暨邑自漢朱翁子勸興文教嗣是代有聞人
 嘉慶戊午余奉命典試浙江於暨邑得正副榜六人皆一時
 名士嗚呼何其盛也其前乎此者既有書院以藏修於平日又有
 蔚起無窮皆於此可知矣今者既有武前修益自奮勵蓋不唯領
 試院以鼓舞於臨時後之學者步武前修益自奮勵蓋不唯領
 鄉薦題雁塔視昔有加而即此比戶絃歌人知禮義鄉鄰風俗
 之美亦於其修理經費則翼聖會後裔捐孫吳二姓捐田以充
 是焉在焉

焉邑人蔣源鎬為記 吾邑向無試院童子試於縣者率雜坐縣
 署廡庶試凡則肩負以進咸病之而無以

善之也乾隆四十八年邑君子釀錢為翼聖會倡置試場版几
 復勸孫吳二姓捐田三十畝零歲收租息陸續添辦交工房收
 貯旋以餘貲清理學湖濬三思橋下溝道其後人遵辦迄今五
 十年矣道光壬辰邑尊蔣公倡建試院邑中諸紳士急公輸將
 成廣廈七十四楹楹設石踞長几多士便焉癸巳翼聖會後裔
 卽將孫吳捐田歸於試院籌備善後事宜余聞其為之前雖美
 弗彰莫為之後雖盛弗傳是舉也前君子倡而率之後君子擴
 而大之洵美且盛矣其彰與傳也宜哉因樂為書之前君子者
 徐君作林胡君序趙君槩鄭君如蘭樓君濬金君鏗陳君念冲
 蔣君煥章錢君鳴鶴魏君家駒壽君五備章君人寅趙君思道
 鄺君應樞孫君克坊樓君大章程君遠蔡君英姚君元升袁君
 日森余君拱宸陳君鈞曹君文潤洪君超石君謙陳君宗鏞也

先是試院南向鋪前街市房障其前應試者仍由縣治堂下西

向斜趨進廳前橫道東啟之門南折而入文場光緒十口年城紳捐貲購鋪前街而房撤去之乃於奎宿閣下闢龍門而出外爲甬道兩旁構廊舍各五楹甬道南構儀門五楹直達鋪前街一翼聖會轉捐吳樹本捐坐調字號田共十五畝九分八釐七毫

一翼聖會轉捐孫元音捐坐師字號田共十五畝二分六釐八毫

一坐寔字姚舍山下地六畝 統交毓秀書院董事兼理徵租修葺

肄雅堂道光二十八年歲貢生徐漸遠等勸議勸捐集資爲公款以三年所入之息足抵兩試東脩之貲議定限數稟縣詳憲立案圖邑田銀並捐徵租送贄辛壬亂後田多荒廢租亦驟減學

額又復增廣經費不敷光緒間四鄉籌辦續捐始克有濟

一原捐田一千五百九十畝九分五釐二毫

一續捐田六百四十七畝七分九釐九毫

一府城公局在倉橋街西舊道光二十九年建後為寢室設捐

戶神主其中廳額曰肄雅堂

一邑城公局在試院西南嚮光緒二十六年建中為霍公祠祀紹

興府知府子方霍公順武以裁革商晶陋規俟助局費士民感

戴祀之故祠之西廂分設鹵商公局

書院

紫山書院在西門內紫山上明嘉靖十四年紹興府推官陳讓建

求放心堂

五開教諭尹一仁有說詳名宦傳

作聖堂

三禮教堂

北軒

四開在

堂南軒

四開在求

上廂房

左右各四開

下廂房

左右各二開在禮教堂後竹

軒二間在上耳房左右各三間門一牆餘丈華表二座外日

內日紫石山齋又籍吉祥鐘山二寺入官田一百七十四畝以充養士

修葺費役大學士前浙江提學副使徐階為記碑載金石志後有奸

利二十二年知縣徐履祥察明之遂祀陳公讓并教諭尹公一

仁於作聖堂初邑有紫陽朱文公祠三十二年知縣徐樹嫌其

欺隘近市遷祀作聖堂而改祀陳尹二公於求放心堂四十二

年教諭林志與一一生儒惑形家言謀遷學宮於郭外金雞山

下悉鬻院田并舊紫陽祠以充費費盡而學不果遷隆慶初遷

學之議復起知縣梁子琦力闢之鼓異說者僅毀求放心堂及

南北二軒而止循謹諸生乃建梁公生祠於院側萬厯間知縣

尹從淑修紫陽祀事增置兩廡齋房多士始稍集而肄業焉隆慶

駁志然嗣是修理無費漸就傾圯即梁公祠亦無有存者今紫山

土地祠其遺址也

毓秀書院在學宮左側乾隆二十四年重修學宮事竣董事者議請建立書院知縣張端木詳憲報可遂於二十六年鳩工建正廳三楹南嚮四面軒敞周以迴廊翼以廂房左右各三楹前為門三楹後鑿方池進此則轉而西嚮建堂三楹顏曰麗澤齋自為門亦二楹今亦改再進後為廳三楹北嚮今亦改顏曰敬業齋左右為書舍各二楹最後為樓屋七楹堂居中南嚮顏曰作聖左右廂房各三楹外置寗房窖池計屋凡四十六楹費二千一百餘金城鄉捐集三載落成知縣張端木為記書院之設與學宮相表裏者也有宋

鷺湖鹿洞尚矣前明首善東林指紳先生每嘖嘖道之國朝崇尚文教加意各省書院頒年以來自通都大郡下至荒州僻邑各以書院義學為首務猗與盛矣余莅暨之三年既集紳士章君廷標等十有二人重修學宮工將竣諸紳士曰諸邑幅隕廣闕家勤誦讀苟無義學何以示勸余曰令責也令實有心願資不能給奈何諸紳士曰即捐助不繼某等不惜出已財佐之

余乃相度學宮隙地繪圖以助其成既而工雲匠雨百堵皆作
建巍樓五楹為藏書及山長棲息地其前為講堂又前為朔望
會集之所其旁為寢舍為庖廡靡不畢具繚以周垣間以廣庭
聯以長廊攸芋攸甯余環視欣喜深嘉諸君赴義之果為能特
創此舉也以其地居毓秀山之陽遂名為毓秀書院云院將落
成余適去官諸君屬余為之記余惟凡百興作創始恆難如諸
君之慷慨克任天下豈復有難成之事哉後之莅斯土者益加
整植斯亦起教化善風俗之要務也乾隆二十六年辛巳季冬
張端木
撰并書

書院田產

一坐二十七都切磨隱慈字等號田九十九畝二分一釐候選

州同郭元宰捐

一坐六十二都具飯適字等號田二十二畝五分八釐一毫樓志

馮楚望楚華啟文合捐案祝鵬馮氏譜載馮楚望捐具適字田

文捐飯字田五畝
零共田三十畝

一坐六十四都眠字號田四十五畝三分四釐四毫鸞峯寺僧

瑞蘭捐

一坐口口都口口字號田十三畝八分五釐刑部尚書余文儀

捐案余公捐田百畝今董事徵租止有此數百
年前事中更寇亂老成代謝豈有知其故矣

一坐西廡後屋三間學湖南岸店屋五間採芹橋橫街店屋前
後二間採芹橋直街店屋二間學前街店屋二間後進五間

同文書院在天稠鄉牌頭鎮

達材書院在同山鄉九株松樹下光緒二十五年建中為沈公祠

祀知縣劔美沈公寶青

翊志書院在花亭鄉澧浦

景紫書院在長阜鄉楓橋即紫陽精舍遺址

社學舊在南門內即紫陽祠址今廢府志

邑城義塾在試院左側光緒十二年知縣左元鼎捐廉勅設分敦

仁敦義敦禮三齋延師訓蒙時有漁鱗山俞朝瑞妻孫氏捐坐
垢想浴超驥字等號田五十五畝二分八釐六毫元鼎爲通詳
各憲嚴立條約勒石紀之十八年城紳陳遇春捐辰字叛字號
田十八畝八分於是城廂紳士墊款建塾署其門曰振文舉義
筠西家塾在孝義鄉流子里監生吳樹本捐田一百畝構講堂書
室二十五楹延師以課族姓吳氏之先元義士宗元號筠西故
以是顏也

樓志

烏巖義學在開化鄉生員蔡廣生捐田二十畝公諸祠延師以課
族姓

養正義塾在開化鄉獨山嘉慶十五年趙□□捐田四十餘畝延
師以訓族人

朝陽書塾在長甯鄉陽春莊康熙時生員郭錄建規制宏廠有亭

池花木

梯山義塾在長阜鄉楓橋小花墩監生陳邦泰建捐田五十畝屋
十三楹延師以訓族人規制俱載碑記

敬修書屋在長阜鄉大溪周鏞捨宅捐田爲大溪周氏義塾

吳山義塾在龍泉鄉溪北徐載育徐大愷徐大元徐晝等捐置田
四十畝屋十二楹延師以課族人

聽雨樓在花亭鄉湖藻乾隆間副貢張鴻儀建有田二十餘畝

環山書屋在花亭鄉杜家山道光七年杜益仁等撥祀田二十餘

畝以爲塾產庠生杜夢白子克恭思唐從姪廣棠變堂續成之

光裕義塾在同山鄉五指山咸豐八年周怡齋等捐集田三十七
畝又購屋六間徵租延師以教族人

天山書舍在槩浦鄉生員孟經捐田四十畝後董其事者續置田

二十畝構講堂書室一十六楹延師以課族人

樓志

新湖書屋在紫巖鄉有覺嶺五品封職王元琦建徐昂爲記

育才書屋在紫巖鄉金家站光緒間金樹桂捐坐銀少霄字等號
田二十四畝屋五楹屋後蔬園一處延師以課族人

何山義塾在西安鄉何家山道光十七年監生何綱捐田百畝延
師以課族人

養正義塾在龍泉鄉梅嶺同治十一年增貢生傅巖庠生傅寶基
廩生傅紹悛撥祀田五十畝延師以教族人

正誼書塾在龍泉鄉梅嶺光緒十年傅安石捐集田二十餘畝族
姪炳南振海 踵成之延師以訓族人

附存

白門義學在白門元方鎰建延金華吳萊主講席宋濂王禕俱

來受業廢集賢書室在安俗鄉貢生毛棟建存屏山草堂在橫

山明黃池建池六世孫居愷妻陳氏之續建養正書屋分巡甯

給台兵備道為之記存

諸暨縣志卷十五

兵備志

古者寓兵於農卽農卽兵也守望交助不備自備也兵農分而
兵制變歷代因革損益之故各詳史志方志之書亦載兵制如
范成大吳郡志羅願新安志均有營寨一條施宿會稽志亦有
軍營一條詳制度慎守禦也前志列武備一卷唐以前無紀載
則無可考矣今仍自宋而下分列子目遵而續之閒加考訂附
以郵傳以類從焉至累朝寇變勦撫之事散見史冊干戈所指
休戚係之近而義民抗賊人戶幾燬則又劫運使然不盡由人
事者彙編於後俾後人有所考鏡也

汛弁

宋制縣令多兼職兵馬都監建炎初詔郡縣守臣兼兵馬鈐轄以

武臣副之宋史縣惟楓橋鎮設有東尉司開禧間鹽盜竊發安撫辛

棄疾申置見章志其他置守若何均無可考

元制縣置鎮守千戶案續文獻通考云各路立萬戶府各縣立千戶所其所部之軍每歲第遷口糧府縣關支

而各道以宣慰又立縣尉司巡檢司捕盜司皆為立巡軍弓手元史

制縣之捕盜司在縣治東轄鄉十有二官則同知判官輪署吏以

刑房兼之楓橋鎮東去縣五十里湖頭鋪南去縣五十里開化鄉東南去縣四十里俱設

有巡檢司見章志而縣尉司則舊志失載無可考矣案捕盜司所轄為陶朱開

元花山義安槩浦靈泉天桐金興花亭泰北泰南安俗十二鄉其

長甯大部長阜東安西安紫巖六鄉在東北為楓橋巡檢司所轄

見章志以此推之則諸山同山長浦超越四鄉在西南當隸湖頭

巡檢司龍泉開化孝義三鄉在東當隸開化巡檢司特紀載失之

明太祖洪武元年以太史令劉基奏自京師達於郡縣皆立軍衛大率以五千六百人為衛一千一百二十八人為一千戶所一百

一十二人爲一百戶所八年改在外都衛爲都指揮使司以統各

衛所續文獻通考二十六年定凡天下要衝處設立巡檢司僉點弓兵

應役明會典其後又令要害地方皆設官統兵鎮守其總鎮一方者

曰鎮守獨守一路者曰分守獨守一堡一城者曰守備與主將同

守一城者曰協守續文獻通考而前志亦第言楓橋舊有巡檢司餘俱

靡有紀焉案明史太祖本紀守將謝再興叛再興院判也似仍元

國朝駐防把總一員協防外委千總一員浙江通志案乾隆府

外委一員

防守向天嶺汛一員以紹協左營千把總輪防乾隆府志案向

轉而訛耳

協防安華汛一員楓橋汛一員以紹協左營外委千把總協防巡

緝一年一換以均勞逸乾隆府志

汛兵

宋弓手諸暨縣額一百十三人土軍管界寨額一百人紫巖寨額

一百人萬曆府志

元弓兵三十名隸捕盜司章志案元史兵制縣尉司巡檢司捕

頭等諸巡檢司當俱有額兵而其數缺載今無考矣

明民兵一百四十名乾隆府志案續文獻通考孝宗宏治二年

五百里里僉四人三百里里僉三人百里以上里僉二人又明實

錄嘉靖三十三年詔准兵部覆上提督張經條陳一編立本地主

兵內開州縣二百里以下者編兵二百名核與崇禎癸未知縣蕭

琦弭盜紀事內稱縣舊有兵按籍八百十有三之數不甚懸殊似

二詔當時俱奉行也浙江通志案乾隆府

國朝原設縣汛馬步戰守兵丁三十九名志作馬兵一名戰兵三

名守兵二十四名官

例馬一匹戰馬三匹

分駐楓橋口次設煙墩三座守兵五名係縣汛兼轄乾隆府志

防守向天嶺汛馬兵一名戰兵十名守兵三十二名官例馬一匹

戰馬一匹乾隆府志

安華汛

同治二年二月撫軍左委前令許瑤光查辦土匪命遊擊谷香

山帶副中旗兵三百名駐札城中歸許調遣事平撤去

民壯

明英宗正統二年募所在軍餘民壯願自效者分隸操練續文獻通考

以看守城池庫獄明會典此為召募民壯之始其額無可考或謂即民兵

國朝雍正二年定各省州縣額設五十名俱募壯健者充補內分

烏槍二十名弓箭二十名長槍十名與兵丁一體防守四年奉

旨准將馬快八名添入班內合為一役學長槍以專操習十二年

裁十二名乾隆十二年裁十四名今存民壯二十四名馬快八名

賦役全書 章志云舊設民壯馬快以備守禦
太平日久若輩無所用武第充官府差遣而已

鄉勇

明季合各府州縣隨宜招募使人自為戰家自為守

明實錄 案知縣蕭琦弭

盜紀事召之數計百數十數又三而人尚餘
八焉又簡隸胥及郭之強有力者得千之半

國朝康熙間知縣劉餘瓏因四鄉多盜防兵寡弱復設鄉練六十
名在城防守不食官糧里民照田給食事平則散有事復設統於

縣無定額

章志

咸豐八年偽翼王石達開竄入衢嚴知縣許瑤光奉憲檄於城內
外設立民團鋪戶及有力之家募人出費有差請紹協遣哨官二
員率領訓練既而賊蹤遠去遂罷

軍營

宋元時在道山坊

在西隅

明太祖移於諸全州城內

案州字上崇禎疑落新字

癸未婺寇猝發知縣蕭琦建義勇營於北城外以屯練鄉勇章今皆莫詳其處

咸豐辛酉九月髮逆犯境總鎮楊金榜札營城南五紋嶺提鎮

饒廷選分札城東金雞山城西七岡嶺布政使林福祥駐兵城

中共三萬人不出戰許瑤光諸暨團練始末

教場

教場在縣東三里許浣江邊萬歷府志廣袤數十畝當金雞山之陽蔬

植有禁侵占宜察隆慶駱志今則半為叢冢

明制每月朔望率兵操習於演武場名曰落操

國朝除之每歲霜降日觀兵一次章志案章志解署在演武

久已

軍器

舊有軍器庫在縣堂之東貯器械弓箭銃砲火藥諸項載諸冊籍
每年增修順治丁亥山寇入城焚毀殆盡其後漸加置造康熙辛
亥知縣蔡杓重建庫屋如初章志咸豐辛酉髮逆陷城又燬

順治初城四門列紅衣礮於月城內後運往甯波防海章志

咸豐八年髮逆竄浙知縣許瑤光奉憲札飭城鄉舉行團練准製

旗幟軍仗同治二年賊既平知縣朱廷樑出示令呈繳擡槍鳥槍
酌給錢米光緒二十年知縣周學基奉憲收繳軍器照

給官價

城防

窩鋪若干每歲一整關柵必修鈴柝必飭宵行有禁旅店有稽知
縣典史每夜巡城臨視以備非常順治十八年山寇蠢動城中
人運石城上纍纍如列伍有警則飛石擊之力省而功倍章志
案窩鋪

城坊設以棲兵者其制如今之支更蓬太平日久無
復見其設施粵寇亂後歲辦冬防則典史與汛主之

光緒二十年間西教蔓延耶穌在大雄寺之左天主在後街各造教堂城鄉多有歸彼教者民教時相訐訟官吏不能持平民憤無所洩勢洶洶二十四年知縣沈寶青設保衛於城練勇二棚稟大府遣把總二員率之以防時變其口餉斂費於城廂鋪戶又日捐廉一緡以佐之二十六年三月前宰倪望重復任罷之六月會匪變起燬教堂上憲調兵勦撫倪奉臬憲札飭照會城鄉團練邑紳稟請募勇四棚以儘先把總梁克成統之駐城中寶豐倉又駐官兵於邑廟十月奉文調赴東陽知縣葉昭敦因時屆嚴冬城外空虛留四棚札於江東之上網廟

是年楓橋亦募勇二棚其地鄉村大族但團而不練

保甲

順治初每鄉行團練法以捍衛一方太平日久革去鄉練而特嚴保甲知縣蔡杓每甲置一鼓二鑼有警擊之間聲協應

章志案保甲法自

乾隆以後或行或止久視為具文咸豐年間髮逆逼近始於城廂
 設立關牌八年遵蔡侯故事稍用戒備四鄉大村亦有效行之者
 承平後又廢不講光緒七年知縣潘康保力加整頓編查煙戶雖
 山僻不漏而愚氓反怪其多事則習於惰窳故耳十三年臬憲蕭
 札飭通省舉行知縣胡永焯奉文辦理蕭去任而事遂輟二十六
 年以會匪之變委丞然亦虛應故事是在良有司有以振作之耳
 要隘

關二

陽塘關西去縣城五十里浦江縣界嶺下兩山相逼唐宋置關於

此元廢浙江通志明崇禎癸未婺賊蔓延復壘石置關今迹尙存章志

長清關西去縣城五十里富陽縣界元時設關萬曆府志案今

銅鈴頭下有木橋橋右有村曰寨頭卽其故址

寨三

管界寨東去縣城八十里唐宋有寨萬曆府志

新界寨南去縣城七十里浦江縣界舊設關後廢萬曆府志案

都有村名界牌宣者舊設巡檢司今遺址尚存

紫巖寨北去縣城七十里山陰縣界舊設關

嘉泰會稽志後廢章志案今紫

巖鄉六十都橫闊之東茅陽嶺脚有村名關口者即其故址

案以上五處舊志謂有巡檢司五俱唐宋所設而廢於元今亦莫詳其實矣

巖一

五指巖西南去縣城六十五里明初將軍李文忠築新城拒謝再

興於此萬曆府志案今同山鄉五指山下有地名新州城里者即是

嶺五

駐日嶺東去縣城六十里會稽縣界元末裘廷舉聚鄉兵處萬曆府志

古博嶺東去縣城七十里山陰縣界為楓橋要道明初將軍胡大

海克諸暨自茲路戡越郡嘉靖間倭寇亦由此入山陰舊有楓橋

巡檢司今基址尚存乾隆府志

布穀嶺西南去縣城五十里屬同山鄉咸豐辛酉同知張振新遊

擊周璧屯兵駐守於此

新纂案土人亦呼鵝鳩嶺

避水嶺南去縣城五十里屬同山鄉下即豐江咸豐辛酉記名道

張啟煊候補知府王錫熙參將劉錦標屯兵駐守於此

善阮嶺西南去縣城六十里義烏縣界咸豐辛酉七月髮逆由義

烏逼境訓導韓煜文率團勇堵禦於此賊引去

附鋪舍

案此門前志隸建置列序廢驛於前其所稱引嘉泰會稽志亦即舊志所本無或異焉今驛已不設第相仍以存古蹟而鋪司兵工食銀例在存留項下報銷固為政之一端也因為參考異同附兵備後蓋元制急遞鋪續通考本隸兵考也

縣前鋪在譙樓西

賦役全書下同

十里鋪東去縣一十里

張駝嶺鋪東去縣二十里

新店灣鋪東去縣三十里

櫟橋鋪東去縣四十里

楓橋鋪東去縣五十里

乾溪鋪東去縣六十里

章志作干溪

古博嶺鋪東去縣七十里

右衝要八鋪每鋪司兵五名每名工食銀七兩二錢

賦役全書

楓木鋪南去縣一十里

章志作桐樹嶺

光緒十年里人即故址建有廊舍

鯉魚橋鋪南去縣二十里

章志作鯉湖橋

寒熱阪鋪南去縣三十里

李家橋鋪南去縣四十里

湖頭鋪南去縣五十里

羅嶺鋪南去縣六十里後以陟改宣何公館

右偏僻六鋪每鋪司兵三名每名工食銀五兩惟羅嶺鋪每名

給銀六兩

賦役全書

案章志急遞鋪一十四處每鋪廳屋三間東西廊各六間郵亭前門日晷鋪司一名鋪兵六名與賦役全書所載不同何時裁減無檔可稽即鋪舍或存或改或廢不舉亦難求其舊制矣

附古驛

待賓驛在縣西南六十步今廢

嘉泰會稽志下同

使華驛在縣東一百六十步久廢

亭閣驛在縣南二十里今廢

興樂驛在縣南五十里

府志里作步

今廢

楓橋驛在縣東五十里久廢

館驛

隆慶駱志案舊志載有館驛初名使華驛唐初名待賓

館大厯中令邱岳改諸暨驛宋興國間名新驛後改皇華仍復

使華元改暨陽站今爲館驛夫舊志所謂今者非指正統景泰間歟然則諸暨舊有驛矣而不言設何官且館驛者驛傳總名豈有置驛而無專名者意或唐宋以來原有驛後革之而特存其館以爲賓客至止之地耳

案使華驛在東隅永泰坊故坊又名使星所謂宋興國間者蓋卽太平興國自大厯至此想已廢廢更而新之故曰新驛自興國至嘉泰又二百餘年故嘉泰志謂久廢也元曰站猶之驛也明改爲館而仍古驛之名故曰館驛然則明之館驛卽元之暨陽站宋之新驛唐初之待賓館古之使華驛也非謂於五驛之外又別有所謂館驛也

寇變勦撫

宋景平二年富陽縣孫氏聚合門宗謀爲逆亂會稽太守褚淡之

遣隊主陳願郡議曹掾虞道納二軍過浦陽江願等戰敗賊遂摧

鋒而前

宋書褚叔度傳

泰始二年二月建武將軍吳喜等東平會稽喜進軍柳浦諸暨令

傅琰將家歸順喜遣疆弩將軍任農夫龍驤將軍高志之南臺御

史阮佃夫揚武將軍盧僧澤等引軍向黃山浦東軍據岸結砦農

夫等攻破之乘風舉帆直趣定山破其大帥孫會之自定山進向

漁浦斬其軍主孔叡東軍於是敗散

宋書孔叡傳

南齊永明四年富陽人唐寓之聚黨作亂水斷商旅黨與分布近

縣會稽所領諸暨縣為所劫破令凌琚之不經格戰委城奔走不

知所在寓之據郡遣偽會稽太守孫法取山陰法至浦陽江郡丞

張思祖遣浹口戍主湯休武拒戰大破之

南齊書沈文季傳

梁大寶元年十二月張彪起義於會稽破諸暨永興等縣景遣儀

同田遷趙伯超謝答仁等東伐彪破之

梁書侯景傳

陳天嘉三年留異擁據東陽安都奉詔東討異本謂臺軍由錢塘

江而上安都乃步由會稽之諸暨出於永康異大恐奔桃枝嶺

陳書

侯安
都傳

唐咸通七年夏逆賊袁甫犯境至槩浦縣人史昭計擒之

隆慶
駱志

案縣有史大夫祠浙江通志大夫諱昭咸通中充諸暨鎮遏使
平喬中甫之亂黃巢犯境又卻之時同事異未知是一是二

乾符六年冬黃巢黨犯境聞有備禦宵遁去

隆慶
駱志

中和二年

通鑑作
元年

冬十月浙東觀察使劉漢宏遣登高鎮將王鎮

將兵七萬屯江干鏐率儒童鎮將徐靖浙江都遊奕使阮結銜枚

宵濟大破之鎮走諸暨

十國春秋武
肅王世家

三年夏四月漢宏自領兵屯諸暨古剝嶺至於亭山龜山之下鏐

又擊破之五月漢宏復遣將何肅黃珪等率本道排門軍營諸暨

蕭山等處地鏐逆戰破賊一萬餘人

光啟二年冬十月鏐將兵自諸暨趣平水鑿山開道五百里出曹

織隸浙東將鮑君福帥眾降焉鏐與浙東軍戰屢破之進屯豐山

克越州通鑑紀事本末

乾甯三年三月董昌遣暨陽鎮將陳郁自南秦了口至於富陽漁

浦等處屯聚王命王球馬武軍都知兵馬使等擊之郁率其黨來降十國春秋武肅

王世家

天復二年春盜聚陶嶺疑即八都陶陽嶺吳越王錢鏐討平之隆慶駱志

天祐二年九月衢婺副招討使陳璋復分兵與淮南將許野鶴犯

暨陽王命楊習指揮使通鑑作方習逐之璋兵大敗十國春秋武肅王世家

南宋嘉泰四年冬有盜金十一者號鐵彈子聚眾剽掠不可制賊

黨稍平謬傳其鬪死帥臣以聞已而復起白塔湖中尋伏誅萬曆府志

元至正十九年正月庚申胡大海克諸暨明史太祖本紀守將宵遁萬戶

沈勝既降復叛大海擊敗之生禽四千餘人改諸暨為諸全州移

兵攻紹興張士誠將呂珍圍諸全大海救之珍堰水灌城大海奪

堰反灌珍營珍勢蹙於馬上折矢誓請各解兵許之胡大海傳

胡大海克諸暨錢萬戶來降太祖賜衣服令回後獻策於張士

誠離諸暨城五十里築壩水發即沒城以戰船攻之可克謝再

興戰數年不能破及紹歸附械萬戶至京太祖誅之劉辰國初事蹟

案此與明史稍異故附誌之

樞密院僉院胡大海伐越得諸暨命浦江翼右副元帥蔣鏞字大

移鎮諸暨與樞密院判官為裨將宋文憲集蔣公墓誌銘

胡大海為蔣英所害事在至正十二年張士誠聞浙東亂遣弟士信寇諸

全胡德濟大海養子自信州往救乘懈得入城與知州欒鳳院判謝再

興分門守夜半出敵不意斫士信營破走之明史胡大海傳又

益兵文忠兵少無以應會太祖使邵榮討處州亂卒文忠乃揚言

徐右丞邵平章將大軍刻日進吳軍聞之懼謀夜遁德濟與再興

擊大破之諸全遂完

謝再興使部校鬻貨於杭太祖慮其輸虛實召再興還而以參軍李夢庚總制諸全軍馬旣而念再興功復遣守諸全再興忿夢庚出己上鳳復以細故繩之遂叛殺樂鳳與其妻王氏執夢庚降土誠夢庚死之

明史樂鳳傳

樞密院判謝再興爲都督朱文正妻父隨太祖克婺州與胡大海攻紹興命守諸暨離城數十里張士誠令呂同僉築壩溪上水發滄城再興常偷掘其壩力戰功多再興心腹左總管糜萬戶嘗以違禁物往杭州貿易太祖恐泄國事拘二人殺之懸首於再興聽事再興次女太祖且主婚嫁右丞徐達復取再興回京聽宣諭別遣參軍李夢庚節制諸暨令再興還聽調遣再興愧無權勢怨曰女嫁不令我知似同給配又著我聽人節制遂執知州樂鳳參軍李夢庚元帥王玉陳剛以諸暨全城軍馬赴

紹興降士誠惟總管吳汝明棄妻子走回太祖以其忠義賜以

小子元帥妻

劉辰國初事蹟

癸卯九月諸全叛將謝再興以張士誠兵犯東陽左丞李文忠令

深引兵為前鋒再興敗走深建議以諸全為浙東藩屏乃度地去

諸全五十里竝五指山築新城分兵戍守太祖初聞再興叛馳使

詣文忠別為城守計至則工已竣後士誠將李伯昇大舉來侵頓

新城下不能拔敗去太祖嘉深功賜以名馬

明史胡深傳

擢胡德濟浙江行省參知政事守新城士誠將李伯昇帥步騎大

入寇

李文忠傳士誠遣司徒李伯昇以十六萬眾來攻不克

德濟固守乞師於李文忠

馳救德濟出兵夾擊大破之

明史胡大海傳

踰年

至正二十五年乙巳

李伯昇復以二十萬眾攻新城文忠帥朱亮祖等

馳救去新城十里而軍德濟使人告賊勢盛宜少駐以俟大軍文

忠曰兵在謀不在眾乃下令曰彼眾而驕我少而銳以銳遇驕必克之矣彼軍輜重山積此天以富汝曹也勉之會有白氣自東北來覆軍上占之曰必勝詰朝會戰天大霧晦冥文忠集諸將仰天誓曰國家之事在此一舉文忠不敢愛死以後三軍乃使元帥徐大興湯克明等將左軍嚴德王德等將右軍而自以中軍當敵衝會處州援兵亦至奮前搏擊霧稍開文忠橫槊引鐵騎數十乘高馳下衝其中堅敵以精騎圍文忠數重文忠手所格殺甚眾縱騎馳突所向皆披靡大軍乘之城中兵亦鼓譟出敵遂大潰逐北數十里斬首數萬級溪水盡赤獲將校六百甲士三千鎧仗芻粟收數日不盡伯昇僅以身免

明史李
文忠傳

正統十四年括蒼盜陶德二爲逆諸暨戒嚴大山葉氏居民乘時

嘯聚知縣張鉞討平之

乾隆府志
互詳
名宦志張鉞傳

嘉靖三十三年十一月倭寇自仙居向諸暨居民悉逃贊畫周述學謂知縣徐櫬曰諸暨人強族眾今雖逃不遠公下令則鄉夫可集兩關有兵賊不犯矣櫬然之即步往東關時天已暮惟一老人來謁櫬令諭居民眾遂至千餘裂衣為旗圻籬舉火鳴金鼓發火砲喊聲大震令南關亦如之是夜二更賊至見有備遂由山徑入

山陰境

萬曆府志

三十四年倭自諸暨突入郡境獲姚長子貫其肘使為導

兩浙名賢錄

案姚長子軼其名山陰獨山人樓志誤入忠節傳今刪去

三十五年倭寇由蕭山入縣界經靈泉同山鄉出東陽界去

隆慶駱志

崇禎十六年東陽許都倡亂

案明史陳子龍傳都為副使達道孫家富任俠好施東陽令以私憾會義

烏奸人假中貴招兵事發都適葬母白衣冠送者萬人即誣為黨監司王雄等六十餘人都遂反陳子龍說之降按院左光先與令善竟斬都等又案監司王廓
蔓延暨地閉城七日巡按左光先

者至三肯示

檄署諸暨縣陳子龍誘執許都遣蔣遊擊案名剿餘黨悉平之知

縣蕭琦有弭盜紀事章

謹案許都反連陷東陽義烏浦江三縣與暨壤接賊出沒交界
時至草埠烏龜山梵惠寺等處招號伏莽一時黑王三陸進十
趙生光等弄戈應之窩居陽名紫閭出掠十九十二諸都城
戒嚴知縣蕭琦禁民奔逃謀守禦以額兵不足恃加募義勇又
簡胥隸之強有力者得千人捐俸為倡使邑人周公訓募集餉
需士卒登陴日夜巡邏於去縣三十里許樹塞連援介馬親馳
龍潭口善坑鷺鷺嶺諸要隘勉其村人循保甲法以自扼傳授
方略懸賞募殺賊四鄉聲振死致者近百級生致倍之杖斃數
十人斬十餘人黑王三陸進十趙生光等咸授首餘黨解散乃
收拾散亡建營房搜寇田給工練兵以善後時征調官兵絡繹
過暨琦每郊迎與主弁約法無庇兵不敢為民害事平親為文
紀之末曰噫出不蓋入不鑪食不聊腹衣不解帶者五十朝昏
其焦唇脫穎稿面枯心猶可言也家破子喪其文奧衍謹存其略
哉琦吉水人時楚賊破吉水琦次子死焉其文奧衍謹存其略
此如

國朝諸暨自乙酉五月中歸附實順治二年也未幾會稽鄭遵謙

挾魯藩阻江明年丙戌六月再平章

順治四年九月山寇入城燒毀縣堂典史郝朝寶教諭方杰俱被
害知縣劉士瑄請兵勦之

陳洪綬盜賊詩不得為君子可憐就小人縣官敲骨髓將帥沒
周親聊緩須臾死甯知終喪身金雞何日下相率復良民
邑新為盜使君故食人處心圖縣令藉口號頑民白刃既如意
黃金復等身繡衣今按法怨氣頗為伸自注縣官既逼民亂即
潛移家人苞苴城外請兵勦滅數千家俘婦女亦數千人復盡
籍縣中居民商賈猶不足籍及鄉民至數千家古今史籍所未
聞也 皇天憐暨邑御史出長安代作生民主先囚酷縣官銀
鐙囊首惡縲綬貫羣奸盜賊應知悉投戈或不難自注甯下司
獄司胥吏縛去至百數人亦大快也御史秦公也樓志
案浙江通志秦名世禎遼東人順治四年任巡按御史

順治五年戊子二月山賊虞仲紳潘天統等立寨虞村琴陽陳瑞

王化龍葛道二十翁韃子立寨宣家山連營至岷縣梅溪陳瑞最

悍劫掠民家無算團練總胡十八結鄉兵防守并請主帥勦平之

乾隆
府志

順治五年三月山寇陳瑞劫孝義鄉吳氏殺其家主四月初楓橋

陳氏燬明陝西左布政使陳性學居室六月寇兵敗於關橋乾隆府志

案陳瑞一名陳其古

順治五年石仲芳之黨湯梁七倡亂以紫閭為巢穴士民奔撫轅

請勦官軍入境仲芳就撫梁七亦解散免死十六年復叛楊家漢

楊學泗以計擒之毛奇齡楊存園墓志

順治十八年八月山賊楊四等作亂巡撫朱昌祚署守道知府吳

之樞勦平之章志

康熙十三年三月湯良四倡亂聚眾千餘巢於店口之楊樹陽四

鄉不軌多附之肆行劫掠防汛往勦敗屢後遇客兵襲殺良四授

首餘黨四散至秋復聚

康熙十三年甲寅山賊何九徐維英方懋公立寨何趙連營至會

稽嵯縣王善長立寨山陰謝家橋賈村徐三立寨上金村及會稽

尉家嶼朱成龍據縣西南楓橋至縣數十里劫燒一空路無行人
知縣劉餘瓏署知縣姚啟聖相繼勦平之

乾隆府志

夏温台處山寇倡亂不逞之徒所在竊發嶮暨賊尤熾議者欲但
守郡城巡道許宏勳曰二邑為郡門戶不守二邑猶之不守郡也
乃自率師搗嶮而分兵往諸暨十一月偕參將滿進貴取道仙巖
直抵賊巢連破諸砦禽文武偽職二十餘人招降餘孽馮瑞芝等

萬餘人嶮境悉平暨邑亦望風解散

康熙府志

偽都督朱德甫陷諸暨踞城自守

甲寅三月廿四日耿逆耀兵仙霞嶺直犯浙東伏莽探丸輩各

授偽

康親王命隨征同知姚啟聖統兵進攻大戰於紫閩山賊眾

潰散偽都督恃其驍勇領兵殿後姚啟聖奮擊之斬於陣上餘各

披靡遂復諸暨縣

平定浙東紀略

案上言踞城自守下言統兵進攻則為攻城明矣下又言大戰於紫閩山紫閩西去縣五十里攻城者而西向紫閩不幾南轅

北轍耶疑山為近城之山非紫闔山或此句之上有缺文似應加賊遁走三字

康親王留兵四百名命姚啟聖鎮諸暨縣偽都督王三偽總兵楊
芬生盧楚佩等率偽兵三萬七千五路侵犯姚啟聖孤軍力戰大
敗賊於楓橋斬獲不可勝紀

七月六日賊首楊六陷城六曾充縣役犯盜繫獄夤緣得脫招集
亡命焚劫鳳儀樓時官兵聞報倉猝出

由小徑掩襲城遂陷踞城五日率黨數千犯郡城路遇喇都統督

師入閩賊以為勦兵也持戈直前害牛录一人都統整眾撲勦遂

斬楊六於黃公圃羣賊潰樓志案乾隆府志云諸暨山寇聚眾
數千建旗轟鳴金鼓聲言欲屠蕭邑蕭

大恐適王師征閩從蕭達暨遇於蕭之黃公圃部將出戒曰汝
避吾不汝勦也言未畢身被隕焉大帥怒遂逐其醜類而殲之

八月二日賊復破城是時渠魁雖殄餘黨猖獗益盛何九嘯聚於

東朱成龍掠於西李勉如翁與均各建旗號眾至數萬邑令防弁

赴府乞師賊覘知無備擁眾入城恣行劫掠官兵星馳赴援賊方

釋甲酣飲欲殺及躡死者過半城遂復

朱成龍擁踞紫閭紫閭昆連富蕭暨浦四邑重巒迴繞易為盜藪

其地擁眾萬餘潛通叛帥曾養性徐上朝等窺伺嚴衢浙東震動康親王

遣撫不應九月二日遂發諸路大軍進攻牛頭嶺蒙叢險隘騎不

得前又攻長青嶺自晨抵暮不克適順風大作縱火焚之賊遂大

潰賊分守隘口者四十二營望見老巢火起皆鳥獸散紫閭遂平

初邑長新洩見賊日盛倉皇申報稱西路皆賊故半邑居民悉遭

焚戮被擄婦女一萬七千有奇後經冊報在部章志

十二月十六二十都鄉團王明之等斬賊首朱成龍於二十都時

紫閭雖破成龍未除聚眾萬餘流毒暨浦之交康親王遣朱別駕

齋諭招撫成龍斬持諭胥役三人負固不服然其黨陰有異議潛

出投誠日盈數百成龍勢孤尙腐心切齒於二十都團練於是空

穴而往團練見賊氣盛潛匿山隈縱賊入賊喜甚舍戈卸甲大肆

搜到負賞既重且醉且飽團練伺成龍單行無備從旁截殺成龍

倉卒無備攢槊刺之立斃於巖坡之間羣盜遂息案當時知縣劉

明之王君猷王惠卿與其親丁十餘人率領民團禦之遂斬成龍事聞獎明之守備大帥命其隨征辭不就職

成豐十一年五月前阪村土豪何文慶者藉團練名勾結台新嶸

暨羣不逞自樹蓮蓬黨名目人給一鐵牌刻蓮房撫軍招之將以

屬官軍五月初二文慶率黨入城適處鎮文瑞逗遛城中何黨無

故砍殺其兵弁三人文瑞即整伍鬪於江東何黨潰官兵火廩舍

殺數九月城陷文慶降賊授偽職志天燕隨攻甯波分踞鎮海新

七月賊蹤逼近有亡命糾集萬秧坵離城三十里毛祠遠近不逞日萃

毛氏潛訴於縣知縣許瑤光親率兵勦之砍殺二十餘人遂散

案粵寇之亂暨人從賊者實繁有徒有授偽職桂天燕沛天侯者壬戌五月初六賊偽為義軍誘包村亦由諸暨人虞某為之

亂後饑荒又不免搶劫而或授首或罰鍰或且漏網今其後嗣多滅跡銷聲矣略而不書以其既亂而亂也蓮蓬黨萬秧坵則為亂先故著之

粵匪入寇浙東辛酉四月金華陷自是官兵驛騷邑城戒嚴八月

廿五日賊由浦江竄入西南鄉形蹤飄忽不敢停九月初浦義既

陷遂大股由東南入蹂躪花亭開化龍泉金興等鄉有騎賊直驅

街亭以下登半盼山遙望城中片刻而回十三日西南鄉團分路

殺賊邊壽團殺賊於牌頭周姓團殺賊於布約官兵會剿不果團

旋敗散二十四日官兵棄諸暨走二十六日城遂陷是年善化許

寇平後有書諸暨團練始末其前半紀被寇事極詳參錄於左

十一月二年二月侍逆李世賢陷江常衢鎮李定太聽賊過不截四

月十七日陷龍游次日陷湯溪又次日遂陷金華枝股由處州入

踞武義時余復宰暨以為嘉興久失杭州特紹興為左臂諸暨

實杭紹之咽喉諸暨有失則紹興必瓦解而杭州無獨全之理

都司劉加王分守浦江五麓嶺以防蘭溪已革提督米興朝勦

東陽土匪兼顧義烏以協戎吳再升協守不意五月晦日文瑞
 潰於孝順米興朝亦相率退吳再升復遲遲不進致賊入義烏
 突過檀嶺蘇溪幸諸暨學博韓煜文率團勇堵於善坑嶺賊不
 敢踰暨旋由義烏引去六月初四日告急文瑞整隊復出總鎮況
 文榜協戎劉長培助之七月月初四日賊逼浦城五麓嶺之營先
 潰文況劉合七千人困守城中不出築一壘聽賊長圍余夜運
 軍火餉米至浦不得入幾被賊攫去賴團勇相護得免省垣乃
 調饒廷選由蘭溪來援饒率閩兵駐城中檄同知張振新遊擊
 周璧往援浦潰於鄭義門已而饒復合福建道張啟煊兵再援
 浦又潰於白馬橋自是浦兵不能出暨兵不敢進賊焚掠淫殺
 日逼諸暨西南鄉暨民團磨刀礪刃已挺然生鬪志矣九月
 初四浦江陷義烏繼陷五嶺軍門分紫山善坑嶺分路犯暨
 總鎮楊金榜紫營城南五紋嶺饒軍門分紫山善坑嶺分路犯暨
 七岡嶺藩司林福祥駐兵城中其三萬人不出戰十三日西南
 鄉團分路拒賊殲賊四百餘奪賊旗制長髮十餘級來獻約官
 兵會擊次日西鄉團敗賊於蒲岱嶺南鄉團亦抵豐江官兵尾
 團後相距四十里不與賊面團旋敗陣亡二百餘人賊勢乃熾
 然猶未敢遽犯縣城也廿三日賊由富陽石版嶺突竄臨浦義
 橋入夜火光燭天官兵驚慌棄諸暨走杭州置紹興不顧廿六
 日已刻賊逼城外聞楚軍亦皆散去獄囚噪紹興各獄撫囚
 而賊騎已入堂矣余不意其賊也至東門遇賊騎三各以長
 刀相劈遂昏倒俄而蘇有老嫗扶予行過石橋里許義民馬某
 昇余至楓橋何文慶蓬蓬黨至是復聚延余入村余知其詐也
 卻之乃裏創赴郡廿九日郡城失赴甯波甯波兵亦無守志

上虞餘姚
相繼陷

城既陷賊蹤遂徧縣境

富陽賊由石版嶺竄掠槩浦花山義安諸鄉花旗賊由東陽竄掠開化龍泉孝義諸

鄉而長甯長阜大部諸鄉又有蓮蓬黨匪句通周黃二賊為害近城村落則踞城董會李會日遣賊夥出掠西南則蹂躪早及惟縣

北湖鄉堵閘蓄水暫免賊蹤十月初六日西鄉賊由臨浦下竄周黃二賊由上

谷嶺入嵯十三日嵯人破花旗賊東鄉人助之賊敗遁東陽

花旗賊

皆廣東無賴專遊行劫掠為賊黨所不齒竄踞暨東嵯西蔓延五六十里將為度歲之計嵯人約我東鄉乘夜束草持火分道攻擊

賊不為備殺死無算既望董賊別走留李會踞之日餘天安出偽

示安民訪召舊胥設偽鄉官有軍帥師帥旅帥造門牌每戶給一

一命四鄉各村進貢米粟財帛市鎮設卡抽稅肩挑手挈皆須納

奸大村必駐賊四出劫掠十一月東鄉民糾嵯團攻縣城敗於落

馬橋而包立身遂起義兵同治元年壬戌二月四鄉響應北自包

古塘長澗直步店口等西則二十三十一十都花山古諸山鄉橫衍南鄉之同山豐江牌頭西山帆山礦亭宣何五指山等村莊

者聖云情示

數百大者自立小者附從三月初五日敗城曾於祝橋長瀾孫家

多無不稱義民思制挺殺賊淡義民為十五日遂圍城賊伏不敢出西北鄉義軍更番迭攻不能下凡

七日而退是時西北要隘皆設守禦若近城祝橋跨湖橋七岡嶺

進曰此鳥陣也不日布穀鳴趣耕不暇矣圍七十二七日直步義

兵又攻城賊窺西南無團即出東門來拒義民駐列北莊阪而以

一軍遶出七岡嶺賊疑為西團即退入城義軍猛追至白水河有

十三人已跟踵入月城城賊擁出民不能接應為所殺至於四月

踞郡陸曾大集賊黨轉輾仇殺而闔境遂糜爛包村之事論者多

郭肇所記頗實節錄存之間包村之

有傳聞失實者并為改正包立身者諸暨包村人世業農富膂力包村馬面山背為山陰

包立身者諸暨包村人世業農富膂力包村馬面山背為山陰

灰竈頭立身嘗往來肩販石灰力勝三百斤父母俱存二弟一

妹名美英世謬稱其通兵法能騎射嘗陷陣殺賊實則一鄉

女也立身性謹愿與人無忤咸豐十年庚申五月忽自言遇神

人日可行數百里取信物與人語未來事多億中自言其師為

斗子巖白鸞仙人謂白猿者誤也少未嘗讀書不識字取筆

作蠶字示人人遂信之其後結兵殺賊至數萬級雖有富陽蔣某教以營律其實專以神道設教嘗言大劫將至惟行善可免知縣蒙古鳳九庵裕從胥吏蕭某石某言召立身與語而信使設壇建醮於城隍廟冀為蒼生緩切廟中舊有二十四鄉社神祠東西廡檐楹相接方醮時有黃犬不知何來上社神祠瓦東西馳而過須臾失所在眾譁然余聞心知為不祥及寇作而驗蓋粵賊蹂躪殆徧諸鄉非包村則賊不創害亦不若是之毒也

初立身言賊至無可避處惟包村終不至人有信之者徑挈家往其地平壤負山無險可守聚族二三百家無信立身者奉貢令下次及包村村人從之立身隨耆老入城賊知其人特設素宴款之立身窺賊所為既返倡為拒賊之說時則有蕭某石某李某并城內鍾氏牌頭鄺氏數家與者寥寥會賊遣偽鄉官齎門牌至包村執之榜笞死賊聞議往攻先是蕭石輩倡言無恐賊當有神兵助立身即婦豎持竹刀亦可殺賊賊嘗以問暨人之鹵去者其人知賊中怯為大言恐之已不能無奪十一月初三日李會選積年老賊五百人親率以往未至則村中人紛竄逸即崇信立身者亦束裝上山以俟惟親信三十人不動少頃見赤白幟閃閃距半里許三十人鳴金震喊賊反奔李會抽刀斬之不能止山上人見賊奔即羣喊馳而下三十人多習鳥槍者連環放之不絕立身手大金刀麾眾殺賊李會至棄騎失履跣足疾走十里息纔屬即又不窮追自是立身名大謀逾月賊至萬諸暨山陰會稽蕭山嵎縣富陽諸縣敢死士及富室宦裔多歸之者十一月李會一軍徙攻天台為台人所殲即有余

會日洽天義者至城踞之東鄉鄰岷岷人前此衝斯宅賊營茲
 開立身勝即呼號東鄉人數萬假包村名攻暨城至則漫無紀
 律至落馬橋前隊為賊所挫各鳥獸散於是賊又焚劫十餘日
 方戰兵余會遂議攻包村王戌正月十六選軍數倍於李昇大
 戰以往包村人愈輕之安堵如故惟於村外四周編竹為籬高
 約隱人村前水田豬如僅一徑可通人雖眾無所用之賊至闖
 若無人突有鳥槍出籬間瘧其前隊大旗手賊伍視大旗為進
 退此賊瘧旗倒眾無措遂狂奔村人乘勝追殺賊自相藉踏死
 無算自是賊中震懼聞攻包村即
 自分必死踞城一股不敢出隊矣
 包村離縣遠去山陰瀉瀉近瀉瀉有賊卡踞郡陸會偽來王者
 所轄已為包村人截破偽來王者頗知戢軍山會人以是得少
 休而苛索富民銀帛皆土猾唐某為導正月朔五日索詐欄溪
 之銅坑寺僧赴包村潛告包村往獲五里驍一少婦之唐脫焉來
 會育養子某素親信嘗出郡城外三十里暱之賊子欣然就與
 人知之稔即覓獲與具果脯假為少婦言逆之賊子欣然就與
 乃昇之徑往包村來會聞頓足百計巧人請贖許以萬金包村
 佯諾之而索唐與賊驍將某為質來會猶豫則已鬻割徇眾矣
 會大怒思親統大軍攻之未發也包村又襲其妻公賊卡婁公
 較瀉渚愈近時猶嚴寒未曉而至賊於睡夢中墮首覺之裸投
 河中亦死無脫者會轉懼之甚乃遣驍將某率眾萬餘從婁公
 至臘嶺一路賊營相望廿五日以勁賊數千從馬面山後圍繞
 包村東北村眾殊驚惶立身故謂無妨惟嚴戒山上勿動約一
 時許率親隊數十人向賊薄之賊不覺反踵遂奔村眾見賊奔

咸鼓勇競逐及之賊即跪地受刃至臘嶺路隘人擠藉踏無算
 闕日賊復以百餘人掘戰包村人出即疾走立身戒勿追賊計
 無所施遂塔焉歸都詢之則果於臘嶺焦坑等處埋礮設伏也
 人益奇之二月既望來會杭賊陳喬岷賊周喬號眾十萬親
 統之分兩道一月自東由臘嶺山徑而已從西由尖山水道助賊
 者為之嚮導旗幟蔽天戈鋌耀日顧蟻屯白塔湖遷延不敢近
 時包村已布檄遠近其殺賊應者如響若十二都孟氏直步傳
 氏大橋里呂氏其最著者西北一帶上自富陽界橫衍十九二
 十等都下訖山陰蕭山皆豎白旗號義軍矣去包村三里日古
 塘有陳朝雲者年二十餘軀餘短小有膽素為米肆業補麻袋
 至是包村挾巨資來主湖西周某則朝雲戚也謂朝雲自言得神
 募包村挾巨資來主湖西周某則朝雲戚也謂朝雲自言得神
 人授可統眾殺賊王允為助餉遂推之以為率賊圍包村意在
 持久忽朝雲率眾上山鳴金羣呼殺賊賊不圖外變倉皇失措
 西北鄉團又自山谷間出皆白布抹首衣白衣彌望如雪賊遂
 大潰眾四合又無可奔其先驍賊潘某即包村所索易賊子
 者死於陣梟首去羣賊昇其屍奪路奔尖山來會見羣昇一
 無首紅巾羣梟首去羣賊昇其屍奪路奔尖山來會見羣昇一
 匪來會空棺中詢之免其所統賊隊至賊猝不得遁黨賊者為
 覓船山陰天樂鄉團從隔岸發鳥槍擊賊火落舟中適火藥舟
 也轟發風烈頃刻燒舟皆盡賊赴水藉踏火焚兵死脫者其
 由臘嶺一股四散鼠竄所過小村或不狀粹見賊方懼難脫
 賊即長跪解腰橐乞免村民見如奪其手中刃斃之賊百
 輩俯首就戮不敢動有賊十餘越山山谷見樵者脫棉其衷衣白

色以爲義師羣呼大仙饒命不敢走樵者揮斧砍之立盡是役
 也賊死者數萬人浙以爲巨創然實不藉包村力有西鳴
 武舉呂高華者偉有力自西一旅率高華統之足抗朝雲云
 案隔岸發鳥槍擊賊火落火藥舟中者係次鳴俞寶善所統之
 團兵此言山陰天樂鄉團者誤也是日也賊舟至小滿山山陰
 天樂鄉團邀擊於江口賊舍舟登陸以兩路包裹之團兵陷其
 中垂敗諸暨鄉團烏合蓬聚於兔石頭新江口一帶隔岸不相
 救非寶善兵至賊即揚帆鼓棹而去矣蓋寶善所統多獵戶最
 勁悍後敗於石板
 嶺其死亦最慘
 有自賊中逸者言來會敗歸精銳略盡乃徧檄浙東西踞賊剋
 期復仇且請援於金陵羣賊難之來會堅不可乃合偽王者五
 分道夾攻四月十二甯波克復敗賊麇至方五十里皆賊壘矣
 顧賊黠甚圍包村者僅堅壁自守悉分精銳攻西南北鄉團各
 鄉勢不能相屬且難於持久遂相繼淪敗若十二都十三都直
 步長闕等村村皆千餘家焚殺殆盡南鄉同山敗最後災亦少
 戢而在包村用事者皆富室有眷屬不肯出師救人僅僅爲自
 守計諸敢死健兒日日堅請出立身第云須時至亦無他設施
 而親信蕭石輩故胥吏不知遠謀井蛙自大惟恃立身一人且
 所恃者一子虛烏有之大仙皇惑猶豫萬喙洵洵以及於敗
 王戌四月偽梯王偽首王等十餘萬眾壁於楓橋與偽來王夾
 泌湖而軍二十六日包村突出數十人搗其壘賊敗走旋回軍
 撲團勇數十人者方入賊營掠物無一紀律賊殲其半餘皆
 潰散自是立身遂閉營不復出矣右一則參辛王紀事皆

先是人問立身包村可免劫否曰在劫者居此亦無益免則處
處可免問本村人免否曰當此猶孳孳為利烏得免問尊父母
免乎曰亦難蓋人依包村餓其屋價倍昂後屋不給
即屋旁蔬圃隙地皆作草舍亦昂其直矣立身故言
賊之攻包村者數十次無不奔北村外有大塘二先是立身指
謂人曰吾殺賊填尸二塘當滿至是果驗踞郡來酋每敗於包
必束載待恐其攻郡焉當道聞其名屢欲招致之如甯紹台道
張景渠同鄉朱久香閣學蘭各以書幣相款王孝廉堃陳大令
其元皆親詣其村均莫為應戰則占賊來何方當設備果然必
大霧彌漫敵不能窺其動作士卒或神馬纏頭示法術或縛草
為人插寨中搖旗以農具實土編竹木環營槍砲穿隙輒中有
木匠陳紹先以力稱持斧劈賊自頂至踵為兩半親隊多爭先
敢死如武舉陳殿祥陳廷柱文生鄺暉鍾村農包阿清皆以
馳逐酣殺死於陣包動典者至腹洞腸出又手刃數賊趣營門
踏地而絕謂其全恃術者誤也賊畏之如虎且奇之卑辭厚幣
數之數四而後止即外圍盡潰賊無後顧而偽五王者眾號數
十萬亦第環營十里以外無敢薄壘自五月初六賊偽為大梁
山授兵誘包包為所敗賊遂知立身無術日逼村堡矣村中男
婦四五萬人始猶各家繼則男女分廠席蓬無隙尺地金
觸尸穢飲水毒疫死無算既危求墮厓彼鹵殺死無算婦女
老弱相率自盡無算飢而死渴而死又無算至於七月朔大潰
不過十之一二矣事平斂骨封塚冊報枯顱十萬餘千則賊骨
與焉右一則參山陰陳錦書卿勤餘文牘案
賊之偽為大梁山援兵則鄰村虞秀裳教之也

是歲西北半縣田盡荒蕪東南尚得耕耨而賊營相望所距二二三

十里許稻皆為賊所穫村中少壯或不避則脅之傭多不能回

八月初旬賊以大股深入龍泉開化孝義花亭諸鄉甚至搜山披

叢徹宵不戢十四日斯宅不守前此六月斯宅土猾某導賊入村

遁去時高湖踞賊嘗掠東鄉東北隔絕謠傳包村剋日出師遂建

義旗以距高湖之賊而賊亦弗至至是賊以大股來壓民鑒於西

北慘禍不與力十七日賊酋那天義由嵯之鍾家嶺敗竄東鄉二

抗得保廬舍

十三日復由嵯去閏八月十三日東北鄉駐賊始分黨由東北別

竄是時官軍攻金華蘭溪甚急侍逆屢召赴援而羣賊輒游移遷

延始則以攻包村為辭繼則藉口斯宅至是始行又分夥數萬

入嵯禦團然則義民之牽制賊勢以

暗助官軍唾手者實不為無功矣

十月初前甯紹台道張景渠克復餘上二邑新昌嵯縣之賊一時

遁竄諸暨蜂擁東鄉然賊情倉皇不敢久駐分由西南義浦而去

意在援救龍游湯溪也

十一月余曾率黨援蘭溪賊譚星未幾敗回次年正月遁

十二月道委代理諸暨縣陳煥聲至自嵎縣暫駐東鄉馮蔡村民

咸額手相慶知平賊有日矣

二年正月左文襄

諱宗棠字季高湖南湘陰人以辛酉十二月督師至衢時駐節金華

令布政使蔣

公諱益禮字薌泉湖南湘鄉人

按察使劉公

諱典字克庵湖南甯鄉人

各率所部諸將分路

追剿合攻諸暨時已連克龍游湯溪蘭溪金華各城賊失重險枝

葉披離侍首戴梯四偽王由義烏竄入邑之東西各鄉東陽義烏

之賊亦向龍泉開化二鄉一路紛竄賊無行糧糠秕盡被搜括十

六月余曾聞風膽落率眾遁而以城屬偽鄉官方某

酋初擬由浦入富至白馬

橋間官軍營壘已逼浦城遂奔回城越宿下竄

十八日劉臬憲部將王少春黃有功李耀

南翰可宗楊芳桂各率所部由牌頭攻諸暨之南劉璈及宋明亮

齊萬禮各率所部由草埠截其竄逃之路

時浦江已克諸將由白馬橋至牌頭草埠等處

截賊上竄以四偽王蟻
中應浦尖山等處也
二十一日二十都鄉團踴躍進城偽鄉官

率遣賊夥黨詣集護提督軍前乞降受之
時余賊雖走偽經政司張懋夫等猶留守城池

至是二十三日蔣藩憲前隊總兵高連陞副將熊建益擊賊酋何
遂降

文慶於江東賊敗遁西路劉軍黃少春等亦率隊至城遂復
何文慶偵

知余翁遁走由紹興率黨數千道楓橋冀踞縣城適高熊二將由
義烏率所部馳至委署陳令先在街亭風聞東路有賊逆上謁次

稟明二將整隊飛馳兜剿遇於迂福門奮擊之斃賊百餘生越日
禽數十何文慶纔至長官橋其黨已反奔遂狼狽鼠竄而去

東陽永康敗賊萬餘又紛紛竄至知官軍駐城偃旗韜戈疾奔去

葉護提督部下都司楊應
龍截擊於路頗有斬獲
諸將搜緝附城村莊遺匪三日遂移營

劉軍由應店街踰石版嶺進勦桐廬富陽當杭州之西蔣
公所部高熊二將由臨浦義橋蕭山而前當杭州之南而首梯

戴三曾因官軍追躡羣率黨由義橋登舟下竄
人多船不能容二沿江溺斃無數

十六日甯波中外兵復紹城蕭山賊亦遁浙東以清
見許雪門書諸暨殉難始

未文襄命遊擊谷香山帶副中旗兵三百名鎮守諸暨尋赴郡

同治二年正月二十三日城既克復道委代理知縣陳煥聲幫

辦諸暨防務聞用知縣馮志勤入城城中滿目蕪穢應祀各廟及丞尉衙

署監獄倉庫無一不遭拆毀惟文廟書院與印官衙門巋然亦僅存壁瓦矣因暫駐南司蔣姓宅

時兵馬絡繹辦公吏胥一無可訪惟投誠幾輩與一二帶團勇

者旬當公幹至二月初四日纔將克復稟報所稟係賊黨投誠鄉團復城等語多

粉飾不可據大千各憲駭飭蔣公既到即改委隨員朱廷梁代理二

月初八於是廓清衙署訪召舊胥供職前令許瑤光奉左帥命

來暨二月初四到查辦土匪副中旗兵三百名歸許瑤遣乃設善後局於偽首王

府在文廟之右嗣作糧飭勇糞除街道街路瓦礫堆塞白骨

羣囁嚅不畏人臭穢薰蒸觸之即病收埋遺骸城中無遺粒賊儲粟於城隍廟右

蒙蔣公發給賑米二千一百石命城鄉設粥廠以食餓者廠既設

民成羣跋躓入城跌即僵施藥餌以振時疫又飭自金華運穀

三千石至暨部署略定蔣公進剿杭州大隊拔營許公協邑侯

出示安集四鄉收繳軍器借給耕牛籽穀以開濟農民種子即金華之

穀耕牛乃曾充偽鄉官者照過輕重罰鍰以買牛於江西按莊給牛一口穀若干石命紳耆領之限次年完繳後亦免當時村

莊或無紳耆則推之於招商賈貿易命紳董勸籌米捐平糶他

都於鄉具領不合向隅 縣有抽各項釐捐以充濟繁費者後經左帥奏准我

邑獨不辦以致百端難舉則當事之膜視桑梓也 修葺書院

以待開課編立條款命設局江藻采訪闔邑陣亡殉難男婦暨

收埋包村骸骨當時福建甯鎮林文察駐嚴緝蓮蓬餘黨謠

何文慶祖墓有異兆奉憲札飭 擿棺棺中蜈蚣斗許無他異 捕何文慶子長齡於狹山斬之

四鄉之附賊為惡者搜捕淨盡凡由鄉間獲一二不法村莊則送隨卽梟首

以兵勦之除暴安良至今猶載口碑也是年雨暘和調高下有

秋田雖強半荒蕪而穀熟價減六月以前米一升值百二十至七月減去半 國家

又蠲租賦百貨漸湊閭閻安堵斯民欣欣有生機矣

光緒二十五年庚子直隸有義和團之變邑人平日受教民之辱者憤思報復而南鄉尤甚莠民楊某以神道煽惑鄉愚王某羣不逞之徒從而附會之六月初旬結盟於斗子巖之龍王殿十二日牌頭鎮教堂燬城中教主聞之攜眷去十三日劫城中耶穌教堂知縣倪望重坐視不出楓橋鎮教堂亦被劫時紳士編修陳適聲方在城修志馳函命其家護教士戴某出境十四日訛言南鄉民變知縣倉迫無計請陳紳偕城紳廩貢生孫篤慶馳往諭之至牌頭夜已二更矣王某等方糾眾數百人聲言欲攻縣城百端曉諭始散去十五日黎明天大雨南鄉紳士均集同文書院蒙雨上斗子巖遣散餘眾十六日陳孫二紳偕南鄉歲貢生樓敬熙馳回縣城冀圖善後至會義橋聞城內教堂已於十五日被焚矣十七日匪黨劫守城兵軍器將闖衙署知縣窘甚至書院問計乃議令城

守劉弁率捕役鍾某等閉城搜捕城內民之避亂者爭思出城而城外匪類思乘閒搶劫者各操兵樹幟聚七岡嶺窺城中虛實至數千人勢洶洶幾釀大變既而鍾捕役遇匪黨七人於龍角石里盡獲之立時訊問斬五人梟示城樓而城外之匪類散城內之民心稍安越數日令武舉人蔣君誘緝匪首王某斬之又數日前任知縣沈寶青奉巡撫命偕某參將率兵至陳紳勸沈前令駐兵城中簡從往南鄉慰諭百姓亂遂定蓋沈前令素得南鄉士民心也

諸暨縣志卷十六

田賦志

戶田之賦由來舊矣漢魏以後以唐租調庸最爲近古自楊炎更議兩稅古法蕩然顧宋以後循而不改明之一條鞭善矣國初承明制至乾隆而法乃大備咸豐辛酉東南兵起版圖半燬嘉道以後之籍遂無所稽左文襄公奏定課則官民始有所遵守茲編分爲四目曰成案斷始於明以

國制多沿明例也曰戶口曰田額曰賦額皆始宋元者以唐以前邑額無徵也不書織數遵康熙二十四年乾隆三十一年上諭也賦額之附六曰起運曰存留曰鹽課曰漕課曰站課曰外賦循賦役全書例也

成案

明洪武十四年詔天下編賦役黃冊以一百十戶爲一里推丁糧多者十戶爲長餘百戶爲十甲甲凡十人歲役里長一人甲首一人董一里一甲之事凡十年一周曰排年在城曰坊近城曰廂鄉都曰里里編爲冊冊首總爲一圖鰥寡孤老不任役者附十甲後曰畸零僧道給度牒有田者編冊如民科每十年有司更定其冊以丁糧增減而升降之冊凡四一上戶部三存布政司及府縣上戶部者冊面黃紙故曰黃冊定賦役法一以黃冊爲准冊有丁有田丁有役田有租租曰夏稅曰秋糧凡二等夏稅無過八月秋糧無過明年二月丁十六曰成丁不及十六曰未成丁凡二等成丁而役六十而免又有職役優免者役曰里甲曰均徭曰雜役凡三等以戶計曰里役以丁計曰徭役上命非時曰雜役皆有力役者雇役州縣驗冊丁口多寡事產厚薄以均其力

明史食貨志黃冊後成具文有司

徵稅編徭則自
爲一冊曰白冊

二十年分行州縣隨糧定區區設糧長四人量度田畝方圓次以
字號悉書主名及田之丈尺編類爲冊狀如魚鱗號曰魚鱗冊先
是編黃冊以戶爲主詳載舊管新收開除實在之數爲四柱式而
魚鱗冊以土田爲准原阪墳衍下隰沃瘠沙鹵之別畢具魚鱗冊
爲經黃冊爲緯賦役之法定焉

隆慶元年諸暨縣知縣梁子琦創行投櫃法

先是嘉靖四十五年巡按浙江監察御史龐尙鵬始奏請行均
平條鞭法邑之賦役舊分爲二自此法行而役亦賦矣錢糧上
納舊有收頭奸民轉輾謀充挪新補舊終不可了自有投櫃之
法而弊始絕

隆慶
縣志

萬曆六年令天下府州縣通行丈量三年之內完丈造冊繳報

洪武自造魚鱗冊遂令額外荒土任民開墾永不起科又有不
准額外丈量之禁數傳以後夏稅秋糧漸以變易墾田則或朝
廷從新起科或勢要指爲無糧地土據爲已有甚至本額徵糧
之地一例混奪民產既失稅籍猶存苦不堪言而國家之正賦
亦因以失額張居正當國以小戶多虛糧致累里甲賠補故建
此議於是失額田糧一例掃除民賴其利王圻續文獻通考

九年行一條鞭法

此法自嘉靖始議行

一條鞭者總括一州縣之賦役量地計丁丁糧畢輸於官一歲
之役官爲簽募力差則計其工食之費量爲增減銀差則計其
交納之費加以增耗凡額辦派辦京庫歲需與存留供億諸費
以及土貢方物悉併爲一條皆計畝徵銀折辦於官自嘉靖時
巡按龐尙鵬隆慶元年餘姚知縣鄧材喬已議行至是年朝廷

始頒爲定則四十六年驟增餼餉三百萬戶部尙書李邦華援
征倭舊例請畝加三釐五毫明年又加三釐五毫又明年兵工
二部復請加二釐遂爲歲額崇禎軍興又一再請加以迄於亡
二十二年諸暨縣知縣尹從淑創行清收法

邑自一條鞭法行公私兩便而櫃頭數甚侵漁漸多收儲者駕
虛名謀解者掇空批從淑定爲清收之法析戶析丁實收實折
申定永額勒石以垂不朽

隆慶
縣志

國朝順治元年禁天下毋得正賦外再收火耗各直省文臣齎錢

糧冊籍以進

皇朝文
獻通考

三年令漕白二糧與歲貢絹布俱官兌官解以紓民困

四年詔天下編審人丁

五年令三年編人丁一次戶有四曰軍曰民曰匠曰竈各戶凡上

中下三等丁有民丁有站丁土軍丁衛丁屯丁之數而登諸黃冊
由戶部彙疏以

聞

六年頒行易知由單

十二年頒部鑄步弓尺於天下廣

步縱二百四十步爲畝方廣十五

步縱十
六步

十三年頒示賦役全書及丈量冊黃冊赤歷會計冊易知由單截
票串票印簿循環糧冊奏銷冊之式

賦役全書先開地丁原額繼開荒亡次開實徵又次開起運存
留附開開墾地畝招徠人丁每州縣各頒二部一存有司查考
一存學宮令士民檢閱丈量冊以田爲主黃冊則以戶口爲准
與賦役全書相表裏赤歷每年頒二扇開列戶口錢糧數目一

備膳眞一令民自登納數布政使歲終磨對會計冊則備載州縣正項本折錢糧凡起解到部逐項注明年月日期解戶姓名以杜侵欺併稽完欠其徵收則承明代一條鞭法由單則每州縣開列上中下地丁正雜本折錢糧末編總數刊成定式每年開徵一月前給散花戶使民易知截票開列實徵地丁錢糧數目分爲十限每月限一分串票用印鈐蓋就印字中分爲兩一給納戶一留庫櫃存驗印簿由布政司發令糧戶親填入簿季冬繳司報部糧冊則以各區納戶花名細數繕造成冊務與一甲總額相符易於摘比循環簿照賦役全書款項按月循環徵收奏銷冊以直省錢糧支解完欠按年彙造清冊歲終送府轉司達部據以銷核

定五年編審人丁一次

十五年定編審人丁冊於次年八月內到部

康熙六年令蠲免年分流抵一項將完戶今年應蠲之分數與抵

免之銀數填入次年山單之首每戶各報一單得於次年正賦中

算除從給事中姚文然等請也

本年已完糧得蠲免之令準於次年正賦除還日流抵

令停止直省造送黃冊會計冊

十一年令浙江所屬倉庫鈔銀攤入地丁徵收

十七年令浙江等省衛所屯丁照州縣人丁例一體編徵

十八年令州縣日收錢糧流水簿於歲底同奏銷冊齎送磨對其

歲造赤歷永行停止

二十四年令重纂賦役全書止載切要題目刪去絲毫以下尾欠

以杜吏書飛灑駁查之弊

二十五年令各省不得作分數雜項錢糧通歸地丁案內報銷

二十六年賦役全書成

二十八年行三聯印票法

州縣錢糧向用二聯印票官胥借名磨對將花戶所納之票強留不還遂有已完作未完多徵作少徵者今行三聯票一存州縣一付差役應比一付花戶執照所徵戶均給三聯印票照數填寫如州縣勒令不許填寫及無票付執者以監守自盜論

三十六年以浙匠班銀派入地丁徵收

賦役全書

浙江匠班一項戶籍雖在人丁已絕其實徵銀七千四百九十

餘兩均派於地丁項下帶辦

皇朝文獻通考

三十九年令設立徵糧滾單

賦役全書

凡徵糧立滾單每里之中或五戶或十戶止用一單於納戶名下注明田畝若干該銀米若干春應完若干秋應完若干分作

十限每限應完銀若干給與甲內首名挨次滾催令民遵照部冊自封投櫃不許里長銀匠櫃役稱收一限若完二限又依此滾催如有一戶沈單不完不繳察出究處

皇朝文獻通考

四十三年令州縣徵收串票將漕項地丁數目分別注明毋許蒙

混徵比

賦役全書

五十一年

乾隆府志作五十二年樓志作五十六年誤

上諭海宇承平已久生齒日繁人丁雖增地畝竝未加廣應令直

省督撫將見今錢糧冊內有名丁數勿增勿減永為定額自後所生人丁不必徵收錢糧止將增出實數另造冊題報直省督撫及有司官編審人丁時不將所生實數開報者特恐加增錢糧是以隱匿不據實奏聞豈知朕竝不加賦止欲知其實數耳於是九卿議嗣後編審人丁據康熙五十年徵糧丁冊定為常額其新增者

謂之

盛世滋生人丁永不加賦有司將所增丁口實數別造清冊謂之
盛世滋生戶口冊

五十二年頒

恩詔復申明滋生人丁不加賦之令

五十五年戶部議以編徵新增人丁補足舊缺額數除向照地派
丁外其按人派丁者如一戶之內開除一丁新添一丁卽以所增
抵補倘開除二三丁本戶抵補不足以親族之丁多者抵補又不
足以同甲同圖之糧多者頂補如有餘丁歸入滋生冊內造報
雍正二年令提解州縣火耗以給官養廉及他公用

考錢糧出於丁田之中火耗加於錢糧之外自明以來始有之
蓋由本色變而折銀取之於民也多寡不一解之於部也成色

有定此銷鎔之際不無折耗而州縣催徵之時不得不取盈以備補耗亦猶糧米之有耗米也迨行之既久州縣重徵於民上
司苛索於州縣日增一日因循瞻徇視爲應得之物遇公則加
派私徵皆取之民又不止重耗而已此其故由有司無養廉之
資而閭閻滋科派之累自提解火耗之法行百姓永無籍名苛
派之累官吏得有潔己奉公之資加於民者無多益於民者甚

大

皇朝文獻通考

令各省州縣將下年徵糧之紅簿於上年十月內申送布政司鈐
印於開徵前給發州縣徵收時眼同花戶登記填寫串票上司盤
查卽取布政司鈐印之紅簿對驗徵收卯簿該官務須親對完欠
毋得假手戶房民間輸納銀色不足者自應傾銷但州縣設立官
匠因以累民者甚多令地方擇銀匠之信實者數人連名互保聽

民投鋪傾銷

上諭民間輸納錢糧用自投櫃法亦屬便民之道但偶有短少令其增補每至多索其數浮於所少之數理應將原銀發還仍於原封內照數補足交納庶可免多索之弊

四年令浙江丁銀攤入地畝徵收每賦一兩徵丁銀一錢四釐五毫不等

諸暨原額田地山塘蕩等項加新陞共徵銀四萬八千一百二十四兩三錢三分七釐有奇米五千四百七十八石四斗八升三合六勺有奇每銀四兩二錢五分三釐有奇米四斗八升四合二勺有奇派成丁一口每銀三兩八錢三分三釐有奇米四斗三升三合三勺有奇派食鹽鈔丁一口每銀三兩二錢二分一釐有奇米三斗六升六合七勺有奇派食鹽課口一口

賦役全書

六年定行順莊編里法

如一人有數莊數甲之田分立數戶者併爲一戶或原一戶而實係數人之產卽分立的戶花名若田畝未賣而徙住他所者於收糧時舉報改正田坐彼縣而人居此縣者就本籍名色別立限單催輸

皇朝文獻通考

雍正十年諸暨縣知縣崔龍雲申嚴順莊滾催實革里書永禁碑爲申嚴順莊滾催實革里書爲害錮弊之禁勒石永遵事雍正九年十一月十九日奉

太子少保兵部尙書都察院右副都御史總督浙江等處地方軍務兼理糧餉管巡撫事李前事憲示內開照得浙省徵輸每圖設立糧長現年代催應比里書害口苛派口民爲害已久從前歷有禁案無如名色變幻未嘗除根兼之詭立戶名瓜分散

裝滾催阻礙逋賦纍纍本部院題明奉

旨特行順莊滾催永除糧長現年戶首單頭各種名色參官處役已費數年苦心漸見成效但利於民者不便於蠹役日後阻撓變計良法不行除另候縷悉弊端刊書編布外先頒經久規條簡切勒石永禁官民交相遵守條款列后

計開

一永定順莊之法各屬糧戶俱照本人住居用的實姓名挨戶順編不許參差跳越別圖田地盡行歸併戶下不許瓜分詭名祀田公產填明族長值年的名俱於開徵時不論錢糧多寡照冊內住居挨戶填單每月分定期限止發總保交給首戶以次傳知不許差役分發各戶單到案限完納將銀數日期自填單內末戶完日卽交櫃書繳銷不許造戶改滾差人追單如有匿

單抗欠者一月限滿口掣本戶究處不許列單總催總比其外
縣人民各編某縣寄莊注明佃戶姓名另立限期發單交佃傳
知秋收不完着佃扣租交納南米漕糧屯衛以及各場竈課亦
照此滾催至莊民如有遷移各鄉於月終報縣推轉發滾此法
永行毋許變更

一禾革糧長現年差人下鄉之弊徵糧既發滾單不須輪卯應
比從前一切糧長現年戶首遞年單頭總催等項名色盡行革
除敢有仍令催糧比口并濫差下鄉滋擾者官參役處

一禾除圖甲之弊從前各圖限定田數立爲十甲分派值役挨
年輪甲圖管今按住居順莊不拘田數多寡所有原圖十甲名
色盡行革除以絕糧現弊根永不許借均田均役爲名虛立都
圖翦撥勻裝紛更成法

一永革里書之弊歷年里書盡行革逐不許更名盤踞所管冊籍追出交官簽典誠實縣書經營每年換充鬪分不許一人坐管凡糧戶查冊口勒需索稟縣立拿詳究徇庇赴上司呈控并參

一永禁吏蠹需索之弊紹興府屬糧現既革凡戶糧刑房丁田科里書冊書圖書圖差圩長圩總管圖甲首歇家等項人役上卯開手銀錢酒席添口冊費卯包飯錢差錢杖費到鄉酒飯船錢歇宿冬夏二季抽豐年規銀米以及派值省府人夫科斂修倉經臨過往雜差等項勒索陋規盡行革除其地方命盜踏勘勾攝人犯等事一概不許干涉口民永值供應

一永定由單之法每年開徵前將各戶田地山塘核明科則加減確數按戶頒給易知由單印官口備公銀發給紙工不許分

文科派倘有飛灑暗派浮加單費及匿單不發者揭報參究
一永定推收之法凡典賣產業於成交稅契時隨即推收過戶
不許賣主指勒因順莊初行各縣多有只將田糧數目彼此開
除未有田畝字號清付莊書借此指勒橫索是以今屆大造之
年暫令各圖有田殷戶一人情願認充者管理冊籍推收完竣
交口歸農竝不令其每年管冊亦不許州縣抑勒承充差拏滋
擾一切錢糧催比等事不得干涉殷戶致累并照程升司議定
凡推出收入田一畝只取銀一分地山塘等一畝只取銀五釐
以爲紙飯費敢有縣臺借名把數勒索殷戶包費多取推收分
文者拿究處死嗣後民間典賣產業即將字號推付過戶則逐
年推收既清卽屆大造亦無容另點殷戶承管更爲便民永宜

遵守

碑文

八年申明三聯串票之法

皇朝文獻通考

嗣後州縣收糧米之時預將各里各甲花戶的名填定三聯版串一給納戶執照一給經承銷冊一存州縣查對按戶徵收對冊完納卽行截給其未截給者卽係欠戶有糧無票有票無糧者卽係書吏侵蝕查比查究甚易

十一年令錢糧小戶一錢以下及大戶一錢以下之尾欠皆准納制錢每銀一分完制錢十文

乾隆六年禁官吏於滾單多開分數以圖混收

二十三年令州縣錢糧隨徵隨解不得久儲庫內從戶科給事中黃登賢請也

戶部議請從黃登賢奏刪除地丁錢糧奏銷項下折徵顏料等款

二十九年續纂賦役全書

三十一年

上諭銀庫司所奏月摺內地丁項下開寫絲毫忽微等細數此等名目極爲纖悉而秤兌時竝不能將此數分析彈收徒屬有名無實嗣後各省徵收錢糧以釐爲斷不必仍開細數

三十三年詳准諸暨錢糧銀米一條統徵科則由單一律頒發不

必徵收本色

賦役全書

諸暨南米原徵本色每年除派紹協之外餘皆儲省倉以爲滿漢兵餉及織造匠役月糧之需因地方向來不產團米又處山僻不通舟楫難解本色康熙雍正間每年開徵鄉老等集城隍廟議價私折銀於官役赴省購米交倉雍正五年總督李因杭城市價長落不齊恐啟加派多收之累議飭每石定價銀一兩

三錢外加耗銀一錢科算折徵歸入地丁項內統徵分解每於秋收之後藩司委員採辦又緣外辦與部檔不副經藩司張奏准據實造報嗣因原定折收正耗與乾隆十一二至十五六年米價相懸過多經巡撫永於乾隆十六年請照乾隆十五年時價酌中定額除耗銀仍按原徵收納外其價每石增三錢共徵正耗一兩六錢解司委辦價昂兼買糶米搭放十六年以後米價有加無減委辦賠累又難再議加價乾隆二十四年經巡撫莊題准收本地糶米乾隆二十八年以漢軍出旗爲民額米有餘巡撫熊奏定於乾隆二十九年爲始舊例改折銀一兩六錢併入地丁統徵分解所有南米內奉派紹協米一款應仍徵本色放給知縣黃詳請隨同省米改折價銀未奉允准又經藩司索詳請將省米亦照撥協營糧徵收本色於青黃不接

之時糶價解司檄飭創縣隨有糧戶樓安國等以懇復折徵上
籲經巡撫熊批司議覆藩司索詳覆省米依舊折徵營米石斗
大戶徵收本色升合小戶聽輸折價諸暨糧戶升合居多竝無
石斗大戶乾隆三十三年署知縣陳復詳請統隨省米一條編
徵折價買米給放募人科則徵收如不敷買官爲賠補奉藩司
劉知府明轉詳總督崔巡撫永批准立案自此諸暨南米每石
永折正耗銀一兩六錢萬民稱便

樓志

咸豐口年續修賦役全書

同治三年閩浙總督左宗棠奏爲覈減紹興府屬浮收錢糧恭摺
奏祈

聖鑒事竊浙東各屬地丁南米經臣上年奏明應一律核減竝將
溫州府屬先行減定在案茲查浙東八府錢糧徵數以紹興爲最

多浮收之弊亦以紹興爲尤甚山陰會稽蕭山諸縣完納錢糧向有紳戶民戶之分每正耗一兩紳戶僅完一兩六分至一兩三四錢而止民戶則有完至二千八九百文或三四千文者以國家惟正之供而有紳民重輕之別以閭閻奉公之款徒爲吏胥中飽之資官司以賄累爲苦民戶以偏重爲苦若不明定章程刪除浮費弊累日甚其何以堪孟子論治以經界不正井地不均穀祿不平爲深憂者此也臣於上年覈定溫屬地漕後卽飭奏調來浙差遣候選知府戶部郎中顧菊生前赴紹興會同該管道府將歷年官徵民納實數及向來流攤各款逐細清查分別裁減茲據顧菊生等稟稱紹屬八縣六場正雜錢糧有照銀數完納有照錢數完納殊與定例有乖現擬統照銀數徵解其一切攤捐名目及道府各署陋規概行禁革并擬於正耗錢糧之外仍視各縣前徵多寡

每兩酌留平餘以爲各該縣場辦公之用開送徵解留用數目清冊前來臣細加覆核除正耗仍照常徵解外紹屬八縣額徵地漕等款并蕭山公租竈課銀四十五萬三千四百七十四兩零新昌一縣徵數業經減定勒石毋庸議改外其餘七縣共實減去錢二十萬五千一百零六千文南米額徵本色米七千餘石折色米一萬五千二百六十七石零減去本色秬米三百六十一石減折色耗錢一萬二千零七十二千文六場竈課額徵銀一萬四千三百八十九兩又蕭山牧租額徵錢一萬三千九百十六千文實減去錢四千二百四十二千文計共減錢二十二萬一千四百二十千文米三百六十一石但能永遠遵守大小戶一律完納以十年之通計之民間即可多留二百餘萬千之錢三千餘石之米矣旣無須損上以益下民力自見其有餘亦無須哀多以益寡貧戶不憂

其不足官之徵收有定章則上下之交肅民之完納有定數則胥吏之弊除此次定章之後臣當飭令各屬一體勒石遵守如有官吏陽奉陰違於定章之外添設名目多取分文者定卽立予撤參如大戶不遵定章完納致官有賠累之虞民有偏重之苦者亦必核實懲辦以昭儆戒所有覈減紹興府屬錢糧緣由理合恭摺具陳伏乞

皇上聖鑒訓示四月十一日內閣奉

上諭左宗棠奏覈減紹興府屬浮收錢糧一摺浙東各屬錢糧以紹興府屬徵數爲最多而浮收之弊亦最甚經左宗棠查明核減將紹興府所屬八縣六場正雜錢糧無論紳戶民戶統照銀數徵解一切攤捐名目及陋規等項概與革除計除正耗仍照常徵解外共減去錢二十一萬有奇米三百六十餘石民困諒可稍蘇卽

著照所議辦理嗣後竝著爲定章永遠遵行不準再有紳戶民戶之別致滋偏重其地方官吏尤當潔已奉公剔除積習倘敢陽奉陰違添設名目格外索需及大戶不遵定章完納者卽著該督撫核實查參懲辦以重國帑而恤民瘼欽此

案

又札諭一道

爲曉諭事照得本部堂督師入浙以來目擊彫殘勤思撫字疊次札飭各該地方官嚴禁浮勒核減徵收以蘇積困復經照會顧郎中前赴紹興會同該署府楊守詳查紹屬各縣場前徵銀米各數分別釐減浮費去後茲據顧郎中楊守以紹屬各縣場錢糧除新昌一縣已經勒石定數毋庸更改外其餘各縣場應統以一兩一錢作爲正項外每兩酌留平餘津貼辦公竝將一切陋規裁革酌定用款稟復前來本部堂細加酌核所擬均尙

妥協當卽據情入 告所有紹屬徵解錢糧合行出示曉諭爲
此示仰紹屬軍民人等知悉自同治三年上忙啟徵爲始除正
項一兩一錢外山陰縣地漕每兩准留平餘錢三百文南米本
色每石准留米七升折色每石准照五千文折收會稽縣地漕
每兩准留平餘錢四百文南米本色每石准留餘米七升折色
每石准照五千文折收蕭山縣地漕公租竈課每兩准留平餘
錢四百文南米折色每石准照五千文折收零戶米每石准照
三千三百六十文折收牧租每千准照一千一百文徵收諸暨
縣地漕每兩准留平餘錢三百文上虞縣地漕每兩准留平餘
錢二百五十文餘姚縣地漕每兩准留平餘錢二百八十文嵊
縣地漕每兩准留平餘錢三百五十文曹娥場金山場均每兩
准留平餘錢四百文錢清場東江場均每兩准留平餘錢三百

文石堰場每兩准留平餘錢二百文自示之後准爾等地方刊碑勒石永爲定例無論大戶小戶一律照章完納不得稍有抗欠其完銀米應概用板串書吏不得包徵包解如有奸胥蠹役仍前勒折浮收或藉代墊及各項名目需索加費許赴該管地方官控訴申理爾等亦宜互相勸勉踴躍輸將毋得任意抗玩致干咎戾其各凜遵毋違等因除示諭外合行札飭爲此札仰該縣卽將發來告示實貼曉諭以便周示毋違此札

附章程五條

一實徵一兩一錢解司除正款並耗銀餉餘外籌補一款現在裁革所餘之銀應作爲解費省歇傾工火耗釘鞘等項之用歸縣自行開銷其從前一切攤捐名目及各署陋規盡行裁革

一各縣徵收錢糧照例應用板串嘉慶二十四年曾經司詳通

飭在案嗣因日久弊生改用活串致書吏弊端百出現在更定
新章應統用三聯板串如某戶應完銀若干均查照糧冊於串
票內註明上忙完銀一半下忙完銀一半庶書吏不能有大頭
小尾重徵倍徵諸弊而州縣發出串票若干卽應徵銀若干亦
易於隨時稽察 一串票櫃書向有票錢現在雖未全行裁革
亦應明定章程不准例外多取其完納銀米花戶應隨完隨給
串票不准延閣 一幕友修火自此次定章之後亦應減省大
縣准請刑名一席錢穀一席其小席祇准酌留二三人中小縣
刑錢併請一席小席准留一二人至府署向有發審修金由各
縣攤派現已提辦公卽不准再問州縣攤派 一院府縣試經
費自此次定章之後皆不准列入流攤每屆應實用若干亦應
由府預先酌定案年提存

附稟

敬稟者本年三月初四日奉憲臺批另發章程五條竝仰妥議稟覆繳等因奉此遵經卑府鈔行各縣場遵辦一面移知司員會查奉發飭議章程內如錢糧應用板串徵收一條在附郭之山會二縣徵收皆用板串惟郡外各縣場或有改用活串徵糧之事當由卑府遵飭嚴查禁止又櫃書串票一條向例每張准取錢一文現當遵飭查禁多索又幕友修火一條亦當督屬凜遵辦理惟實徵一兩一錢解司條內有籌補一款現在裁革等諭此係道光二十九年辦理清查案內奉前撫憲 奏准提補通省挪缺之款竝奉核定各屬每解地漕銀隨解籌補銀十兩令遵辦在案茲蒙裁革似應請 奏又院府縣試經費每屆實用若干應預先酌定按年提存一條檢核擬呈清冊原定各縣

每年各考費暨各房費并捐給各款山陰縣錢二千四百串會稽縣錢一千八百串蕭山縣錢二千串諸暨縣錢一千二百串餘姚縣錢二千串上嵎二縣錢各一千四百串共一萬二千二百串議請酌提一半爲考試經費以三年兩屆而計共可提存錢一萬八千三百串歲科兩考有文武兩試及專舉行文試之年分應用經費不無多寡並議以一萬串爲歲試各經費八千三百串爲科試各經費核與向辦歲科兩考用數亦皆有絀無盈仰蒙憲臺明諭不准列攤尤慮州縣更調不時或涉偏枯若按徵數提存設遇歉歲蠲緩款難如數提足計唯將每屆酌定考費錢文議令各縣按照在任月日預先存出如遇交代責成前官存交後任或提儲府庫俟屆辦考之年按數動用第不准有不敷名目額外加派以杜冒浮是否有當合將遵飭會議緣

由稟覆仰祈批示旋皆批准

戶口

自攤丁入地後戶口無賦記報無繫重輕故多不實是編從略

宋

大中祥符籍戶四萬九千六十二丁七萬七千八百六十七

嘉泰會稽

志

嘉泰籍戶四萬二千四百二十四丁五萬六千四百二十二不成

丁一萬八千五百二十七

元

至元籍戶五萬三千九百七十八丁缺

隆慶駱志

明

洪武籍戶三萬一千三十七丁一十七萬九千六百四十四

萬曆府志

永樂籍戶四萬一百四十一十六萬四千四百六十九

宣德籍戶三萬六百七十一丁一十四萬七千五百五十

隆慶駱志

宏治籍戶一萬九千五百二十七丁一十一萬四千一百四十六

成化籍戶二萬一千一百丁一十一萬九千一百三十七

正德籍戶一萬九千三百二十六丁一十一萬二千一百四十六

嘉靖十年籍戶一萬九千四百二十七丁一十一萬三千一百四

十六

嘉靖末籍戶一萬九千五百四十丁八萬九千七百八十八

萬曆籍戶一萬八千四百一十丁三萬八千六百八十四

男二萬三千七

百九十六女一萬四千八百八十六

萬曆府志

明末籍戶缺丁三萬八千六百八十四

男成丁一萬一千二百八十五幼丁一萬二千五百

一十一女一萬四千八百八十八

章志

國朝

順治三年戶口照明末之舊康熙四年戶二萬七千九百五十三
 丁原額三萬八千六百八十四新增一百一十一共三萬八千七
 百九十五男成丁一萬一千三百一十三幼丁一萬二千五
 百五十四婦女一萬四千九百三十八章志

康熙二十年實在人丁三萬八千八百五十二年令據五十年
 丁冊定為常額以續生人丁入

盛世滋生冊永不加賦是年諸暨新增人丁八百四十一康熙
 府志

康熙六十年原報原額人丁四萬一千一百一十四

雍正四年實在人丁四萬一千二百八十六九年編審舊管人丁
 四萬一千二百八十六新收人丁三千六百三十九開除人丁三
 千九十三實在人丁四萬一千八百三十二內除原額完賦成丁
 一萬一千三百一十口每口仍徵銀一錢一分徵米五合六勺外

實

盛世滋生增益土著成丁一千七十九口永不加賦除食鹽鈔丁
原額完賦一萬二千五百五十四口每口仍徵銀六分四釐米五
合六勺外實在滋生土著增益食鹽鈔丁八百八口永不加賦除
食鹽課口原額完賦一萬四千九百三十八口每口仍徵銀一分
五釐米五合六勺外實在滋生土著增益食鹽課口一千一百四
十日永不加賦賦役全書
乾隆籍戶十一萬八千三百五十八男女大小丁口共九十五萬
六千五百五十六乾隆府志
光緒二十五年戶四萬二千二百七十成丁男五萬四千四百一
十九口女大四萬四百五十四口小三萬五千五百五十一口

田額

地山塘
蕩附

宋

祥符籍紹興合郡土田山蕩共六百一十二萬二千九百五十二

畝七分八釐有奇萬曆府志
八縣無分數

元

至元額官民田共六千四百二十四頃九十四畝額外富儲橋裏

岡山登平草湖白塔六莊事產民田地山蕩共七十六頃一十六

畝五釐 額外官職免糧田缺數 馬站田二百四十七頃九十

三畝五分八釐 職田八頃一十七畝三分一釐 本州儒學田

九頃五十畝四分三釐 蒙古學田一頃八十六畝八分六釐

和靖書院田七畝四分 月泉書院田二十四畝四分 蘭亭書

院田二十四畝四分 稽山書院田八十九畝六分 僧寺舊有

田九十八頃二十七畝一釐 甯徽寺田一十一頃六十五畝二

分八釐 慶寺田一十一畝七分五釐隆慶縣志

明

洪武籍田地山蕩共一萬五百四十六頃五十一畝六釐萬曆府志

嘉靖籍新量田地山塘蕩共一萬八百四十二頃一十畝八分五

釐初民田分十二則有阡陌相連而則例迥別者民已疑之及後

飛灑詭挂姦弊百出浮田浮米賠頗不貲於是長量夏平之議

興矣經知縣王陳策徐懋二次料里尙未就緒林富春始勒有定

冊且鑄之石及去任本府通判蕭惟春來署縣事爲黠者所餌執

議覆量設施佈置惟黠者是聽一縣騷然姦頗叢生無長幼知其

不逮林冊之覈竟莫之奈何黠者初以立祠餌蕭及後事定不治

輿情黠者死蕭遂無聊私一二富民諷使立碑於楓

橋而去不久死碑亦旋仆人多快之隆慶駱志

萬曆籍共田地山蕩瀝一萬一千三百八十七頃七十畝八分六

釐內田七千九百九十頃九畝四分九釐萬曆十年丈出開墾田

二分清出田四百一十二頃七十五畝七釐究出零星隱田四十

四頃六十七畝一分一釐三毫秋糧米一則田七千五百七十七

者聖日武志

七

泌湖地一千四百三十頃二十二畝四釐八毫內萬曆十年丈出一頃五畝四分五

一釐夏稅麥每畝山一千六百八十一頃四十九畝八分五釐六毫

荒絲每畝蕩三十二頃五十七畝四分夏稅鈔每畝二百二十八分秋租鈔四十二文

二塘二百五十頃九十二畝七分七釐五毫內萬曆十年丈出二十六頃六十九畝五

分九釐四分毫夏稅鈔每畝二百二十文灑二頃三十九畝三分夏稅

八文八分秋租鈔四十二文二分灑灑二頃三十九畝三分夏稅

四十二文二分灑灑二頃三十九畝三分夏稅

國朝原設版圖一百六十四里自雍正六年行順莊編里法改為五百五十六莊以千字文編各莊田畝細數

原額田七千五百七十七頃三十四畝四分一釐三毫雍正七年

為請定各省耕籍等事案內置籍田除田四畝九分實該田七千

五百七十七頃二十九畝五分一釐三毫賦役全書

泌湖上則田原額一百一十頃三十五畝三分三釐有奇中則田

一百九十五頃七十八畝一分三釐有奇下則田一百六頃七十

一畝六分地山開墾成田原額一十一頃六十一畝二分八釐有奇康熙六年丈出田八十六頃三十二畝八釐有奇十六年清出田一十四頃五十畝九分八釐二十六年新墾田五頃五十七畝四分三釐有奇三十一年新墾田四頃六十七畝三十二年新墾田四十三畝三釐有奇三十三年新墾田三十九畝八分九釐有奇康熙三十四年新墾田三十一畝五分二釐有奇三十五年新墾田三十六畝二分九釐有奇三十七年新墾田九分四十一年新墾田三頃二十畝六分九釐有奇四十二年新墾田一頃四十二畝七分六釐有奇四十九年新墾田三頃六十三畝六分一釐有奇五十二年新墾田三頃二十二畝五釐有奇雍正二年新墾田六頃七十三畝六分一釐有奇十一年新墾田七頃四十六畝七分二釐有奇乾隆元年地山塘蕩改爲田六十九畝一分四釐

有奇二十九年新墾田七頃四十四畝八分六釐有奇又改地山塘蕩爲田九頃七十畝四分三釐有奇實該田一百六十七頃七十四畝三分六釐有奇

原額地一千四百三十頃二十二畝四釐八毫雍正七年置買籍田壇基除地一畝七分乾隆元年爲加陞糧銀案內地改爲田除地六十一畝四分五釐有奇二十九年爲加陞糧銀案內改地爲田除地八頃三十四畝五分二釐有奇實該地一千四百二十一頃二十四畝三分六釐有奇

新墾原額地八十六畝二分四釐康熙六年丈出地五十七頃一十五畝六分三釐有奇十六年清出地八頃二十三畝四分五釐有奇二十六年墾地二頃三十九畝五分九釐有奇三十一年墾地二頃六十五畝六分三十二年墾地三十一畝八分五釐有奇

三十三年墾地三十六畝六分九釐三十四年墾地四十六畝一分三十五年墾地二十二畝五分三十七年墾地四十一畝一分四十年墾地三頃一十六畝有奇四十二年墾地一頃九畝八釐四十九年墾地三頃七十一畝八分五釐五十二年墾地一頃六十八畝三分一釐有奇雍正二年墾地四頃二十畝三分九釐有奇十一年墾地四頃十二畝三分二釐有奇乾隆元年山改爲地八畝八分三釐有奇二十九年墾地四頃六十畝一分四毫又山塘蕩改爲地一頃一十九畝六分八釐又爲加陞糧銀案內地改爲田除地一十八畝九分六釐一毫實該地九十七頃六畝九分一釐有奇

原額山一千六百八十一頃四十九畝八分五釐乾隆二十九年墾山三十八畝四分除康熙六年丈缺山四十三頃一十二畝三

分七釐有奇乾隆元年爲加陞糧銀案內山改爲田地除山九畝
三釐有奇二十九年又改除山一頃七十五畝八分九釐有奇實
該山一千六百三十六頃九十畝九分五釐四毫有奇
原額塘蕩二百八十五頃八十九畝四分七釐有奇康熙六年丈
出二十頃一十七畝七釐有奇二十六年墾出一十畝五分五釐
三十二年墾出一分三十三年墾出一畝二分五釐雍正十一年
墾出三十畝八分二釐乾隆二十九年墾出二頃三十八畝一分
一釐有奇乾隆元年改田除去七畝四分九釐有奇二十九年又
改除六十畝六分五釐有奇實該塘蕩三百八頃一十九畝二分
三釐有奇

賦額

宋 吳越時兩浙田稅畝三斗宋太平興國中從王贄議畝稅一斗

嘉泰元年籍夏戶人身才錢一萬三百一十四貫七百五十文萬

府志樓志作八千四百三十七貫一百五十文紬一千一百六十六疋一丈四尺四

寸一分一釐樓志作一千四百五絹一萬八千六疋二丈八尺

六寸三分六毫樓志作二萬八百綿八萬四千四百四十三兩

一錢六分八釐七毫五絲樓志作一萬一千五百二秋苗米三

萬四千三百九十七石六升三合一勺樓志作三萬四千二百九

和買絹一萬八千八百五十五疋二丈二尺四寸宋時舊額之

寶慶府志云太宗時馬元方為三司判官建言方春民乏絕時預
給官錢貸之至夏秋令輸絹於官故曰和買然在昔權宜措置至
於一歲之間或行於一郡邑而已祥符中王旭知穎州因歲饑出
庫錢貸民約蠶熟人輸一緡其後李士衡行之陝西民以為便熙
甯行新法乃施之天下示為準則是時會稽民繁而貧所貸最多
後來錢既乏支所買之額不除遂以等戶資產物力而科配焉然
會稽為額獨重於他處最為民病建炎三年詔減四分之一紹興
二年守臣朱勝非又請免十分之一紹興八年又減淳熙八年又
減紹興一府遂役錢二萬六千三百七十八貫八十一文水

皆重子式示

陸茶錢八百三十貫文

樓志作八百二十貫文

小綾六百疋折錢三千七

百一貫四百文

湖田米四千二百一十石三斗二升

職田米

一千四百一十一石五斗八升

折帛錢七萬五千五百三十七

貫一百二十六文

折絹綿七千七百八十六兩

折稅絹麥七

百二十石

折苗糯米三千九百一十石六斗一升

課利都稅

務祖額八千六百八十一貫二百一十五文遞年趁到四千八百

一十八貫三百七十八文楓橋場祖額一千九百五十五貫六十

七文遞年趁到三千九十貫五百六十九文 鹽每歲住買八萬

二千五百斤 茶每歲住買六千一百三十斤 酒諸暨屬戶部

萬曆府志

元

取於內郡日丁稅日地稅仿唐租庸調也 取於江南者日夏稅日秋糧仿兩稅也

夏稅錢六百九十八錠二十四兩六分六釐 絲四十五斤三兩

三錢六分二釐七毫 大麥二百五石九斗四升六合 秋糧一

萬九千一十七石三斗六升六合 秋租鈔八錠二十九兩三錢

五分九釐 糙米三百三十八石九斗四升四合 大稅穀二千

一百四十一石一斗一升 大尖穀一千三百一十九石四斗七

升六合 白荳五升二合 房地賃錢中統錢七錢五分 課程

周歲該辦中統鈔四十三錠二十二兩七錢 隆慶 駱志

明 起運存留各項 俱注在各類

洪武籍夏稅麥二千一百九石五斗一升一合有奇鈔六千五百

四十貫三十文荒絲五百三十四兩 秋糧米三萬三千二百七

十二石七斗九升八合有奇租鈔七百九十貫九百二十六文賃

錢三百八十二貫三百三十文 萬曆 府志

萬曆籍農之賦四曰夏稅麥二千一百九石四斗六合派於地曰

秋糧米三萬三千二百七十一石六斗九升七合徵於田曰夏稅

鈔一千三百八錠一貫一百二十三文徵於塘蕩瀝府志作一千

貫一百三十三文曰秋租鈔二百四十一錠二貫五百六十四文亦徵於

蕩塘瀝萬曆府志

派法每畝均科內派北折南折備折存折扣折改折海折餘卽

係本色南北折以輸兩京扣備海等折以輸軍門或年有年無

而存留本色若存折改折則以供俸若饑年之賑及輸府倉庫

起運北折不論麥米每石俱折二錢五分路費每兩貼二分二

釐五毫南京各衛倉米每石折銀七錢三分五釐路費每兩貼

八釐有奇派贍米每石折銀七錢路費每兩貼一分一釐有奇

南折米每石折銀六錢路費每兩貼一分一釐有奇以上俱解司達京

存留存折麥府倉一項每石折銀九錢一項折八錢存折米府

倉每石折銀五錢五分備折米每石折銀五錢充餉扣折米每百石無定數改折米各倉學每石俱折銀五錢五分夏秋鈔每

貫折銀二釐

乾隆府志

桑之賦一曰農桑絲惟諸暨山有荒絲五百三十五兩每兩折銀

六分二釐共三十三兩四錢七分五釐

萬曆府志

塵之賦一曰房租賃錢三百八十三貫三百三十文

傳之賦二曰馬價四百六十五兩四錢七分五釐曰驛夫今類入

均徭

兵之賦一曰兵餉四千三百二十一兩五錢六分七釐

戶之賦二曰蕩價諸暨無曰諸鈔諸暨缺

口之賦二曰鹽糧米

內分三項顏料解京者每石折六錢解各二學者折入錢解各倉者折五錢常本折半

百一十六石

責辦於鄉都成丁之人每丁五合六勺遇閏增加

曰鹽鈔七百二十五兩三

錢五分六釐六毫

每鈔一貫合銀一釐輪京庫府庫責辦於

里之賦三

今謂之

曰額辦銀

有桐油銀白硝鹿皮狐狸皮銀弓箭

俱解

二百三十九兩一錢六分三釐

曰坐辦銀 有水牛皮料銀

銀淺船料銀段正銀漆木料銀四司工料

二千三百三十九兩八

錢五釐二毫曰雜辦銀

有科舉禮幣進士舉人牌坊銀預備上司

衙門新官到任隨衙下道家伙祭祀豬羊品物等項銀修理各衛

所城垣民七料銀武舉銀戰船民六料銀文廟啟聖祠名宦鄉賢

祠社稷山川壇厲祭銀各祠廟祭銀鄉飲酒禮銀孤老布花米柴

銀表箋綾函紙劄工食銀表箋委官齋捧盤費銀拜進香燭銀拜

賀萬壽冬至正旦令節習儀香燭銀迎春芒神土牛春花春鞭三

牲酒席銀門神桃符銀三察院按臨門廚米菜銀三察院考試生

員試卷果餅花紅紙劄筆墨府學銀恤刑按臨心紅紙劄油燭柴

炭并門阜廚役工食米菜銀各司及查盤委官心紅紙劄油燭柴

炭并門阜工食米菜銀上司按臨并本府朔望行香講書紙劄筆

墨銀府送使客下程銀縣送油燭柴炭銀兵巡道駐劄士夫交際

下程祭席銀水利道坊夫工食銀提學道按臨生員試卷果餅花

紅紙劄筆墨銀季考學員試卷果餅花紅紙劄筆墨銀歲貢生員

正陪路費花紅旗匾酒禮銀起送科舉生員路費花紅酒席銀迎

宴新舉人旗匾花紅彩段酒席銀起送會試舉人路費卷資酒席

銀賀新進士旗匾彩段酒席銀兵巡道新任祭門豬羊三牲香燭
銀府縣新官到任祭門豬羊三牲香燭銀府縣新官到任修理衙
宇銀府縣應朝起程復任酒席銀府縣陞遷給由酒席銀修理各
察院分司公館銀修理府廳堂公廨監房教場及養濟院等處
工料銀城垣繪圖紙割顏料銀優恤節婦養贍米布銀上司府縣
卷箱架杠鎖索棧單銀察院分司公館置備家伙銀府縣心紅紙
割等項銀府縣阜隸工食銀府縣官船水手銀短遞夫工食銀經
過使客阜隸工食銀馬匹草料并馬夫工食銀大小河船價并稍
水工食銀預備雜二千一百兩八錢二分
用銀俱留府縣庫

力之賦二日銀差日力差嘉靖四十三年一概准銀雇募有各驛

倉斗級巡鹽應捕鋪兵解戶獄卒弓兵織夫阜隸分守溫處甲首
看守各館門子各學庫子祠夫閘夫各場工腳巡攔南京直堂阜
隸柴薪三院坐船水手布政司廣濟庫庫子縣耳房庫子各學庫
子布政司首領都司運司府縣衛首領柴薪府縣馬夫各學齋夫
各學膳夫會同館長夫府縣及儒學公堂家夫包陪富戶各渡稍
夫民壯捕兵健步預備織造坊夫短送夫惟巡鹽應捕一項先議
免簽役徵銀抵課祇用民壯弓兵巡緝巡鹽察院批再議紹興府
議仍照額名數選募勤實之人充役分布行鹽地方巡獲鹽船人
犯不許諸暨輸三千七百七十四兩一錢八分一釐
縱放

自一條鞭行後賦額大率二項曰本色米共二千七石五斗六合

有奇一則田每畝徵三合三秒泌湖上則田五勺曰條折銀共三萬二千

六百三十七兩三錢三分三釐一則田三分八釐二毫泌湖上則

則田三釐四毫地微一分一釐山一釐三毫蕩此外不入條鞭者

惟鹽糧米鹽鈔銀數皆門攤鈔六十七兩八錢一分有奇

國朝

乾隆籍一則田七千五百七十七頃二十畝五分一釐有奇每畝

徵銀五分六釐有奇該銀四萬三千三十九兩三分六釐有奇每

畝徵米七合該米五千三百五十七石一斗四升七合有奇乾隆府志

泌湖上則田一百一十頃二十五畝三分三釐每畝徵銀四分四

釐三毫該銀四百八十八兩四錢二分二釐有奇每畝徵米二合

三勺該米二十五石三斗五升八合有奇

中則田一百九十五頃七十八畝一分三釐每畝徵銀二分九釐

六毫該銀五百七十九兩五錢一分二釐有奇每畝徵米二合一
勺該米四十一石一斗一升四合有奇

下則田一百六頃七十一畝六分每畝徵銀一分七釐該銀一百
九十一兩二分一釐每畝徵米一合六勺該米一十七石七升四
合五勺

地山開墾成田一百六十七頃七十四畝三分六釐有奇每畝徵

八釐五毫該銀六百四十五兩八錢一分三釐有奇
每畝徵米二合一勺該米四十五石四斗二合一合有奇

地一千四百二十一頃二十四畝三分六釐有奇每畝徵銀一分
七釐該銀二千五百二十九兩八錢一分三釐有奇

新墾地九十七頃六畝九分一釐有奇每畝徵銀一分二釐該銀
一百一十六兩四錢八分三釐有奇

山一千六百三十六頃九十畝九分五釐有奇每畝徵銀三釐該

銀五百五十六兩五錢四分九釐有奇

塘蕩三百八頃一十九畝二分三釐有奇每畝徵銀二釐該銀七十兩八錢八分四釐有奇

成丁一萬一千三百一十三口每口徵銀一錢一分該銀一千二百四十四兩四錢三分每口徵米五合六勺該米六十三石三斗五升二合八勺

食鹽鈔人丁一萬二千五百五十四口每口徵銀六分四釐該銀八百三兩四錢五分六釐每口徵米五合六勺該米七十石三斗二合四勺

食鹽課人口一萬四千九百三十八口每口徵銀一分五釐該銀二百二十四兩七分每口徵米五合六勺該米八十三石六斗五升二合

外賦入地丁科徵稅課局課鈔銀四十五兩

均係編徵抵裁充兵餉係隨糧帶徵即在

地下編徵之內

外賦不入地丁科徵銀六十八兩三錢九分八釐有奇

內本縣課鈔銀六兩

入錢二分一釐門攤鋪戶出辦歸經費用稅課局課鈔銀六十一兩五錢七分六釐有奇市鎮鋪行出辦歸經費用

加顏料新加蠟茶新加顏料時價蠟茶時價藥材時價匠班銀六

項於地丁項下帶徵共一百七十六兩九錢七分四釐有奇

加零積餘米改徵銀三十兩六錢六分七釐有奇

加孤貧口糧米改徵銀一百五十四兩八錢

統共額徵田地山塘蕩人丁外賦一切等項五萬九百二十兩

三錢三分三釐有奇除去收零積米三十石六斗六升七合有

奇孤貧口糧米一百五十四石八斗實額徵米五千五百一十

六石九斗八升七合有奇後將丁口徵額銀米每年加入土田

應徵銀米每兩每石攤徵又將漕運項下隨漕本色月糧給軍
 米一千一十一石六斗及加閏米一百石每年每石改徵折銀
 一兩二錢解糧儲道衙門又將存留本色南陞等米四千五百
 五石八斗八升六合有奇每年每石改徵折價銀一兩五錢耗
 銀一錢續纂賦役全書

同治三年籍額徵地漕米折等銀五萬八千九百五十七兩縣案

舊徵每兩收銀一兩一錢三分八釐有奇合錢一千九百三十
 四文又零收平餘錢四百七十九文合計每兩收錢二千四百
 十三文統共收錢十四萬二千二百六十二串零現擬每兩連
 耗徵銀一兩一錢有奇合錢一千八百七十文共應解錢十一
 萬二百四十九串零存平餘錢三萬二千零十串零定銀數大小戶一律
完納如小戶不能完銀者仍照市價隨時合錢不准書吏抑勒多取

起運

前代之制注
各類中不贅

乾隆籍起運戶部項下顏料蠟茶本折銀一百五十二兩八錢三
釐有奇新加銀五十二兩四錢四分有奇時價銀一十一兩六錢
二分三釐有奇折色銀一萬四千二百九十二兩九分有奇 禮
部項下藥材本折銀五兩六錢九釐有奇加時價銀五兩九錢二
分一釐有奇折色銀一百一十四兩九錢二分三釐有奇 工部
項下桐油本折銀一百二兩九錢三分一釐有奇折色銀三千二
百一十九兩九錢七分四釐有奇田畝帶徵匠班銀一百六兩九
錢八分九釐五毫有奇 裁改各衙門倉庫驛站民壯船梢夫工
考試禮幣路費花紅縉紳優免祭祀各項存留項下解部地丁銀
一萬二千九百六十九兩三錢三分六釐 積餘米易銀三十兩
六錢六分七釐 留充兵餉改起運銀九千四百六兩五錢八分

九釐有奇各項鋪墊損解統共起運實銀四萬二百五十七兩八

錢七分四釐鋪墊損解滴珠路費銀二百一十四兩一錢八釐有

奇賦役全書

起運加閏銀折色銀三百八十七兩七錢五分五釐有奇內戶部

一十兩三錢五分二釐有奇路費銀一錢四釐有奇工部折色銀

二十八兩九錢七分八釐有奇路費銀三釐有奇順治九年至乾

隆二十九年裁贖裁扣銀二十次共一百六十五兩一錢三釐有奇續纂賦役全書

同治籍起運共合錢十一萬零二百四十九串有奇每兩銀連耗收銀一兩一

錢有奇合錢一千八百七十文縣案存留

乾隆籍布政司存留本司解戶役銀六十兩戰船民六科銀七十

九兩二錢九分八釐共存留地丁銀一百二十九兩二錢九分八

釐

府縣存留拜賀習儀香燭銀四錢八分祭武廟銀六十兩祭厲壇

米折銀六兩本縣祭祀共銀一百三十三兩七錢有奇文廟春秋二丁祭共

六十兩啟聖祠一十二兩社稷山川壇二祭共三十二兩邑厲壇

三祭共二十四兩鄉賢名宦祠二祭共五兩七錢韓文公朱文公祠亦在其內餘贖每年解收文廟香燭每月朔望共銀一兩六

錢迎春芒神土牛春酒共銀二兩同知俸銀八十兩門子二名共

銀一十二兩步快八名共銀四十八兩阜隸十二名共銀七十二

兩捕役六名共銀四十四兩本府儒學廩糧銀四十兩本縣知縣

俸銀四十五兩其攤扣荒缺銀兩門子二名共銀一十二兩阜隸

一十六名共銀九十六兩馬快八名每名工食六兩陸路備馬製

械水鄉打造巡船以司緝探每名十兩八錢共銀一百三十四兩

四錢禁卒八名銀四十八兩民壯二十四名銀一百四十四兩轎

織扇夫七名銀四十二兩庫子四名銀二十四兩斗級四名銀二

十四兩縣丞俸銀四十兩門子一名銀六兩阜隸四名銀二十四兩馬夫一名銀六兩典史俸銀三十一兩五錢二分門子一名銀六兩阜隸四名銀二十四兩馬夫一名銀六兩儒學俸銀三十一兩五錢二分齋夫三名銀三十六兩廩糧銀六十四兩廩生膳銀四十兩門子三名銀二十一兩六錢儒學加俸銀四十八兩四錢八分鄉飲酒禮二次銀八兩歲貢生員路費旗匾花紅酒禮府銀七錢五分縣銀三兩

府縣歲貢一項每年解司充餉其應支銀兩於地丁項下發給看守公署門子工食銀九兩

布按二分司二名府館一名每名三兩本縣鹽捕八名共工食銀五十七兩六錢縣前鋪司兵五名十里鋪五名張馱嶺鋪五名新店灣鋪五名櫟橋鋪五名楓橋鋪五名乾溪鋪五名古博嶺鋪五名

每名工食銀七兩二錢共銀二百八十八兩

謂之衝要鋪楓木鋪司兵三名鯉魚橋鋪三名寒熱阪鋪三名李家橋鋪三名每名五兩羅嶺

鋪三名每名六兩共工食銀七十八兩謂之偏僻鋪茅渚步五浦渡夫

各二名黃家步街亭湖頭華家宣家潘家渡夫各一名每名一兩

共工食銀一十兩修理學宮明倫堂山川社稷壇所并楓橋宣何

長瀾公館等處共銀一十四兩二錢孤貧四十三名布花木柴銀

二十五兩八錢每名銀六錢又口糧銀一百五十四兩八錢每名歲支銀三兩六錢

以上孤貧二項共存留地丁銀二千一百二十七兩四錢五

分有奇賦役全書

以上各項內鄉飲酒禮二次銀八兩後每年改解司充餉陸路

備馬製械水鄉造船銀八十六兩改解司撥給役工看守公署

門子工食銀九兩每年撥給禁卒不敷工食又祭武廟厲壇折

色同知捕役工食儒學加俸四項係動地丁題銷每年仍於

地丁起運項下造冊報銷續纂賦役全書

乾隆籍存留本色米四千五百五石三斗八升六合有奇內南米四千四百二十七石三斗四合有奇自康熙六年至乾隆二十九年共陞米四十二石五升二合後每石折正銀一兩五錢耗銀一錢共折銀七千二百八兩八錢有奇自此諸暨無南米

縣重四口糧米四十六石折銀五十七兩

存留加閩同知門子銀一兩捕快銀四兩阜隸銀六兩捕役工食銀四兩本縣知縣門子共銀一兩阜隸銀八兩馬快工食銀四兩陸路備馬製械水鄉造船共銀一十一兩二錢民壯銀一十二兩禁卒銀四兩轎織扇夫三兩五錢庫子銀一兩斗級銀二兩縣丞門子銀五錢阜隸二兩馬夫五錢典史門子五錢阜隸二兩馬夫五錢儒學齋夫三兩廩生膳銀一兩三錢三分三釐門子一兩八錢布按二分司看守公署門子工食五錢府館二錢五分鹽捕工

食四兩八錢衙要八鋪司兵工食二十四兩備備五鋪司兵工食
六兩五錢各渡渡夫工食八錢三分三釐有奇共存留地丁銀九
十九兩四錢一分二釐有奇不入田畝外賦銀一十兩三錢四釐

有奇賦役全書

以上陸路備馬製械一項銀一十一兩二錢改解司撥給役工

同知捕役工食一項歸起運項下造冊報銷續纂賦役全書

同治籍平餘錢三萬二千零十三串有奇每兩收平餘錢四百七十九文內除知

縣衙門火食茶燭柴油錢二千四百串幕友脩火等項錢一千八

百串戶庫各書銀採茶役門印經符八等錢一千四百串同寅節

禮各項一千串院前縣試及司道房費并各捐錢一千二百串留

給辦公雜用錢三千五百串內本道辦公五百串本府辦公一千串留作本官家用

錢一千五百八十七串緝捕經費八百串監押口糧看役人等錢

八百串鄉徵各櫃錢三千二百串統需錢一萬七千六百八十七串餘一萬四千三百二十六串縣案

鹽課

乾隆籍鹽課抵課水手銀二十五兩六錢一分九釐內三江巡司抵課銀三十

三兩九錢八分滴珠銀二錢三分九釐鹽院完字號坐船水手銀一兩四錢有奇

加閩地丁銀二兩二錢三分四釐有奇內三江巡司抵課銀一兩九錢九分八釐滴珠銀一

分九釐鹽院坐船水手銀一錢一分六釐

漕課

隨漕本色月糧給軍米一千一十一石六斗有奇遇閩加米一百

石後每石每年改徵折銀一兩二錢共折米銀一千二百十兩九

錢二分有奇加閩折米銀一百二十兩解糧儲道衙門

隨漕折色銀七千七百一十一兩三錢五分有奇內貢具銀一百九十九兩四錢

七分五釐有奇淺船料五百二十七兩一錢九分八釐有奇月糧七分給軍銀七千八十四兩七錢三分有奇 咸豐賦役全書

站課

驛站銀四百七十四兩六錢四分七釐支應本府驛務各項銀 加閏銀三十

五兩二錢二分樓志

外鋪賦

學租銀八兩四錢七分三釐有奇每年解司轉學院賑給貧士膏火 咸豐賦役全書

當鋪向無定額每名稅銀五兩後奉光緒二十三年通飭每典加

增銀四十五兩以二十三年為始嗣後新增各典每年應完銀五

十兩仍於每年春季查明增除造冊報部輸稅牙戶無定額上

則牙戶每名徵銀八錢中則牙戶每名徵銀六錢下則牙戶每名

徵銀四錢縣案

契稅無定額每買產價銀一兩徵銀三分

以上四項每年查明稅數儘收儘解造報 題銷

附坊里都圖

前志載坊里而說仍函胡考通志載唐六典曰百戶爲里五里

爲鄉兩京及州縣之郭內爲坊

每坊四門中爲十
字街見長安志圖

郊外爲村里

及村坊皆有正兼催調賦役之事始防於初行均田法時歟宋

始分城內爲廂領於坊郊外爲都領於鄉改里曰保領於都各

爲圖以一二爲次圖之爲說更甚夥顧惟宋史袁燮傳燮爲江

陰尉令每保畫一圖田疇山水道路悉載之合保爲都合都爲

鄉合鄉爲縣征發爭訟追胥披圖可決此圖之說之最爲明顯

者也元又改廂爲隅明制則在城曰坊近城曰廂鄉都曰里編

爲冊冊首總爲一圖各立正長以辨征徭蓋與賦役相爲表裏

者也駱志略敘規制而於城廂二十二坊之外雜廁鄉村登科

節孝等坊則何也樓志因之并以涇國墓表屨入抑更疏已

國朝自康雍以來改立順莊滾催之法城仍分隅鄉仍分都永
除圖甲并永革糧長戶首遞年見年里書圖書等項名色不假
均田均役之名俾免總催總比之累意美法良民樂更生然則
莊立而坊里廢矣仍而志之附於田賦之後亦藉以明前代之
制而存其名焉云爾

城內外四隅凡七圖宋制領二十坊元增二坊共二十二坊明
因之今為七隅曰東一隅東二隅曰南隅曰西一隅西二隅西
三隅曰北隅

東隅二圖

神秀坊

在江東今雞山下以近東嶽行宮故名

永壽坊

在江東永壽寺側

台輔

坊

在江東馬道衙日本名永樂相門坊

在江東宋縣令王榕所居榕為左丞相安禮曾

孫故

使星坊

在江東對西施坊初名永泰以近使華驛故更名

南隅一圖

范鄰坊

在南門外通上湖以近范相壇

臨津坊

在南門外

義津浣溪坊

在浣溪濱

郭密之以山多芝草作亭其上

而更名焉
又名靈芝

西隅三圖

集賢坊

在縣前亦名臨

製錦坊

在縣前三恩橋

道山

坊

在桂花橋旁以路通乾明

綵織坊

在桂花橋斜對本名永歲

濟院狀元坊

在登仕橋西北宋淳熙已

丹桂坊

在采芹橋西南元

己高葆傳申屠性同

勸農坊

在東西施坊

在茅渚步

北隅一圖

安仁坊

在北門內

聯桂坊

在北門內元時增立以至

江浙右亞

華纓坊

在北門外

右二十坊又有招賢永甯二坊舊志不詳處所其屬何隅今無

可考

城外二十四鄉元分長泰為南北凡二十五鄉領八十五都明

因之今則鄉都仍其舊而里改為莊

陶朱鄉領都二

正一都

宋一圖元同

附一都

宋二圖元三圖

領里四

前應

茅渚

長山

白隅

元增一里

相門

後又附入南西

北三隅

開元鄉領都二

正二都

宋一圖元三圖

附二都

宋二圖元二圖

領里二

溪山

下墅 元增一里

樹林

花山鄉領都六

三都

宋三圖元六圖

四都

宋三圖元六圖

五都

宋三圖元四圖

六都

宋三圖

圖元四圖

正七都

宋四圖元五圖

附七都

宋一圖元二圖

領里五

白門

象湖

晚浦

中浦

下浦

元增一里

石江

義安鄉領都三

八都

宋三圖元四圖

正九都

宋三圖元同

附九都

宋一圖元二圖

領

里六 俞宅

迴隊

茹繩

朱墓

洩下

里亭

槩浦鄉領都三

十都

宋二圖元三圖

十一都

宋一圖元二圖

十二都

宋一圖元三圖

領

里六 陳宅 大馬 空塘 獨山 樓下 南安 元增三

里 新亭 陶朱 長溪

靈泉鄉領都四 宋二圖 十三都 宋二圖 十四都 宋一圖 十五都 宋二圖

十六都 宋二圖 領里五 後金 石蟹 地岸 高塚 斗泉

諸山鄉領都三 宋一圖 十七都 宋三圖 十八都 宋一圖 十九都 宋一圖

領里三 梅山 清潭 聖阪 元增二里 尚賓 興古

同山鄉領都三 宋一圖 二十都 宋二圖 二十一都 宋一圖 二十二都 宋二圖

圖元 領里三 西阮 東向 豐江

長浦鄉領都三 宋二圖 二十三都 宋二圖 正二十四都 宋二圖 附二十

四都 宋一圖 領里二 興樂 赤岸

超越鄉領都四 宋二圖 二十五都 宋五圖 二十六都 宋一圖 正二十七

都 宋一圖 附二十七都 宋一圖 領里四 乾溪 同古 前山

塘頭 元增三里 龍析 上泉 義井

天稠鄉領都四 二十八都 宋二圖 元三圖 二十九都 宋一圖 元四圖 正三十都

宋一圖 元二圖 附三十都 宋一圖 元同 領里四 鯉湖 坎頭 硯石 高

塘

金興鄉領都五 三十一都 宋二圖 元四圖 三十二都 宋二圖 元四圖 三十三都

宋一圖 元二圖 正三十四都 宋一圖 元二圖 附三十四都 宋一圖 元同 領里四 平

泉 稠水 蕙渚 街亭 元增二里 建德 崇山

龍泉鄉領都三 三十五都 宋一圖 元同 三十六都 宋四圖 元六圖 三十七都

宋一圖 元三圖 領里四 板橋 黃澤 樓子 黃阪 元增六里

梅溪 崇賢 藥王 崇熙 高崇 樂安

開化鄉領都三 三十八都 宋一圖 元三圖 三十九都 宋二圖 元四圖 四十都 宋一

圖元 二圖 領里十 沈阮 苦竹 峽山 岳風 渾里 算溪

福田 演溪 獨山 六門卽吳甯縣故址 元增三里 大田 良田

湖田

孝義鄉以宋賈恩名 領都四 四十一都宋一圖 四十二都宋一圖 四

十三都宋二圖 四十四都宋一圖 領里十 流子 湖塗 白

水 白隔 小際 黃碧 杜院 城演 官員 錢里 元

增五里 果林 上林 崇仁 崇化 城山

花亭鄉領都四 四十五都宋一圖 四十六都宋一圖 正四十七

都宋二圖 附四十七都宋二圖 領里五 大林 白社 徐岸

五竈 後岸 元增五里 龍泉 建興 陽明 松岡

永昌

長甯舊名永甯 鄉領都三 四十八都宋二圖 四十九都宋二圖 五十

都宋三圖 領里五 步溪 大阮 石碓 馬塘 黃山 元

增三里 豐義 瓜山 高湖

大部鄉領都三 五十一都 宋一圖 正五十二都 宋一圖 附五十

二都 宋一圖 領里三 白水 白豐 安樂 元增四里 奉

化 香山 宜仁 富樂

長阜 舊名永昌 鄉領都三 五十三都 宋一圖 五十四都 宋二圖 五十

五都 宋一圖 領里二 上劉 前塘 元增六里 招德 招

賢 蘭臺 招集 白水 塘里

東安 舊名永安亦名長安後分東西 鄉領都四 五十六都 宋二圖

三 五十七都 宋一圖 正五十八都 宋一圖 附五十八都 宋一圖

領里五 屠里 湖部 招桂 村陽 烏程 元增五里

安明 永明 楓橋 長塘 石潭

案五十九都地在泌湖舊無居民故不編圖甲又楓橋地方今多編入五十四都亦有入五十九都者

紫巖鄉領都四

六十都

宋三圖

六十一都

宋一圖

六十二都

宋

圖元

六十三都

宋三圖

領里八

黃關

琴隴

中里

牛格

岳駐

金汀

白櫟

盛後

元增三里

釣臺

臨川

永修

西安

舊名永安亦名長安後分東西

鄉領都三

六十四都

宋二圖

圖四六十五都

宋二圖

六十六都

宋六圖

領里七

杜汪

銀冶

竹浦

吳墅

孔胡

泌浦

祈祈

元增二里

安陽

江南

長泰鄉

元分南北二鄉以正六十七都附六十七都屬泰北

領都

五

正六十七都

宋四圖

附六十七都

宋二圖

六十八都

宋五圖

圖六正六十九都

宋二圖

附六十九都

宋一圖

領里十

望海

桑溪

竹熱

漁鱗

鄭墅

竹橋

阜山

古塘

新城

薑隴 元增二里 越女 九江

安俗鄉領都三 七十都 宋二圖 七十一都 宋二圖 七十二都 宋

圖元 領里五 丁橋 柵潭 東朱 沙岱 烏石 元增二

里 永樂 大唐 後又附入東隅

宋共編一百二十二里元增五十九里明因之 案舊志作一百五十二里

乾隆府志作一百六十四里似皆未核 今編順莊共五百五十六莊 賦役 謹

後此莊漸增加無可稽數矣

諸暨縣田賦志卷十六

諸暨圖書館藏
ZHUJI LIBRARY